

中華民國二十二年六月出版

玉樹近事記


青海南部邊區警備司令部附設邊事月刊社編輯

張步芳

K263.05



版權所有



翻印必究

編輯者

青海南部邊區警備司令部附設邊事月刊社

校對者

韓

山

如

發行者

青海南部邊區警備司令部附設邊事月刊社

印刷者

京

華

印

書

館

地址 南京中山路九十二號

電話三三五八七

電報掛號三八一四

玉樹近事記

導言


青海西藏西康在地理上天然造成三不相同之形勢蓋西藏之南爲喜瑪拉雅山脈北爲崑崙山脈南北兩山脈環抱藏境之南西北三面而岡底斯山又復蜿蜒于其中遂成一大高原西康者我國橫斷山脈之發源地北則唐古拉山脈之當拉嶺脈東西橫互爲青康之分界東以大雪山脈與四川分界西以色隆拉嶺及喜瑪拉雅東支之起伏造成康藏界限其間山脈河流大抵由北而南以入川滇青海西爲勒科爾烏蘭達布遜山北爲祁連山南爲唐古拉山而巴顏喀拉山橫貫其中爲我國長江黃河兩大水源之分界茲三區者各有其地理上之特色與天然之界限國家設官分區因勢利導清季以川滇邊務大臣治康以西寧辦事大臣治青民國均設鎮守使十七年均改爲省故行政區畫上康青與藏截然毫無關係其有關係者厥爲種族與宗教蓋達賴在黃教上有超越地位而青海南部玉樹一帶與西康西部均奉黃教人民亦屬藏族近世以來蒙弱藏強在前清之際編廢政策終於失敗馴致西藏幾於甌脫珠崖可棄後患無窮於是青康安危勢成唇齒矣玉樹在青海南部縱狹橫廣雜曲鄂穆曲二水之間西康昌都之北河源星宿海之南通天河南北二源合流之西哨曲河東源盡處面積約四十萬方里占青海全部四分之一東與西康之石渠鄧柯同普昌都爲界南與類烏齊及前藏納書克等三十九族爲界東北與果洛番族毗連玉樹二十五族曰囊謙曰拉休曰蘇爾莽曰蘇魯克曰格吉上中下三族曰中壩上中下三族曰迭達曰稱多曰固察曰安冲曰娘磋曰玉樹四族曰扎武三族曰永夏曰蒙古爾津曰竹節各族皆係土司以囊謙爲最大而玉樹四土司本蒙古部族游牧通天河上游番人謂之達木其地當入藏孔道常代表海南各土司支辦供應故在清季西甯案牘率呼海南各土司爲玉樹等二十五族久而省去等字爲玉樹二十五族遂以專名爲公名結古（卽蓋古多）屬扎武族當巴通水入

通天河之右岸自清季以來設防玉樹者率於結古駐節雖無城郭以資防守而營房建置悉同內地互市居民日趨繁盛故其地不僅爲青海之省防所重抑且爲西南邊防之重要矣當此風雨雞鳴國難方殷乘虛圖逞大有人在方痛東北之失陷騰騰所及玉樹版圖國人注意豈國家不足重輕之地耶中華民國二十一年春三月青海南部玉樹二十五族之地藏人稱兵侵入北犯各族備遭蹂躪青海省政府暨海南警備司令部秉承中央意旨竭誠宣慰終歸無效比結古被圍時歷三月勢愈危急始增兵抵禦自春徂秋海南失地迄於完全恢復戰守詳情於事蹟上自有記載之必要顧康藏問題積年未決戰事波及海南將士用命幸盡守土之責於西防整個問題國人均在洞鑒之中而中央亦有正當之方策玉樹戰事是否僅爲局部尙屬問題故尤不得不作忠實之記載以白於國人之注意邊事者願欲充分明瞭二十一年之戰事情形不先略備玉樹歷史與地上之種種狀況及二十一年前政治軍事上之種種影響據事直書易生突兀不清之弊故茲編論略取紀事本末之意前後啣接以明原委（綱要附論析分續列庶便閱覽）分上下兩編斷自民國元年至二十一年後之圖解決西防問題者此區區記載未始非紆籌之一助也

青海省政府主席馬麟肖像



青南海部邊區警備司令馬步芳肖像



玉防警備司令兼玉樹前防指揮馬彪肖像



南海玉樹宣慰使馬馴肖像



馬師長步芳向援軍玉隊訓話攝影




援軍玉由甯出發情形




馬司令彪向部隊訓話




我軍第一旅第一團第二營（在遺寺）



（寺頭當在）團二第旅二第



連四第營三第團重輜



我軍在草地戰馬因草料缺乏疲斃途中遺棄狀況




我軍途中遇雪用牛糞煮茶狀況



况狀馬野食獵絕糧路迷地草在隊通交我




况狀馬驟喂槽軍行由地草在軍我




地陣之築構兵藏領佔軍我後圍解古結




况狀之兵藏攻反莽蘇小在軍我




我軍佔領當頭寺藏兵構之陣地



我軍克復昂謙時與藏兵之激戰



蘇莽被圍時我少數防軍在壕沉著應戰




玉樹民團




我軍掘取敵人未發炸彈之狀



我軍反攻時受馬指揮訓話




狀慘後殺焚兵藏被寨新之里十古結距




狀之敵擊岸河古結在砲擊拍用軍我




昂謙我軍之哨台



西康鄧柯縣政府



(一) 兵 官 傷 受 軍 青



(二) 兵 官 傷 受 軍 青



藏兵蹂躪玉樹之後難民




番女歌舞狀況



團 民 之 樹 玉




隊 刀 大 之 軍 我




我軍在春科寺俘獲藏兵內日鉢(營長階級)二人



我軍在春科寺獲俘內有漢人




寺科春之領佔所時川援軍我



況狀之時河天通渡軍我



我軍在昂謙要隘堅築陣地



我騎兵追藏兵渡雜曲河之狀況




擊還砲大用軍我古結攻圍兵藏




戰應着沉軍我時古結攻圍兵藏



寺旦爾尕之護保口藉樹玉略侵行實方藏




道要之齊武類通謙昂由




景 全 而 市 古 結



景 全 寺 古 結 暨 市 古 結




拉 秀 寺 全 景



昂 謙 寺 院 全 景



寺 且 尕



寺 遺 邊




寺 秀 拉




圖 全 寺 遺 邊



土 門 達 寺 院




尕 且 寺 之 經 堂



寺 古 結




寺 節 竹




（傳俗）塔經晒沿河天通




景全海宿星




房 營 恰 卜 恰



房 營 壩 河 大



海 宿 星




道 山 莽 爾 蘇




圖 冰 結 河 黃




(境 縣 和 共) 海 連 邊



昂 謙 新 建 營 房




通 天 河




(源江滄瀾) 河楚雜




山 大 哈 藏 嘉



多 隆 多 之 鹽 池




鄧 柯 縣 之 溫 泉



(一) 品 利 戰




(二) 品 利 戰




(三) 品 利 戰




(四) 品 利 戰




(五) 品 利 戰




(六) 品 利 戰



會大利勝方前祝慶衆民樹玉



演講會祝慶在表代軍川



玉樹近事記 上編 (民元至二十一年)

民國元年中央任命馬麒爲鎮守甘肅西寧等處總兵旋兼蒙番宣慰使

二年甘肅都督張炳華主張玉樹二十五族歸川管轄馬麒力爭之

川人張炳華護理甘督同意川邊爭持玉樹歸川管轄之議其致馬宣慰使函云

玉樹一案奉令仍歸西寧管轄夫復何言惟時局艱虞事體重大不能不通盤合算先事妥籌逐一奉商免貽後累查玉樹西接新疆南鄰西藏北連甘肅地方遼闊番民衆多近與西藏有宗教之淵源遠與英人有國際之關係前清時歸西寧管轄而相距西寧尙有二十餘日途中隔草地並無人家每年祇夏秋可行春冬積雪遂無人迹矣前准廉長官以玉樹番族呈稱不願歸川仍歸西寧等情咨請會電前來查核原呈有玉樹在川藏之間事藏情出兩難之語因懇大總統迅飭川邊經略使暫仍照舊管轄以安邊圉而便撫循意在川事停辦玉樹番族即相安無事而我甘肅文武自可不勞而理也共和民國原無省界之分以管轄習慣言之則責在西甯但是鞭長莫及以區域毗連言之則近在川境原可因地制宜現聞川邊已認籌鉅款呈報中央而我無米之炊恐不能辦即辦亦難乎爲繼廉長官以有經營保護玉樹之責函請撥隊移紮以資實行炳華不敏竊以此事尙須從長計議無使稍有窒礙方善甘肅經濟已極困難其財力可知軍隊大加裁減其兵力可知以前清聊事羈縻之玉樹而我軍餉兩絀遠道經營欲挹彼以注茲恐心餘而力絀况玉樹番族此次投訴西寧由於川邊經略使改土設官所致我兵深入爲保護玉樹乎抑與川邊開衅乎隴蜀一家似宜和衷共濟不當有絲毫省界存乎其間也知此知彼或是或非不能不與執事妥爲籌商者也除將此意逕電中央暨川邊顏經略使外用特奉商免貽後累此致等語馬宣慰使覆電云上略詳讀函文極用駭異查青海爲民國領土玉樹爲民國人民派兵保護係甘肅應盡之義務且青海西界新疆南界西藏皆係中國領土而原函遠與英人有國際之關係一語尤不

識意之所在豈因英藏之交涉遂並視青海爲畏途乎抑意中已不認西藏爲中國領土乎其不可解者一前清對於蒙古西藏徒取羈縻政策義務既多放棄權利因以損失外蒙西藏皆係前車青海全境尙係我國完全之勢力範圍若不爲未雨之綢繆必致有後時之追悔又况民國肇建五族一家玉樹既竭誠傾向西甯當加意撫循以保護爲經營之始豈可仍襲前清官僚舊習坐誤機宜原函川事停辦玉樹番族即可相安無事而我甘文武自可不勞而理之語一若派兵保護有類畫蛇添足也者其不可解者二青海爲西北邊防最要之區玉樹爲青海全境膏腴之地川邊以放棄爲可惜尙欲越俎而謀甘肅義務之所關豈容袖手而視竊謂保護玉樹經營青海一節若謂爲不必辦者則雖甘肅財力充裕亦當別營有益之事若以爲應辦者則當移緩就急及時舉辦省中力有不繼則謀之於中央以爲保全領土鞏固邊防之計原函而我無米之炊恐不能辦卽辦亦難乎爲繼之語直視此件爲不必辦也者其不可解者三經營青海之計畫必先派遣軍隊扼要駐紮而後商賈之往來墾植之調查礦業之賦辦皆有兵隊爲之保護始能漸次進行否則野番林立劫掠侵陵之案前清屢有所聞經營之始尤不得不以少數兵隊爲自衛之計惟遠道帶兵驟入番地尤恐彼族見而驚疑致滋誤會此次因該番族請兵保護因勢利導尤可以感情之作用爲開化之先聲可乘之機莫便於此而原函乃有我兵深入爲保護玉樹乎抑與川邊開衅乎之語一若此次派兵爲特與川邊開衅者查甯夏之昭武軍不開疑與陝西及阿拉善開衅肅州之忠武軍不開疑與新疆及額濟納開衅獨於保護玉樹之兵則疑與川邊開衅何護督之薄於陝西新疆等處而獨厚於川邊乎此其不可解者四麒等此次之電達中央不過爲玉樹番民代陳願隸西甯不願歸川之意並非於隴蜀稍有絲毫之省界且歸甘肅而任其放棄轉不如暫隸川邊猶得尹經略力任經營不致令我民國完全之領土棄如敝屣而我甘文武皆得以不勞而理坐享其成麒等亦何嘗不願惟玉樹番民自該族以十四日馳至西甯傾向之忱如嬰兒之就母不得不將該族欲陳之意上達中央且念青海一帶未開之利源甚夥川邊尙有經營之意西甯豈可不爲保衛之謀不謂護督意在不勞而理竟以派兵保護爲與川邊開衅此則顏子之拾塵曾母之投杼不得不乞中央一爲詳督者也至於甘肅兵力財力兩俱困

難亦麒所素知惟查全省兵隊尚有八十餘營旂除甯夏肅州西甯邊要地點所駐軍隊不過二十營旂外其餘皆係駐紮腹地以腹地六十餘營之軍隊量移三數營於邊要不得謂爲兵力不繼以腹地原軍原餉撥爲邊地之軍餉不得謂爲財力不繼所難者在護督之認可與否視保護玉樹之軍隊爲應派與否視西甯之對於青海爲應注意經營與否耳麒荷中央任命宜慰蒙番協辦邊務防務責任所在不敢委棄商之長官一再咨商護督乃不聞贊助之舉轉滋開衅之疑刻下請添兵隊既未來甯派赴玉樹兵隊自難開拔冬間番地嚴寒固於行軍不便轉瞬開春解凍亦不得不早爲預備若仍向省中瀆陳恐生意見若竟將此件延擱實負初心且於中央固衛邊土撫輯番民之至意尤多辜負護督以派兵爲恐貽後累麒則慮長此放棄之貽累更大當時並通呈大總統國務院參陸兩部蒙藏事務局於是國人注意此事張督尋亦去職事始漸有轉機

三年九月中央派周務學赴玉樹勘查界務玉樹二十五族卒歸甘肅管轄

先是川邊附近之囊謙目爲隆慶二十五族隆慶者囊謙之轉音也民國初元經略川邊者謂二十五族爲化外之民脅令誠服且置戍焉已得中央命令矣而二十五族久隸西甯不樂屬川屢訴於甘而甘省所據以入告之文猶然玉樹二十五族也隴蜀共爭一地而稱名互歧紛紛爭執踰年莫決中央乃飭兩省派員會勘時甘督合肥張廣建以邊關道尹忠武軍統領周務學究心邊事呈准中央特派爲查勘界大員其詳呈中央文曰竊務學於民國三年九月二十七日接奉飭委內開照得玉樹番族向歸本省管轄嗣因川督電請歸川致兩省爭執年餘迄未解決迭奉中央電令派員會勘事關邊務重要未便視爲緩圖中略務學遵於十月八日偕同隨員第四中學校校長周希武肅州徵收局長梁耀宗邊關道尹公署科員王致中及測繪員牛載坤等由蘭垣起程抵西甯後留駐旬餘辦理行裝十月二十六日由甯首途取道海南過征彌月於十一月二十六日始抵結古所有首途時及沿路情形當經先後呈明在案務學在途時詳閱此卷宗隆慶玉樹是一是二有無牽混尙屬疑義務學既以查勘爲名必先調查明確而後能否劃分之問題可決劃分之問題既決而後彼此始有會商之地到結古後(中略)查民國二年十月十五日參陸兩部成電

奉大總統令內開該經略前請以隆慶二十五族暫隸川邊有無該玉樹土司所屬部族在內並即查覆以免牽混三年二月十四日內務部長元電內開此次軍隊衝突既係因爭佔隆慶而起應請貴長官查明川邊所劃隆慶地方有無玉樹在內應商明川邊鎮守使將前清管轄界址電覆中央核定各等因查青海迤南接近川藏向隸西甯現在著名之土司共計二十五族曰巴彥囊謙族曰扎武族曰拉達族曰布慶族以上三族舊志統稱為扎武上中下三族曰拉休族即舊志阿拉克碩曰格格吉麥嗎族曰格格吉班嗎族曰格格吉得嗎族即舊志格格爾吉上中下三族曰中壩麥嗎族曰壩班嗎族曰中壩得嗎族中壩即舊志隆壩原有二族後增一族曰玉樹戎摸族曰玉樹將賽族曰玉樹總舉族曰玉樹鴉拉族即玉樹四土司也曰娘磋族即舊志尼牙木錯曰安冲族即舊志安圖曰固察族曰稱多族曰迭達族即舊志隆布曰蒙古爾津族曰竹節族係蒙古爾津族所分出曰永夏族即舊志雍熙葉布曰蘇爾莽族曰蘇魯克族族各有百戶一名而巴彥囊謙千戶實為各族之長囊謙又稱昂干又稱南稱又稱隆慶皆一音之轉川邊所以謂為隆慶二十五族也西甯舊志稱該族為玉樹等貢馬番族那彥成平番奏議猶云玉樹等番子同治兵燹以後西甯案卷直稱為玉樹二十五族玉樹本二十五族中細部之名沿襲既久辭無差別遂致以專名為公名正猶隴省屬部本有甘州肅州而又以甘肅為全省之總名也川邊之以隆慶名二十五族正猶以蘭州名甘肅也其實祇是一地並非隆慶二十五族以外又有玉樹二十五族也此隆慶玉樹稱名互歧之大概情形也又民國二年十月二十二日國務院養電奉 大總統令內開該督等前電稱玉樹本三十九族何以現止二十五族並應確查具覆民國三年二月十三日國務院元電奉 大總統令開玉樹等本四十四族何現止二十五族該處境域為該長官等職任所在亦宜確切查覆各等因查自前清雍正十年收撫該族以後至道光三年幾及百年而平番奏議猶云玉樹等三十九族自道光三年至今亦不過數十年耳而族數銳減若此殊足詫異務學因詳攷衛藏通志西甯府志及胡文忠前清一統輿圖所載四十族之名而證以現在族數方知其減少之原因有四有舊日分立後來自相合併者如巴彥南稱桑巴爾隆東卓達爾等土司藏志稱為南稱四族今則合為巴彥囊謙一族安圖阿薩克列旺阿永葉爾吉拉爾濟典

巴等土司藏志西甯府志均稱爲多倫尼托克七族今則合爲安冲一族阿拉克碩原稱上下二族今但稱拉休族隆布原稱上下二族今但稱迭達族是也有舊自爲族後來附屬於人者如洞巴之附於囊謙吹靈多爾之附於拉休哈爾受班石二族之附於拉武噶爾布白利二族之附於玉樹是也有因遭值變亂徙處內地者如阿里克一族其插帳原在黃河北岸可爲蘇地方與察漢諾門罕旗同司黃河渡口後因道光時河南番族騷動遂徙處西甯大通河北岸自是遂由西甯直接管理是也有因特別情形免其貢馬遂不列數者如喇嘛覺巴拉布庫克二族一司會盟遞文之差一司木魯烏蘇濟渡自收撫之初已免貢賦而西甯府志貢馬番族遂不列數今日囊謙北邊之覺拉寺通天河北之拉布寺即其裔也坐此四因遂致今昔族數參差不符其實各族中所舍之細部數之除阿里克一族不計外仍符三十九族之數其合併之由則因內地委員到番各族例須輸支草蕪之類獨力難支兼擊易舉遂相合併冀輕負擔如今日扎武三族屢上呈西甯請照一族當差即其證也其附屬於人者均係原有百長戶口單微亦爲減輕貢賦起見遂不惜役屬於強族正猶古代諸侯附庸之例故其名不通於中朝也然亦有舊爲一族後來分爲數部者如玉樹原係一族後分爲戎模將賽總舉鴉拉四部隆壩從前止有上下二族後分爲中壩上中下三族蒙古爾津原上一族後又分出竹節族是也其故由於宗支漸強百戶力不能制遂聽其各自爲部當其分立之始亦必請命西甯長官發給憑照特其事多在同治兵燹以前今日遂不可攷晚清政弛各族中之狡悍者往往自爲一部僭稱百戶而不請命於西甯如蒙古爾津族之白力登馬百戶格吉得馬族之那錯百戶玉樹戎模族之甘撥汪加百戶是也然以其非出官授也各族皆輕視之而數二十五族者亦不齒及焉此四十族所以現稱二十五族之詳細情形也又查內務部擬劃全國區域說明書其西甯特別區域既列入阿里克等四十族姓土司而西康特別區域說明條下復云新撥隆慶結古各土司地方亦應查照舊案劃入以完形勢似四十族外別有隆慶結古也者此則由於彼此名稱之互歧今昔族數之參差致有此誤其實隆慶卽二十五族中之囊謙結古卽扎武族之駐牧地也向例每三年則由青海長官委員前往結古召集二十五族會盟一次藉清積案兼催馬貢沿襲日久既以玉樹名二十五族復

將二十五族會盟之地概目爲玉樹而我模等四土司均呼爲由受反不知其爲玉樹是以 中央玉樹歸甘隆慶歸川之電令雖一再申明而甯兵沿習慣之名稱指結古爲玉樹謂川兵爲侵越川兵執 中央之命令謂結古屬隆慶以甯兵爲爭佔彼此各有所執而一棧不容兩雄此所以因名稱之互歧而致誤會因誤會而起衝突之實在情形也務學竊維劃疆分土應視行政之便利以爲標準豈容有絲毫省見存乎其間今日水落石出羣疑冰消自應遵照 中央前後電令各按川甯所近從新劃分將附近西甯之玉樹歸甯管理附近川邊之隆慶由川保護各專責成同固國防夫復何言唯是務學到玉以來體察情形覺從新劃分實有窒礙難行者四一曰各族關繫不能驟離也二十餘族共戴囊謙千戶爲酋長數百年於茲矣其長屬之關繫久成固結不解之勢今將囊謙劃歸川管其隸屬囊謙之各族是否一律歸川如各族一律歸川則玉樹亦在各族之內似可概歸川管無庸獨隸西甯如各族不必歸川則囊謙一去羣龍無首形若散沙各百戶勢均力敵難保不兩不相下滋生事端將由各族中另選置一千戶乎則舊例必屬民實有千戶以上方許設置千戶囊謙屬戶且在二千以上今環視各族無一能設千戶者若另委漢員充當譬如無根之木植之流水之上覆沒而已而囊謙千戶亦必以驟失所屬頓生缺望之心此其窒礙難行者一也

一曰玉樹一部不能獨立也若將囊謙所屬概歸川管玉樹四族獨立西甯無論其長屬關繫雖斷絕如上所言也即今就我籠圍甯玉樹四族鄙處金沙江上源荒寒不毛冬夏遷徙無定其生活所需多仰給於結古稱多一帶緣結古一帶地勢較底物產較多將來經略青海南路不能不以是地爲基礎基礎既立然後可以漸從事於瘠薄之地今若將精華所在盡割與川非徒苑枯懸絕亦恐拓殖無基且其餘各族既歸川管則玉樹隔絕西陲控制既嫌寫遠假道又多不便此其窒礙難行者二也

一曰形勢便否尤宜熟審也川邊所藉口者隆慶距西甯甚遠耳夫隆慶比較各族距甯似遠而不知其餘各族散處海南地面遼闊如娘礎土司之界且隴巴顏而奄有河源其距川邊較西甯之距隆慶爲尤遠若概歸川邊則西康區域之幅員伸出西北正如甘肅之有河西四郡焉不獨控制不及設有不測瘴夷以一旅之師自昌都繞出色秀橫斷大道則隆慶各族孤懸一隅消息中絕

川邊既不能兼顧而西甯復以非其所管不能急援則二十五族適足爲西藏之資若仍舊隸甯卽有緩急而自甯進兵形勢不虞中梗且可牽制西藏以壯川邊之聲援現在川兵與藏夷相持其師已老將來保護海南終資甘軍之力此地仍舊屬甯亦可爲甘肅進兵之東道若劃歸川管將來如用甘兵非徒客軍遠征諸多不便且恐畛域難忘轉生膜視此其窒礙難行者三也

一曰番情向背不可強遠也務學到結古後查得民國二年二月川邊尹經略使北路征藏之兵經過隆慶強索供給該族以均屬官兵勉行支應而尹經略使遺電

中央謂隆慶二十五族報効投誠願歸川管務學竊思隆慶非同化外何言投誠供億出於誅求何言報効川軍所過止隆慶南鄙當時支差者出於千戶一人權宜之計並非二十五族之同意也且該族果願歸川何以隆慶之使屢至西甯懇請照舊部耶且既爲保護隆慶則但當駐兵隆慶西南而止何以餽糧及米北至距隆慶九站之結古又東北至距隆慶十五站之脩馬耶謂藏夷窺伺耶則去之尙遠謂軍行必由耶則南轅北轍然則其所謂保護者可知已務學過巴顏山後沿途所見番目莫不泣訴川軍苛索之狀及抵結古後接見各族百戶復痛述供億不堪之狀務學詳加考查均確鑿有據務學竊思前清時代西甯對於該族會盟來員供支不過草糞之類馬貢折銀歲出不過六百餘金雖頗近放任而番人樂其寬簡爲日已久今川軍驟加該族以極重之負擔日用所需概責番支供給稍遲鞭笞立至且兵弁之騷擾有限而無業游惰假兵弁之名魚肉番民者到處皆是今番人積恨川軍已成水火之勢近來迭據各百戶密呈誓死不願歸川且揚言歸甘不收卽行投藏似此情形揆之 大總統疊次電令俯順番情鞏固邊圉之意似未便過違其意今番不從川而川必欲強爲管理且恐激成意外之變轉重國家以西顧之憂此其窒礙難行者四也

夫同屬民國版圖如果中無窒礙亦何必斷斷於致隴蜀之分但務學細審番情詳維事勢覺劃分之困難實有不如仍舊之便利者矧當此國基甫定與民休息之時與其變亂陳規致滋牽擾毋甯維持現狀暫事耦廢務學至愚竊謂隆慶二十五族不如姑仍

舊貫歸西甯管理俟將來國威遠揚藏夷內附彼時再酌量情形從新劃分縱極困難尙無他變目前劃分誠未見其利也可否請
求 大帥據情轉呈 大總統俯將隆慶等二十五族飭照前清舊例仍歸西甯管理並嚴飭川督及川邊鎮守使迅將駐紮結古
稱多等處川兵全數撤退不准再有一騎闖入番地一面頒發佈告宣示德意以安番族以固邊圉之處統乞

鈞裁如蒙轉呈倘邀 中央允所有川兵退後目下保護之法務學擬由隨帶員弁中酌留妥人暫駐結古隨時稽查川邊闖入
之匪獮鴟既去魚爵自可相安至後此如何經營布置之法須俟西甯特別區域實行後方能與青海各處通盤籌劃一致進行容
務學回省後詳細面呈除二十五族詳明圖俟測繪事竣即行上呈外所有此次奉飭查勘隆慶玉樹實在情形及劃分窒礙之處
理合具文並附二十五族一覽表詳請鑒核施行不勝激切待命之至事聞 中央令准玉樹二十五族仍歸甘肅

四年中央命馬麒爲寧海鎮守使兼蒙番官慰使乃設玉樹理事自西寧至結古間始設驛站命馬麟
爲玉防支隊司令步騎數百駐結古

自西甯至結古共一千六百二十里自遼源以西全屬帳幕生活過日月山氣候迥變山頂皆沙質紅色所謂赤嶺者也通鑑開元

二十一年丁酉金城公主吐蕃請立碑於赤嶺以分唐與吐蕃之境從此赴玉長途通常由倒淌河濱而卡卜恰而窩遜而貢朵淖

爾而切吉河口而切吉河腦西泥河與大河壩分水嶺即在此大河壩水深不及二尺而冰石橫梗行旅苦之而班禪玉班禪過此紫帳處而班禪玉池而扎梭拉而羊腸溝而欽科奢馬而

咱給奢有而禱高拉里色薄而馬拉有而黃河南岸而野馬灘而野牛溝而哇雲而插拉而休馬而詔他而咱曲河濱而竹節寺而
喀耐而歇武而瓜拉而抵結古自玉樹駐兵設防藏人通好西甯信使往還

五年藏兵犯西康巴安以西之地盡淪於藏

康藏自清季經營失敗早成僞局政局紛擾戰事頻仍當軸既無暇兼籌戍軍復因循敷衍英人恃其獷悍屢肆侵略藏衆昧於情
勢遂爾乖離始而驅逐戍軍宣告獨立繼而舉兵東犯連陷巴安理化進逼爐城川軍收復巴安以東之地而巴安以西均入西藏

統治之下巴安卽巴塘沿江一小平原亦卽西康之惟一平原也西有大金沙江東有沙魯里山可稱天險清時川滇邊務大臣駐節於此民國成立後尹昌衡督川時虜鶩遠略尹字太昭號碩權因更昌都（察木多）太昭（江達）碩督等新名實紀功之意而於失地情未遑問耳

藏人駐重兵昌都以三王千布督之

三王千布軍職官名也若內地總督之位置藏人既得志於西康意指隨使操縱有自乃倡三多主義作遠大侵略計劃三多者察木多（昌都）達多子（打箭爐）蓋古多（結古）陰蓄東侵川邊北侵青海之志此三多者實青康兩區之形勝亦卽金沙瀾滄上游之天府影響所及者乃爲森姆拉會議

六年藏兵侵西康英人調停約我國代表開森姆拉會議

（註一）

駐藏英使朱爾典因康藏糾紛積年不決建議英政府中英兩國在森姆拉會議解決此案英人處調停地英國代表之提案計共

- 十二條（一）英國政府與西藏訂結之條約一律有效（二）中國政府承認英國有建築印度至西藏間鐵路之敷設權（三）中國政府承認西藏借用外債（四）中國政府准許西藏各種產業聘用英國專門技師（五）中國英國彼此均不在西藏駐兵（六）中國政府對英國在西藏之行動允不加以干涉（七）西藏礦產中國政府准由中英合辦（八）西藏官吏之任免中國政府允不過問以何種特權（九）中國政府准許英國在西藏設立電報局十二條件之苛酷我政府當時亦無絕對否認之表示又牽於內戰無暇內顧而在西藏之英人勢力自易日漸擴張在事實上亦日趨嚴重煌煌十二條亦成懸案矣

七年八月十三日英使向我外部提出調停辦法巧立岷崙以南當拉嶺以北之地爲內藏說竟牽動糾紛侵入青海境界

(註三)

自七年二月至十二月英使催議藏案前後計達九次之多并要求我國提出解決條件其時龔心湛任國務總理陳籙代理外交總長亦以邊藏停戰期限將滿如再拒絕談判則藏番勢必藉端內犯得英援助恣所欲爲而四川又隸西南政府不能指揮如意邊軍防備久虛何能抵抗藏番倘仍固執極端辦法英使謂我爲無誠意於是籌四項辦法提付閣議通過作成公文於五月三十日送致英使其內如左

(一)打箭爐巴塘裏塘諸土司完全劃歸四川省治理

(二)察木多八宿類烏齊各呼圖克圖及三十九族土司所屬諸地劃入外藏

(三)中國政府之意欲將崑崙山以北青海新疆所屬諸地完全劃歸中國治理贍對德格兩地及崑崙山以南當拉嶺三十九族察木多以北青海南部之地劃入內藏

(四)雲南新疆省界保持舊界

英使深誚我政府所提辦法既於山川地界按圖摸索含糊已甚於是認爲太阿在手於八月十三日向我外交部提出調停辦法二案

(甲)取銷內外藏之名稱照原議(指森姆拉草約)劃歸內外藏之地域分而爲二將巴塘裏塘打箭爐道孚爐霍甘孜諸地劃歸中國德格以西劃屬西藏

(乙)照原議用內外藏之名藏將巴塘裏塘打箭爐贍對甘孜等地劃爲中國內地崑崙山以南當拉嶺以北之地劃爲內藏中國不設官不駐兵德格劃爲外藏英使有此嚴重提案我外部詢問英使崑崙山以南當拉嶺以北之地原案劃歸內藏現可劃屬中國英使答意謂該地距拉薩甚近如中國駐兵於其地易起衝突殊非吾人所希望者是應劃歸西藏且其地皆不毛未墾中國力爭之意何在我外部復以是地爲我青海轄境政府當局無變更領土之權故不得不堅持中國自願加意預防衝突保證該地將

來維持一切現狀英使不允是年英使朱爾典回國繼任爲艾斯敦赴北京竭力辦理其他中英要案康藏問題仍含糊莫決

八年九月五日我外交部電各關係省區默認英使原議

(註三)

當中英藏案交涉緊急之際政府當局派遣郭羅勒默扎布郡王前往西藏與達賴十三商確先允駐藏辦事長官陸興祺入駐拉薩辦事達賴答復堅持須俟中藏間一切問題完全解決以後方能陸氏入駐拉薩此間礙難遽允政府得此呈報亦復無如之何又以西南軍府奉詢藏案交涉之內容我外部遂有默認內外藏原議不得不之表示當時交部九月五日向各關係省區曾發歌電云藏事自民國三年三方會議因界務爭執中輟本部於三年五月一日照會英使聲明草約各款雖可同意惟界線一層斷難承認四年六月袁前總統派員與英使商議擬根據會典及前清載書將察木多劃歸外藏英使仍未滿意比年以來據川邊鎮守報告察木多等處相繼失陷七年十月川邊與藏訂立停戰條約以一年爲期暫時劃界由南方鹽井得榮稻成巴安義敦裏化至甘孜瞻化續霍章谷丹巴道孚德化等地屬漢類烏齊恩達昌都同普鄂柯石渠德格等地屬藏本年五月英使以停戰限期將滿重催開議五月三十日及八月十三日兩次與英使會議界務經根據民國四年袁前總統派員與英使接洽各節提出條件大致謂將打箭爐巴塘裏塘屬川察木多八宿類烏齊三十九族屬外藏瞻對德格及峴崙山以南當拉嶺以北之地歸內藏英使初未同意經再四磋商始允取銷內外藏名稱將打箭爐巴塘裏塘瞻對岡陀等地劃歸中國內地將德格以西等處劃歸西藏又一辦法仍用內外藏名稱將打箭爐巴塘裏塘瞻對岡陀作爲內藏將峴崙山以南當拉嶺以北之地作爲內藏中國不設官不駐兵德格歸外藏所稱界線較之前次會議實已大有進步若不乘此議結中藏勢必日益隔閡將來恐無恢復之日等語而意存含糊實際上乃默認其原案青海屬境已且蹙地千里誤國至此可勝浩歎

甘邊寧海鎮守使馬麒專電力爭否認內外藏巧立名目蹙削疆土

外部歌電之失計固已昭然耳目矣使其命令實行青海所損失之領土實在今日海南千里之地當時甘邊寧海鎮守使馬麒專

電力爭文曰頃奉鈞署甘肅督署密令承准國務院外交部歌電內開與英使磋商藏界始末中有將岷崙南當拉嶺北之地作為內藏中國不設官不駐兵德格歸外藏等語捧讀至此不勝駭異查當拉嶺即唐古特大山番名當沙馬拉西起新青藏之交東迤至昌都雜楚鄂穆楚兩河之交而止綿亘千餘里近來輿圖多以此為青海西藏之天然之界線其實青海所轄玉樹二十五族中之巴彥囊謙蘇魯克等土司其地尚有錯出嶺南在鄂穆楚河及索克河各流域者今以當拉嶺為青藏界線吾國失地已屬不少况云當拉嶺以北未審以何處為止境至於岷崙二字尤屬含糊查岷崙老幹即新疆南部之托古茲達坂由是東迤橫貫青海中部綿亘二千餘里為江源河源之分水嶺所謂巴顏哈拉山者亦有中岷崙之名歌電所謂岷崙是否即此如果即此疆蓋為內藏不駐兵不設官是舉青海大半部玉樹二十五族縱橫數千里之地一朝而棄其主權始雖廢為甌脫終必被人占據較之前清時代拋棄黑龍江以北與烏蘇里江以東者其損失之鉅大有過之無不及且所謂德格以西等處劃為西藏云者其辭亦無限制查德格西北即鄧柯石渠自此以西即青海所轄之玉樹二十五族也該二十五族之境域正在岷崙以南當拉以北德格以西周特派員前勘玉樹界務所繪地圖猶可覆按今既議劃岷崙南當拉北為內藏又議劃德格以西為外藏同一地方究以何處為內藏何處為外藏耶其故總由前袁大總統派員與英使會議時未嘗詳細考查青海地理亦未嘗電知甘邊徵求意見遂至成此巨謬若果如此議結與將青海全部劃歸西藏之初議相去幾何此次繼續開議不聞根據地理與英使辯力爭以追正前失乃謂英使大有讓步果係展轉傳訛尚未覺察耶抑謂青海地勢無關輕重也麒忝任邊寄與亡有責竊有愧目劇心而不能已於言者查當拉嶺以北岷崙以南東西長二千餘里南北千餘里金沙鴉鸞瀾滄諸江之水皆流衍其中氣候較青海北部為暖玉樹二十五族耕牧相雜物產亦稱豐饒實青海菁華所在自前清收撫青海之初即將玉樹二十五族劃歸西甯夷情衙門管理二百年來此疆爾界與西藏毫無關係入民國後川邊欲佔領玉樹二十五族中之巴彥囊謙川邊亦謂為隆慶與甘爭執連年不決蒙鈞署特派周統領務學會同川邊勘界始將情形查明入告四年三月奉前袁大總統命令隆慶二十五族仍舊歸甘肅西甯管理是地理統

治上與川邊無涉明甚年來藏人雖攻陷川邊十餘縣而兵力尙未能越當拉嶺以北今川邊劃界已爲奇恥乃欲並甘肅素所轄轄藏兵力所未及之地割以奉之蹙地千里辱國已甚此麒所爲怵目齷心而不能已於言者一也麒自鎮守甯海兼轄番以來適值藏氛日惡川事日棘誠恐唇亡齒寒玉樹難保曾先後電准派馬步五營分屯玉樹各處以期固我藩籬壯川聲援並設由甯至玉台站以利文報而便運輸又設玉樹理事員管理民事數年以來辛苦經營略有端緒番族與兵吏之感情亦日即洽波今若將岷崙以南劃爲內藏勢必撤去玉樹之駐兵取消已設之官員不獨墮國家已成之功孤番民倚信之心而自玉樹以北如果猪狂什代亥剛咱諸野番以及循化貴德迤南番族皆將輕中國不可復制緩則剽掠邊鄙急則結藏入寇河湟自此無甯日矣此麒所爲怵目齷心不能已於言者二也西藏固中國之領土今日雖不得已而與之劃界然異日國力發達仍當進兵拉薩以恢復原有之主權而進兵拉薩其道有二一曰南道由川赴藏之路是也一曰北道由青赴藏之路是也前清征服西藏之時嘗兩道並進所以克奏膚功今日川邊失敗形勢日非將來南道進兵未易造次深入所恃以出奇制勝者惟青海之北道耳且岷崙以南玉樹土司爲青海之門戶附西藏之肩背西甯赴拉薩爲必經之要道將來經營發展即可倚爲制藏之策源地若割爲藏境則拉薩之藩籬益固西甯之距拉薩愈遠人攻我易我攻人難自顧不暇焉能制藏此麒所爲怵目齷心而不能已於言者三也尤可駭者玉樹川邊唇齒相依而德格鄧柯石渠等縣乃玉康往來必由之路年來德鄧石等縣相繼爲藏兵佔據玉康形勢中斷其往來通信常雇番商徵服臘丸由玉樹之結古卽蓋古多間道至川邊之甘孜五日之程半月始達猶被藏兵搜檢以去麒頃以中央接濟川邊之餉械不日到甘而運道阻塞日夜焦灼正擬與陳鎮使密商川軍由甘孜甯軍由結古東西會攻德格鄧柯石渠等縣以疏通運道聯絡聲氣今若將德格以西等處劃爲外藏則德格等縣再無恢復之日玉康聲息從此永斷中央餉械無路得達康定將陷於絕地條約豈可恃哉此麒所爲怵目齷心而不能已於言者四也擬請鈞座據情轉電中央請外交部根據新舊圖誌堅持力拒不承認岷崙當拉北德格以西等字樣不獨青藏界線應請照前清會典舊圖爲準卽川邊與西藏亦各有定界豈可輕事變更

總而言之西藏本中國屬土年來與川邊構怨營猶兄弟閱藩自應由兄弟解決萬不能任他人從旁干預吾國苟有一息生氣所有劃界會議應從根本否認此約一簽終古難復大好江山一筆斷送凡屬五族誰不解體四川熊督謂西藏問題大於青島十倍洵爲不刊之論事關國勢存亡此而不言將使他族謂中國無人獻實恥之獻實憤之是以披肝露膽瀝血以告等語事關四川督軍熊克武川邊鎮守使陳遐齡四川省議會雲南督軍唐繼堯暨蒙藏院皆交電力爭條陳言事中央無法解決乃仍含糊處置尙

屬懸案

九年甘邊寧海鎮守使馬麒派專使朱繡入藏謁達賴

先是清光緒三十年達賴十三與英軍開釁大敗出奔西甯西甯政軍當局甚優禮之駐錫塔爾寺寺爲黃教鼻祖宗喀巴誕生之地達賴班禪承其衣鉢蒙藏佛教徒歲時千里拜謁來寺梵宇琳宮金碧輝煌達賴班禪兩佛皆起有專利本尊師溯源之實故兩佛對西甯感情洽睦者亦以此故達賴離藏之二年中英條約告成賠償英國軍費仍許英人入藏開埠通商清廷因命張蔭棠由印度赴藏辦理善後至光緒三十四年張氏上疏清廷略謂西藏當英俄環伺要衝非亟力加整頓則殊難保疆土會達賴十三由西甯入京覲見乘此時機改用漢員訓練藏兵以備指揮防守並擬派遣四川新軍入藏以期分駐要塞樹立安內攘外之策空有此建議而已至光緒三十四年四月達賴自西甯入京覲見八月始達北京旋以政府待以屬臣之禮復詰問煽誘川邊藏番滿懷疑懼於十一月二十八日離京回藏至宣統元年十月始抵拉薩當在途中備聞邊務大臣趙爾豐已在川邊竭力經營藏官勢力日就消滅川軍大隊日傳開拔入藏之息中朝聲威迥非昔比早已心悸膽寒故于歸藏之時技窮聯英出於無已宣統二年正月又傳川軍已越江達而西距拉薩數日程深恐川軍一到難免幽囚之辱乃畏罪潛逃出亡印度泊川軍進駐拉薩達賴已亡去一週矣清帝接到達賴出亡之訊甚爲震怒當即宣布達賴十三罪狀褫革其名號令駐藏大臣依例訪求靈異小兒立爲新達賴如此雷厲風行怨毒日深滿清垂亡對藏事之失措殆如此也達賴居印兩載以仇滿清者而怨望國家而恰受外人以種種之良機

及民初旋藏操縱設施迥非昔比西南馴致多事國防疆界問題遂層出不窮民初混亂授以寬容活動之機更成因宗教及其他關係而衍內向外向之現象至於無可掩飾誰爲厲階言之太息惟兩佛以往還西甯關係在感情上之洽陸又成一特殊情狀馬鎮守使派源人朱繡赴藏謁達賴殷勤慰問備述滿清已亡民國肇造五族一家西方大佛當廣悲天憫人之懷與民更始之意朱繡自八年六月入藏駐拉薩大佛優禮有加至九年七月始歸西甯具呈西藏詳細報告並達賴班禪之正式文件由張督軍轉呈中央適逢直皖戰爭之後政潮未息國務院不暇及此遂將達賴及朱等文件留中不發朱繡著有拉薩見聞錄海藏紀行等可見當時藏方對西甯對政府之情勢也

八月寧海鎮守使馬麒任馬鏞爲玉防支隊司令駐結古

十一年寧海鎮守使馬麒任馬榮爲玉防支隊司令駐結古

榮已故

十三年寧海鎮守使馬麒任馬步洲爲玉防支隊司令駐結古

步洲已故

十六年寧海鎮守使馬麒任馬樸爲玉防支隊司令駐結古

樸駐結古深得民心於委任所修營房均事繕葺於各要隘均有防備要隘均詳後

十七年九月西康建省劉文輝厲圖康藏問題之解決

康藏糾紛久懸不決青海南部日趨危川青當局信誓結合欲圖恢復西康失地自宜趨重防禦方針劉文輝條陳康藏國防計劃劃切詳明雖未逐一履行而足爲西防之鵠的其理由如左

(一)北伐完成軍閥以次崩潰帝國主義者用爲侵略之工具已消失大半不得不轉移視線於蒙藏青海等處之邊民此等邊

民知識淺鄙易受播弄倘不嚴密防堵必爲帝國主義者所利用以遂其侵略之企圖惟國內戰事頻仍公私交困現軍事初定訓政開始亟應與人民以來蘇之機故國防方針暫擬採取守勢以不爲列強侵擾爲原則（二）英國遠在歐西雖殖民地遍於全球但欲驅其民衆以侵略我國亦勢所不能英之於藏亦不過利用藏民獨立以遂其經濟侵略之野心並非目前卽有不可免之衝突也惟日本與我國接壤因本部地狹人稠欲在我東北滿洲一帶經營殖民地我若抵抗則脅我以兵濟南往事其肇端也是則我國最大之敵人厥爲日本而我國防佈置亦應看重東北康藏方面不能不暫取守勢也（三）蒙民受英人愚弄棄友事仇苟不從速防止難免其不爲安南朝鮮之續惟該地民性愚昧教化頗不易施須先以革命武力肅清反動然後善良方能本其自由意志向我歸化不過藏衆武力及夷匪勢力均受英人接濟有增無已我出兵太少則難操勝算多出兵又受地形牽制且感給養困難故以與藏相當武力取漸進方略川青一致共取守勢先在康定集中四師兵力迅速現復康屬失地藏民絕不能傾其巢穴越過金沙江向我應戰我收復失地後卽積極設防訓練士卒撫循民衆英人知我有備亦斷不能行險驟進若再緩至數年則我備愈密我力愈厚以逸待勞以主待客扼要候險形格勢禁英人卽提軍遠來着着不得爭先雖兵精器良亦難與我角逐於崎嶇險阻之區等語并於收復步驟設防時期均有詳盡計劃事雖不行仍限於內戰頻仍公私交困之故而川青當局革新協力之主張頓變上年徒事羈縻之失計中央注意西防者亦有整個之計劃矣

十二月開青海爲行省主席孫連仲呈准西北軍於玉樹設縣治

縣長張東藩尋爲其所殺

十八年十一月一日馬麒繼任青海省政府主席職主張和平處置邊務

孫主席移節蘭州馬主席繼任就職宣言有青海初開行省惟念大多數蒙番文化落後數千里肥美土地草萊未闢軍閥之勢力未消列強之環伺正急任重道遠惶懼勿勝然革命時期非吾儕高蹈之日國家多難正匹夫有責之時勉竭駑駘以盡職責爰具

施政方針以爲進行準的(1)整頓吏治(2)推廣教育(3)實行開墾(4)訓練軍隊(5)設立工廠(6)注重交通(7)鞏固邊防(8)籌辦自治鞏固邊防一則文曰餘皆從略青海二十年來邊防問題西南日形嚴重玉樹二十五族爲本省南部屏藩亦爲邊防衝要之區自昌都駐西藏重兵東侵西康北犯囊謙蓄志發展可慮實深惟西藏係中國疆土藏人係中國人民五族治睦不能妄分軒輊和平處理不能輕啓釁端矧達賴班禪與西甯有二十年誠信往還之誼兩佛過去誤會調和解釋感情不難恢復康藏問題當能根本解決等語

青海省政府主席馬步祥爲玉樹支隊司令駐結古

昌都三王千布以阿頗繼任

阿頗曾駐印多年並赴英倫爲藏中新進英年既任昌都三王千布其個人立場實具奧援又以康藏交涉藏佔優勝乃趾高氣揚不可一世矣

二十年六月青海省政府主席馬麒以馬彪爲玉防司令駐結古任崇維嶽爲玉樹縣長

馬彪饒勇有膽略崇維嶽常從事玉樹至是勵圖玉樹軍政之整飭以爲準備

中央特派蒙藏委員會總務處長唐柯三赴康定調解達白事件

先是甘孜達金寺與白利寺有隙糾紛數年牽動軍事在康藏問題上爲最近之一因唐專員等赴康定後幾經交涉懸案未結阿頗推波助瀾又釀祭旦寺之糾紛日形擴大矣

二十一年三月中央訓令新編第九師師長馬步芳兼任青海南部邊區警備司令

軍政部三月二十三日訓令文日案奉行政院洛字第一七三號訓令內開案查前據該部呈報派新編第九師師長馬步芳兼青海南部邊區警備司令請轉呈鑒核備查案等情到院當經據情轉呈在案茲奉國民政府第一六五號指令開呈悉准予備案等

語馬司令步芳於邊令組織司令部根據青海省各部隊臨時軍事會議議決案規定組織條例

二十年十二月三王千布調遣藏兵自昌都北進駐軍海南境界並要脅無條件青海軍退出大小蘇

莽

藏兵皆佛教徒行軍惟信卜算在十餘年前有藏兵侵青勝利須待羊年（二十年）之傳說借此號召無不踴躍若皆操勝券者
飛檄玉防司令馬彪剋期將青海軍退出大小蘇爾莽海南軍民須一律歡迎藏兵不得稍有違抗情事馬彪力持鎮靜據情呈報
省府暨警備司令部並遴派秘書王家楣偕玉樹各百戶頭人前往接洽與藏方斫郡達哇接見陳述青藏平昔和陸此疆彼界毫無惡感不能輕啓衅端諸情欽郡達哇伴爲許諾約定明年春融雙方擇定相當地點討論蘇爾莽尕且寺之問題

二十一年元月至四月間藏兵實行侵入海南圍困結古

藏方伴允春融談判以緩青軍而實則備戰不遺餘力於元二月間調集五六千人至玉樹邊境先從斷絕交通檢查行旅入手即
將嘉藏哈地方橋梁拆毀進一步又將大蘇莽小蘇莽間之橋梁拆毀時青軍駐大蘇莽者爲馬占海營長所部約四十餘騎駐小
蘇莽者爲馬得彪營副所部約三十餘騎駐軍飛報玉防司令馬彪以迭奉省政府及海南警備司令部命令和平到底不
得輕啓衅端遂會兩處駐軍與藏兵力避衝突藏兵既斷大小蘇莽間之聯絡且輕視駐軍之少遂欲一舉包圍而覆滅之

三月二十四日同時以極激烈之炮火向該兩處青軍攻擊青軍未加還擊僅固壘自守藏兵以爲畏已繼續發鎗至四小時之久青
軍有傷亡者憤不能忍始謀抵抗該地人民自藏兵到後供應浩繁且以其漫無紀律苦於焚殺擄掠故亦陰圖自衛以省政府一
再勸戒容忍未發至此見防軍開火遂亦加入攻藏雙方相持八晝夜互有死傷青軍因得人民援助雖被包圍勢優於藏藏兵損
失較鉅迄未得逞

四月三日藏兵又以另一部隊侵入昂謙拉秀等地蓋大小蘇莽在瀾滄江北源雜楚河南岸地當結古東南而昂謙拉秀則在瀾滄


南源鄂穆楚河兩岸地當結古西南青軍駐玉人數只四百餘藏兵侵玉者多至十倍以上蘇莽之圍未解昂謙之警又來且時時懼其從他方面進襲結古直搗根據地點馬司令彪乃命各地防軍放棄地防集合結古爲堅守待命之計蓋以少數部伍兼顧玉樹全土事實上萬有不能也防軍既退藏兵乘機殘殺爲所欲爲

四月十五日以後藏兵從蘇莽昂謙等處逐漸逼近結古大舉包圍而又以一部分兵力過通天河北岸進犯斜武拉布等地斜武拉布各族在達隆山加浪山之南石渠鄧柯二縣之西北西甯至結古必經之地也與結古隔河相望實爲後防之重地藏兵侵此意在阻援軍之南下絕玉軍之北退陷結古於四面楚歌之境耳同時且將通天河渡船搶去派重兵守定使玉樹消息隔絕至於毫無辦法遂向結古晝夜圍攻

附結古被圍略圖

標高 自蘭州假定標高點二千米起算

結古附近古樹五



民國十年十月助製

此圖係熊亦愚
 先生奉甘肅測
 量局命專到玉
 樹測製者戰事
 記脫稿時熊君
 適來青聞之檢
 送供獻盛意可
 感其他名與所
 附前後各圖略
 有異同者譯音
 上之關係也

邊事月刊社
 附誌

玉樹之山川形勢既如上述，知玉樹之存亡即在結古之能否堅守。結古原無城池，自清至民國二三年間，歷來官兵到此均由二十五族攤款租房至周務學勘界到玉始免租房之負擔，改發官價至民四以後增設玉防司令，結古始建營房，增設玉樹理事，結古始建縣署，而至今仍無城池者，以其工大勞民故也。城池之在今日爲利爲害，另一問題，結古無城，爰乏憑依，守難攻易，當在意料而其難尙不止此。結古之南實爲朝午拉山，正幹所橫，亘結古河自西而東，禪古水自南而北，二水相合，東北流入通天司，令部縣政府結古市均在結古禪古二水未合以前之結古河北岸，而二水兩岸均爲峯巒所蜿蜒，故結古者直四面環山中，臨一水耳。結古在釜中則藏兵，俯攻其勢，據高臨下，馬彪于退守伊始，藏兵尙未四合之先，即從事防禦工程，蓋棚結古水而西，有道通藏逾結古北山，有道通扎武寺轉而西，通土門大增大，中大唐大藍大，自此過通天河可達拉布寺，稱多族竹節寺沿結古河而下，通新寨扎米過通天河達致門大斜武寺，哈那族涉結古水循禪古水西岸一道通禪古寺拜千寺，再南直通大小蘇爾莽禪古水之東，有周務學所建忠武橋，過橋可通，當得可達石渠，鄂柯而結古水之南逾南山爲自昂謙拉秀北來之要道，馬彪審擇要隘，藏兵來攻一夫當阨之地，設基本防線九處，深溝高壘，堅壁死守，以待馬宣慰使之來。

四月十九日馬主席麟馬師長步芳向楊主任虎臣電呈玉防情形並條呈鞏固海南辦法四項

- 一、擬在距結古二百里之竹節寺設警備司令部，結古左右扼要處增兵一旅。
- 二、擬在大河壩駐軍一團以通甯玉聲氣。
- 三、請轉呈中央撥發無線電台五架，分置甯玉之間以通海南消息。
- 四、請由陝甘兩省撥發快槍兩千枝，籽彈二拾萬發，臨時軍費肆拾萬元。

四月三十日青省府以密令委中央陸軍新編第九師第一旅旅長馬馴爲玉樹宣慰使

爲密令事：查自日寇東犯，外交緊急，國防邊事亟應注意，玉樹爲海南門戶，青藏咽喉，自康藏軍事發生以來，玉防岌岌可危。

中央早見及此明令該師長爲海南警備司令以重邊事而固國防卓越之見用意良深近據玉防警備司令馬彪玉樹縣縣長崇繼徽前後電稱藏兵數萬分道內侵佔據蘇莽昂謙兩族大有包圍結古之勢我方僅有騎兵數百乘寡懸絕勢難久持應請早示攻守機宜等情前來合行仰該師長改派委員率隊策應對於玉民開誠宣慰堅其內向之心對於藏人先通款曲戢其侵略之憲務以和平手段謀青藏之聯歡保玉樹之邊境茲查該師步兵第一旅旅長馬馴堪以委任除由本府任命爲玉樹宣慰使委狀隨令附發外爲此密令該師長遵照轉發以專責成併仰轉飭該旅長剋日率隊赴玉對於駐玉軍隊務必嚴申紀律愛民衛國以固人民對於藏兵方面務必維持和平至必要時准其便宜行事仍將宣慰情形隨時報告以重邊防是爲至要切切此令

本府任命狀第一四三七號

任命馬 馴爲玉樹宣慰使此狀

主席馬 麟

呈青海省政府主席馬

呈爲呈報事項據 職師步兵第一旅旅長兼玉樹宣慰使馬馴呈稱呈爲呈覆事案奉鈞部訓令機字第二號內開除原文有案請免重敘外尾開合亟令仰該旅長遵照剋日整頓齊備剋日出發以資宣慰仍將出發日期具報以憑轉報切切此令等因奉此職避卸整飭部屬剋速出發宜慰冀早和平解決以紓主席鈞座南顧之憂而慰番族傾向之誠但天下事慎之於前易爲力悔之於後難爲功聞此次藏兵數萬大舉內侵蓄意深久來勢澎湃問題重大可想而知則與尋常烏合之衆專謀劫掠者不同更與往昔漢番啓衅志圖報復者迥異實事昭然無可諱言若不審慎萬全恐難收宣慰實效職久承鈞座訓練既不敢因循以誤事復不敢操切以圖功謹將管見所及備具意見書附呈鈞鑒施行聊盡愚者一得之計並非故意挾也蓋爲青藏大局計邊氓安危計不得不審密計劃也至於職出發日期正在籌備之中總期以速爲妙矧服從命令是軍人天職決不敢稍事稽延理合先行呈覆鑒

核示遵實爲公便並呈資意見書一件等情據此查該旅長所稱各節不爲無見惟事關邊防關係重大職未敢擅專合將所稱意見書一件一併具文呈報鈞府鑒核示遵實爲公便謹呈

附呈原意見書

謹將意見書九項恭呈

鈞鑒施行

- 一、應請明令玉防馬司令彪與職實際合作不得分毫作梗以免發生掣肘而期諸臻妥善
- 二、應請准職隨帶本旅第二團第三營騎兵一營以利進行而資防衛
- 三、應請在大河壩開駐騎兵至少一團以張聲勢而期速收宣慰之効力
- 四、帶往玉樹之騎兵一律挑換精利槍械發足籽彈以壯軍容而備萬一之用
- 五、應請選派番族素有聲望忠實可靠之活佛或千百戶一二員隨同前往以便來往接洽藉通款曲
- 六、應請委派精通蒙藏漢各種文字書記二員以資繙譯並備繕寫佈告傳單
- 七、應請委派有測量學識人員二員以備繪圖
- 八、凡赴藏地人馬給養服裝應請充分預備源源接濟免生困難
- 九、請由黨部酌派黨員二員隨同前往藉資宣傳黨綱主義五族一家政策

中華民國二十一年五月三日

玉樹近事記 上編

中央陸軍新編第九師師長 馬步芳
兼青海南部邊區警備司令

中央陸軍新編第九師步兵第一旅旅長 馬
步芳 宣慰使

本府指令 第九九七八號

令第九師師長馬步芳

呈一件呈報據職師步兵第一旅旅長兼玉樹宣慰馬馴呈稱整飭部隊刻即出發宣慰冀早和平解決附呈意見書一件惟該旅長所稱各節事關邊防關係重大職未敢擅專呈報鈞府鑒核示遵由

呈暨意見書均悉所稱九項意見極屬切要應均照准着由該師分別執行早日妥籌完備爲要惟第九項宣傳黨義一節即由第九師特別黨部遴派前往以收捷速劃一之效可也仰即知照此令

主席馬 麟

五月三日馬主席馬師長電楊主任報告派馬旅長馴帶騎兵一百赴玉樹宣慰等情形

五月九日楊主任電復馬主席暨馬師長稱已奉蔣委員長何部長電對於青海省政府及第九師四月十九日請示援玉四項辦法

前兩項准由青海駐軍自行斟酌情形辦理仍以和平不啓衅爲原則後兩項准予籌劃接濟並由蒙藏委員會設法制止藏兵

五月二十四日青省府暨第九師奉楊主任電稱奉 蔣委員長電准由軍政部核發第九師無線電台一百華脫機一架十五瓦特機二架步彈十萬粒並陸續補充步槍一千枝

五月二十六日馬驕奉青省府及海南邊區警備司令部之命由西甯出發前赴玉樹宣慰藏兵先是省方屢得玉樹飛報知藏兵蓄意來侵無論能否和平到底非保持甯玉間路線不可遂呈明中央在大河壩駐兵一營大河壩者大小兩積石山脈間之沃野共和縣以上之黃河西岸重地也當甯玉大道清初用兵青海年羹堯斥埃猶有存者蓋自西甯至結古共一千六百二十餘里其間荒煙蔓草崎嶇巖巖往往數日不見一人若無相當軍隊聯絡聲息則危險殊甚前甘邊寧海鎮守使馬麒征服果洛大軍曾駐於此其後建置營寨擬設常戍未果近年墾戶漸多日見開拓至是第九師重建營房派馬團長忠義駐焉並趕修汽車道兩月竣工

由西寧一日可達馬馴於五月二十六日奉命由西寧起程帶該旅第二團騎兵一營省府蒙藏文祕書各一第九師司令部測繪員一特別黨部主任科員一馬師長步芳同行至大河壩指示方略於馬馴出發後始歸初已故青省府主席馬閣臣與達賴感情極好藏商系奔以達賴資本年赴西甯經商並朝拜宗喀巴神地塔爾寺青海各寺院僧侶及各地商人亦年同京奔往返甯藏間以爲常青當局與達賴藉便互相存問隆禮厚幣隣誼頗篤得保和平者垂二十年現省府主席馬麟亦與達賴善存問一如往時每值玉樹換防縣長調遣無不專達於藏馬警備司令就職後亦函達藏方各要人且極表精誠團結之意自藏兵集中玉樹邊境後馬彪一再派員前往求和玉樹各千百戶一再親往求和省政府及海南警備司令部一再向藏方表示求和電請

中央令唐柯三向藏方制止不幸均歸無效至戰事已發藏兵前後入玉而青海求和之心仍未已也故有馬馴宣慰之舉

六月十八日馬馴至結古時馬彪已困守二月矣彪以四百餘卒彈丸之地抗藏方萬餘之衆而又餉械俱乏無城可守所恃者僅

中央堅守命令與玉樹人民之同情耳蓋亦危矣馬馴到玉即派人將青省府及海南警備司令部希望和平之函件與本人來玉宣慰之主旨專達三王千布迄未答復而藏兵包圍益急二次派人持函向坎郡大哇接洽仍被拒絕並將原函退回三次派員前往中途被達使者幾遭毒手該處民衆代表環懇得免至此而和平希望終成泡影矣

六月二十七日深夜藏兵千餘潛入禪古寺寺距結古五里坎郡大哇由巴塘灘率大隊爲後援同時以一部分進攻結古正南使青軍艱於應付馬司令彪知禪古寺藏兵夜到佈置未定利於速戰遂於二十七日拂曉親率勁騎二百疾撲禪古寺寺在禪水東岸結古至寺路在西岸路盡得橋橋東即寺橋南則禪水東西兩源合流處也藏兵依山臨河分左右兩翼而大隊在其後僅從正面攻擊急切難破乃密調馬營副得彪繞山攻藏方右翼事出意外右翼驚潰馬彪從橋西猛攻正面左翼亦潰然坎郡大哇之大隊方致力於禪水以西結古正南之間青軍以精銳攻禪古寺所以當坎郡大哇者爲數甚少守軍惶恐形勢危急時馬宜慰使馴率部應援而藏兵見兩翼均敗心已不固於是全線潰退青軍進展三十里至班慶寺獲藏方鋼槍九十餘技輜重頗多藏兵退至巴

塘山後雙方死傷二百餘人藏兵死者近二百被擒者九十餘以其右翼未及退却全被解決故也此役爲結古被圍以後之第一次作戰亦即和平絕望後之第一次正式衝突也

七月十四日通天河之戰

通天河渡關係甯玉間交通自結古被圍後多爲藏兵搶定築堅固陣地守之禪古寺之戰青軍既獲大勝東南兩方已不似前次之近在肘腋而馬馴到後兵力亦略有補充於是馬司令彪率精騎二百及各族自行集合之番兵二百於十四日夜半向藏方搶據船隻之通天河岸出發拂曉接觸隔河激戰藏兵久戍多怠且從夢中驚起四顧倉皇未及數小時全線搖動分向斜武拉布一帶潰竄拉布寺之藏兵及寺北江口日哇一帶之藏兵亦均聞風東走向斜武集合

七月十四日斜武之戰

通天河以東藏兵既集中於斜武人數達二千以上於是重整旗鼓進攻結古青軍分三面應敵馬彪自當正面而另遣兩軍由左右側面夾擊同時繞山出斜武之後藏兵四面受敵以人數甚多抵抗亦復不弱激戰至八小時始潰不成軍

七月二十三日海南邊區警備司令部派新編陸軍第九師喇團長平福率所部由西寧出發援玉

馬司令彪馬官慰使馴雖已三戰却敵然以藏兵主力猶存青軍爲數過少械彈均乏僅能堅守不敷遠攻遂連函求援時 中央及西安綏靖公署均准增援玉樹收復失地乃派喇團長出發

八月十八日海南警備司令部派第九師旅長馬祿率所部由西寧出發援玉

八月二十日夜戰解結古之圍

是日喇團開抵結古駐玉轄兵以久困得援歡躍萬分藏兵以援軍遠來疲乏初未注意入夜馬官慰使馬司令分率駐玉部伍並集合二十五族民軍八百過結古橋向南出發而以喇部守防夜半衝入藏兵陣地藏兵亦向北衝鋒雙方肉搏短兵相接青軍利

用白刃人手一刀銳不可當藏兵原乏大刀隊之訓練而又衣重裝著拿鳥且在峻阪亂峯中遂無以當輕刀便步之青軍乃退至巴塘灘青軍乘勢追擊至早四時藏兵以後方騎兵加入前線轉取攻勢驟然而去倏然而來飄忽跌蕩猛不可犯青軍乃取守勢捨刃而槍利用地勢據險還擊相持至六時騎兵勢挫力竭青軍突起猛攻藏方遂大潰而奔紛亂不復成軍逃往拉秀是役藏方損失甚鉅青軍亦大受犧牲實劇戰也然而結古四閱月之圍至此而一戰解決矣

八月二十二日開始復收失地

喇團長平福到後休息三日整頓部伍計畫進兵辦法於二十二日向南出發以馬宜慰使馴爲第一路馬司令彪爲第二路由喇團長率部衝鋒自巴塘灘向小蘇莽前進

八月二十四日當存寺之戰

我軍行至二十四日上午五時至照口孫藍道地方距結古二百餘里遇坎羣達哇率領藏兵二千人利用機關槍在前線防禦我軍以大礮掩護徒手榴彈向敵陣衝鋒當即斃敵先鋒隊數十名敵稍却繼又猛衝前仆後起終以我軍炮火猛烈未得逞我軍繼續猛攻敵不遑遂以白刃戰肉搏雙方機關大炮均失效用敵不諳白刃戰術旋擋旋退我軍用大刀力劈出沒敵陣間敵斷脛陷膺血花四濺漸失抵抗能力乃向當存寺方面潰退我軍乘勝追擊沿途屢起激戰但敵氣已餒稍抗即潰我後防部隊亦呼應而進至十二時我軍最前線已達當存寺附近該地藏兵夏宗達哇日棒部約二千人據守當存寺戰線重疊設三道陣地炮火劇烈急切求下我軍仰攻至下午二時餘始將第一道防綫擊破復激戰二小時破其第二道陣地敵驚惶潰退時喇團由寺西擊敵左側敵勢不支分途向小蘇莽逃竄我軍遂於是日克復當存寺是役斃敵三百餘名生擒二百奪獲各種步槍四百餘枝並輜重頗多我軍亦有死傷

八月二十七日克復小蘇爾莽

八月二十七日拂曉藏兵殘部數千盤踞小蘇莽寺依山爲險重疊堅壕我軍以大炮向之轟擊藏兵先以野砲還擊繼發機關槍稍近用手榴彈向我軍拋擲乘隙衝鋒我軍見其來勢兇猛乃即全部應戰并用迫擊砲阻其衝鋒激戰約三小時之久藏兵漸覺不支旋因其援兵夏宗達辦率千餘之衆加入戰綫陣容再固我軍即向後詐退藏兵竟直衝而進是時我軍已退三十里而山麓兩傍預有我軍埋伏待其將進山麓我軍伏兵四起截擊同時先進者亦乘勢反攻於是藏兵左右前後被我軍包圍截成四段雖欲急退勢已不及當被我軍擊斃二百餘名其餘均分向小蘇莽逃命及其後方再度增援大勢已去已成強弩之末無能爲力矣遂於是日克復小蘇莽

九月二日克復大蘇爾莽

我軍克復小蘇爾莽藏兵向大蘇爾莽集合我軍即乘勝前進九月二日上午四時我大隊作正面攻擊一面揀派喇團長平福騎兵三百人繞山背截敵後路該地駐藏兵砍郡達辦夏宗達辦鳩集殘部數千人退取守勢防線甚固又於昨晚一時後得一部分援軍共三千餘人再度猛力反攻恃其重砲之掩護藉圖衝破我正面陣線當經我軍奮勇前進肉搏激戰惟敵軍因迭遭敗績已失鬥志我軍再接再厲愈戰愈勇且由喇團繞出山背擊其後方於是敵軍愈覺不支紛向後退砍郡達辦向囊謙潰走夏宗達辦向南逃竄我軍追擊二十里至撒黃拉地界正遇喇團騎兵夾擊砍郡達哇之後隊敵多自相踐踏極爲狼狽追奔逐北歷數小時後始稍定喘息遂又再度集合向我軍反攻然連戰連敗已多畏縮不前僅抵抗一小時左右即行潰退是役克復大蘇爾莽全境並奪獲英造鋼槍及鉛槍各百餘枝

九月四日克復囊謙

九月四日拂曉由馬彪指揮部隊即向囊謙出發該地駐紮卡圖達辦先米達辦及敗逃之砍郡達哇等集合數千人正謀整頓我軍遂將其包圍時敵軍大隊本已遠退嘉藏哈附近聞警來援敵知援軍將至乃復竭力反攻當經我軍分隊迎擊將敵殘部隔絕

爲二激戰二小時敵屢衝未逞漸被我軍包圍正在全部解決之際適其援兵又到敵得此生力軍數百機關槍數挺遂又轉而反攻分兩路向我左右翼猛撲至再三相持未決延至九時許全線始呈搖動之勢蓋敵節節失利創痍未復喘息未安已無持久能力我軍連捷之餘士氣愈壯至十時許敵遂無力應戰不得不退我軍不爲已甚未再窮追是夜藏兵殘部完全向嘉藏哈類烏齊一帶逃竄計獲機關槍兩架步槍二百餘枝其他戰利品無算我軍從事撫輯難民掩埋遺骸救護雙方傷兵蓋自八月二十日起至九月四日止爲時半月共經五戰始將玉樹失地完全恢復至是而青海轄境以內不見藏兵蹤跡矣

九月十二日青海第二次援玉軍隊馬旅長祿率部到結古

藏兵侵玉動機早露馬師長步芳於玉戰初發時一方面進行和平一方面請命中央籌備援玉一方面派營長敏海峯赴川接洽川西各軍事當局爲他日川青合作聯防地步誠恐戰事一旦爆發青軍糧長莫及陷於孤立而川康防軍亦有同一感想經接洽後雙方均有誠意當玉戰緊急時川軍曾一度接濟青軍子彈馬馴且派其參謀長朱生明常駐德格甯玉間電報多由德格代轉兩軍互訂戰期互通戰况以收夾擊之效蔣委員長汪行政院長亦電令青川兩省同時出兵藉分藏兵之勢及馬祿到玉海南失地雖已恢復而藏兵與川軍仍在金沙江兩岸相持青康聯防相約共下昌都青軍遂由蘇爾莽內金沙江進發

十月二日青軍復大敗藏兵於當頭寺

青軍由蘇爾莽南進過嘉藏哈直逼當頭寺十月二日晨六時二十分與藏兵接觸藏兵據險堅守前線約有千餘人我方爲馬祿生力軍一團馬馴馬彪均參加指揮激戰至八時藏兵變更戰略另調後方二千餘人紆迴而北向嘉藏哈進攻企圖切斷我軍聯絡在正面則以大砲轟我陣地前隊猛力衝鋒同時進攻嘉藏哈者亦利用大砲我軍前後受敵戰線極形緊張亦以大砲前後抵抗一時山鳴谷應煙塵障天已而我軍在後防者聞訊來援將嘉藏哈之藏兵擊退衝鋒隊各持大刀逕撲火綫與藏兵血肉相搏藏兵前經我大刀隊一再獻技後本已心悸膽寒茲見我軍又演是劇大有不寒而慄之勢於是紛紛披靡全線潰退時已十二時

許矣我軍以人數不多未便窮追免遭險境敵乃乘間集合補充至下午一時餘二度反攻然上午失利銳氣已挫雖猛攻再四激戰極烈旋即爲我軍擊退至晚六時復三度來攻我軍嚴陣以待迄未得逞是夜藏兵全數向春科寺退竄

十月十五日青軍攻克春科寺戰事暫告結束

春科寺爲金沙江西岸要隘與昌都以通東西相聯四面環山隔江可望鄧柯藏兵擾康犯青其大本營雖在昌都而春科亦其憑藉之一地故防禦工事異常險固我軍知其重要未敢輕試先將其四周形勢審密調查並與鄧柯川軍商訂會攻日期約於十月十五日雙方夾擊藏兵駐此者在五千以上沿山均築高壘要扼處守以重兵設二道陣地於正面掘戰壕爲久守計我軍分兩翼向寺左右取包圍之勢是日微雨馬旅長祿率部爲左翼軍繞山麓進攻馬司令彪率部由右翼進攻馬宜慰使喇當正面藏兵恐被包圍遽出迎戰我軍以大砲掩護仍以大刀隊衝鋒藏兵砲火亦極烈時我軍左右翼均向寺射擊而鄧柯川軍又以大砲隔江擊其後敵四面受攻知不能守遂棄原定之死守計畫欲破圍而出乃成大亂之勢其大部分均被包圍隔絕不能呼應然猶始終衝擊以致死傷頗多餘衝圍而出者紛向西方潰我軍遂克該寺獲槍三百餘枝自晨六時至此已下午一時許矣是役爲玉戰中最艱難最激烈之戰事亦爲最重要而又最後之戰役也蓋藏兵失金沙江岸之相當根據遂向 中央請和似已有內向之覺悟而青藏兩軍自此防線銜接勢成犄角矣

十月十九日 中央電令青省府暨第九師與藏方停戰媾和

玉樹之戰原出於萬不得已至是達賴電請 中央轉令川青兩省勿再進攻願傾誠內向罷兵修好參謀本部皓電令青軍停戰略謂康藏事件本爲不祥之內爭宜早行解決實現統一中央已決定以和平方法與達賴開誠相商一掃地方之宿怨而永解其糾紛云云青當局希望和平之心更切於奉皓電後即電飭玉樹將士遵令停戰

十月二十二日馬主席馬師長致玉防各將領漾電指示與藏方停戰辦法三項

川方得 中央電令較青海爲早遂先與藏兵媾和青藏奉令停戰青當局所擬辦法（一）青海玉樹二十五族藏兵以後不得絲毫侵入（二）青兵現駐春科一帶係西康地面青海止能交還川軍不能交與藏人川軍如不接收暫時仍應歸青海軍隊駐紮（三）雙方俘虜生命川藏和議如何辦法青藏亦可一律照辦

同日主席師長致電德格川軍旅長鄧指揮請其負責居間促成青藏和議保障上列三項辦法

十月二十五日馬師長步芳以參謀本部皓電原意轉飭玉防各將領遵照並令其就現在防地擇

要扼守秣馬礪兵養精蓄銳聽候 中央之處理靜觀時勢之推移

十月二十八日馬主席馬師長電參謀本部報告玉防各將遵令停戰後之情形

青軍在玉防各將領遵令停戰後馬彪於十月十九日由德格回結古原防馬祿退駐當頭寺一帶喇平福駐防昂謙一帶仍與川軍互相聯絡擇要扼守 中央關心西防青當局遂將停戰後之情形詳細電呈至是而孕育若干年喧騰十餘月之海南戰事告一結束矣

玉樹近事記上編終

附關於玉樹近事記各項文電

第九師軍需處長馬麟赴玉樹犒師日記（俱見下編）

玉樹近事記下編

玉樹山脈

中國山脈皆權輿葱嶺而南者爲喀喇闊魯穆嶺卽崗底斯山喜瑪拉亞山兩脈之所由出自葱嶺而北者爲廓克沙里嶺卽天山阿爾泰山兩脈之所自出以其與玉樹無關故不述自葱嶺東下者爲崑崙山脈其正幹間隔新藏至青海西端再分三大幹北幹爲祁連賀蘭陰山諸脈茲亦不述中幹枕玉樹娘磋加迭喀桑之北境爲黃河通天河分水嶺蒙名巴顏喀喇山藏名奢拉山其自黃河源北分者成大小積石山其自黃河南入內地者爲西傾岷山鳥鼠秦嶺伏牛大別諸脈其自鴉隴江源東南迤者爲素龍山脈南幹橫貫中壩格百玉樹拉秀迭達札武諸族境內由蘇爾莽境出玉樹爲金沙瀾滄之分水嶺蓋自當拉嶺迂迴起峯一支北走繞出瀾滄諸源之北折而東稱朝牛拉山再東稱熊拉山爲甯靜雲嶺南嶺諸脈

崑崙中幹自玉樹西北入境是爲奢拉山山之南麓有名州曲哥喀者通天河北源之所出也奢拉又東迤分一支南出爲州曲河（卽通天河北源）及曲馬來雲河之分水嶺奢拉又東迤分一支南出爲曲馬來雲及崗吾曲之分水嶺奢拉又東迤分一支南出爲崗吾曲及色勿曲之分水嶺奢拉又東迤入娘磋境分一支南出爲蒲通那色公喀山奢拉又東迤分一支東南出爲通天河及咱曲河（卽鴉隴江上流）之分水嶺番名加浪拉山加浪拉山由歐武百長地出境入川西爲素龍山脈奢拉又東迤出加迭喀桑境入果洛番境南出一支爲加迭喀桑及川邊石渠縣之界山番名咱冷木拉山

崑崙南幹自玉樹西南入境經中壩南番名奢牛拉山山之北麓通天河南源之所出也其南麓灤江北源古叉曲之所出也奢牛拉山

東迤爲當沙買拉山即當拉嶺也折而北趨貫中壩壩又北入格及西壩北出一支爲當木曲及本哥曲之分水嶺奢午拉山折而東迤
 包格吉北壩爲果瓦拉沙拉山北出一支爲本哥曲及科遺雲之分水嶺奢午拉山又東迤爲科遺拉山北出一支爲科遺雲及業卡曲
 之分水嶺名奔朵登拉山奢午拉山又東迤至子讓公喀東南出爲子叩勒馬架拉山爲東摸拉山爲奢乃拉山爲夏拉山爲浪俄拉山
 由蘇爾奔南壩出界入類烏齊地乃雜曲河與子曲河之分水嶺也奢午拉山又東迤爲子當得拉山又東迤至將賽百戶南壩北出一支
 爲業卡曲及登俄隴水之分水嶺名將公騰拉山奢午拉山又東迤至拉休而北境北出一支名色吾臣恩拉山爲登俄隴水與義曲之
 分水嶺奢午拉山又東迤至拉休東北境爲朵拉山北出爲扎馬拉山乃義曲及結古曲之分水嶺也奢午拉山自朵拉山折
 東北趨入扎武西壩爲熊拉山南出一支爲曹曲及子曲之分水嶺奢午拉山自熊拉山東迤橫貫扎武地爲恩扎拉山爲果拉山北出
 一支爲朝午拉山南出一支爲俄拉山奢午拉山由扎武東壩出界入川邊鄂柯縣界折南爲雲嶺山脈
 奢午拉山自當拉嶺又分出二支東迤一爲雜曲與鄂穆曲之分水嶺由中壩格吉之間東迤爲瓦裏拉山爲起拉吉拉山又東迤至囊
 謙南壩爲本結拉山一爲瀾滄江與澧江之分水嶺東迤至中壩麥馬族南爲保哥加勃拉山又東迤囊謙南爲勃勃拉山又東出一
 支爲當拉山由囊謙謙塔寺南出壩入類烏齊界至恩子曲入瀾滄江之交而盡

山脈高低比較表

山名	氣壓表高出海面米尺	合工部尺	實測處
結古	四〇八〇	一二七五	巴曲河邊在結古南半里處
結古	四九五〇	一五四六·八七五	在結古北五里

乳 粒	四九二〇	一五三七·五	在扎西科腦
巴 通	四六九〇	一四六五·六二五	在結古南五十里
熊 粒	五六四〇	一七六二·五	在巴通南熊曲腦巴曲與子曲分水嶺
果 粒	五三七〇	一六七八·一二五	在巴通東南苟曲腦巴曲與協曲分水嶺
奢 粒	五二〇〇	一六二五·	在贍曲上流奢雲腦
竹 節 寺	四六六〇	一四五六·二五	在咱曲河邊
崩 浪 拉	四九〇〇	一五三一·二五	在協武溝腦
惹 拉	四七三〇	一四七八·一二五	在結古東北十餘里通天河邊
通 天 河	四〇四〇	一二六二·五	拉布寺曲河口蓋達渡口處
拉 布 寺	四一六〇	一三〇〇·	在拉布曲邊
甯 朵 拉	四九五〇	一五四六·八七五	在甯朵溝腦拉布曲與稱多曲分水嶺
稱 多	四二三〇	一三二一·八七五	就周均莊測
凱 拉	五〇七〇	一五八四·三七五	稱多曲與固察曲分水嶺
固 察	四二〇〇	一三一二·五	就爾勒日莊測
東 茂 拉	五二八〇	一六五〇·	在囊西科腦

囊謙	拉馬拉	雜曲	浪俄拉	柴問達通	咱轍拉	雜曲	熱強拉	顧強雲	子曲	夏拉	阿西拉苟	義曲	岡尼拉	隆布交那
四六五〇	五一〇〇	四〇七〇	五〇三〇	四四三〇	四八八〇	四四六〇	五一二〇	四七〇〇	四一三〇	四九四〇	五二六〇	四二六〇	五一六〇	四八三〇
一四五三・一二五	一五九三・七五	一二七一・八七五	一五七一・八七五	一三八四・三七五	一五二五・	一三九三・七五	一六〇〇・	一四六八・七五	一二九〇・六二五	一五四三・七二	一六四三・七五	一三三一・二五	一六一二・五	一五〇九・三七五
	囊謙東北三十里雜曲與巴兒曲分水嶺	冷周莊渡口	蘇爾莽族藥曲河腦子曲與雜曲分水嶺也	協曲建曲會合處	東錯寺西	覺拉寺西數里處	在覺拉寺東強知囊腦	距夏拉二十里處	吹靈多多寺前	在顧強雲腦爲子曲與雜曲分水嶺	結古西南七八里	在拉吉莊側距入通天河口數里	在隆布交那腦	扎拉山以西大灘係義曲上流

麥娘拉	五〇〇〇	一五六二・五	囊謙南四十里干宗囊腦
沙俄拉	五三六〇	一六七五・	囊謙南七十餘里係囊謙與類烏齊及巴屑族之分界處也
朱縱拉	五四〇〇	一六八七・五	囊謙巴兒曲河腦巴兒曲與解曲分水嶺也
公給拉	五一五〇	一六〇九・三七五	更那寺附近解曲雜曲分水嶺
瓦裏拉	五三二〇	一六六二・五	啗曲河邊兒魯寺對岸
雜曲河	四七四〇	一四八一・二五	以魯寺前渡口
奢裏拉	五二〇〇	一六二五・	巴米爾寺西十五里
茶讓拉	五三九〇	一六八四・三七五	跌牙寺西北十餘里
拉俄拉	五一七〇	一六一五・六二五	茶哈馬東二十餘里

自西甯至玉樹沿途所測

地名	氣壓表高出海面米突	合工部尺	實測處
西甯城	二四二〇	七五六・二五	
湟源城	二八七〇	八九六・八七五	
日月山	三七五八	一一七四・三七五	

倒淌河邊	三五〇〇	一〇九三・七五	察罕城對面
卡不卡	三二九〇	一〇二八・一二五	
阿藥雲	三一七〇	九九〇・六二五	
頁朵淖	三一三〇	九七八・一二五	
切吉灘	三三九〇	一〇五九・三七五	
倒拉結山	四五五〇	一五二一・八七五	大河壩與恆霧河分水嶺
扎索拉	四八三〇	一五〇九・三七五	
馬沁雪山	四八五〇	一五一五・六二五	
豆雲	四六二〇	一四四三・七五	
黃河渡	四五二〇	一四一二・五	鄂陵海下約三日程
野馬灘	四六〇〇	一四三七・五	
野牛溝	四七一〇	一四七一・八七五	
奢拉	五二〇〇	一六二五・	
通天河	四〇四〇	一二六二・五	拉布寺曲河口藍塘渡口處
結古	四〇八〇	一二七五・	

熊拉	五六四〇	一七六二・五	在巴通南熊曲腦巴曲與子曲分水嶺
子曲	四一三〇	一二九〇・六二五	吹靈多多寺前
夏拉	四九四〇	一五四三・七五	在顧強雲腦爲子曲與雜曲分水嶺
雜曲	四四六〇	一三九三・七五	覺拉寺西數里處
拉馬拉	五一〇〇	一五九三・七五	囊謙東北三十里雜曲巴兒曲分水嶺
囊謙	四六五〇	一四五三・一二五	

玉樹河流

黃河名焉曲源爲巴顏哈拉山北麓蒙古柴達木地東流娘嵯北境瀕爲星宿海又東爲扎陵鄂陵二海出娘嵯境入果務番地
 鴉鷚江上流番名爾曲源出加送喀桑北境巴顏哈拉山南麓東南流經白力登馬族牧地東辟曲水自東南來入之又東南流至蒙古
 爾津族牧地春雲水自東北來入之又東南流至曩弄通盤智曲水自西來入之又東流左受一小水折而南流有三水出難冷木拉山
 西北麓自東來入之又南流右受東果曲摺曲二水左受三小水又南流東模雲水自東來入之又南流至竹節寺東右受一小水又東
 南流至休瑪寺西毛瓦雲水自加浪山北流來注之又東南流右受喀耐寺精錯寺二水又東南流至打喀木多出境入川邊石渠縣界
 有柴龍水出難冷木拉山麓麓南流來入之又東經石渠縣南有麻雲木水熱富喀當拉山南流入之下流至川南會理縣西久登沙江
 金沙江上流兼名爲魯米蘇河番名州曲普通名通天河有南北二源北源出青海西界勒科爾烏蘭達布遜山東南流千餘里至玉樹
 總舉百戶牧地西界與南源出青海西南界當拉嶺北麓控引衆人屈曲東北流千餘里與北源合是爲通天河東流經總舉百戶牧地

有曲馬來雲水自北流來入之又東有當木雲水自西南來入之又東有木哥曲水出辟科扎西啓瓦地方自南流來入之又東至牙各張喀地方有牙雲水自南流來入之又東有岡吾曲水自北來入之又東有科遺雲水自南來入之又東經戎模百戶牧地有色勿曲水自北來入之又東至業卡達科有業卡曲水自南入之又東經將賽百戶牧地左受（受額那）（公東朗）（公正朗）（公穹朗）四水又東至覺讓寺南左受一小水折東南流至夏魯寺西南覺穹朗水自東北來入之又東流至岡酒寺北有相木科水出扎西拉山自南來入之又東入娘磋南境有巴朗水自東北來入之又東南流代乃曲水自北來入之又東南流至固察種毛藉莊協曲水自北來入之又折而南流至卓亥莊西南固察曲水自東流來入之又折而東流義曲水自西來入之又東至南木達莊北浪西科水自西南來入之又東入稱多境稱多曲水自東來入之又折而南流至本領莊西南又折而東流至增勃莊南又折而南流至藍達莊西湯隴水自西流來入之拉布寺水自東來經圖登貢巴北入通天河又南流至迭達之且達莊東摺西科水自西來入之又東南流經迭達莊西又南流至芒勃莊西南折東流至直布達莊南歇武溝水自東北來入之又東南流色科溝水自北來入之又東南流結古水自西來入之又東南流至夏達莊出境入川邊鄧柯縣界是爲金沙江

瀾滄江上流有二源北曰雜曲河南曰鄂穆曲河

雜曲河發源格吉西北境果瓦那沙拉山麓有南北二源南源曰雜那雲北源曰雜朵雲二水東流至扎西拉賀寺之西相合名雜朵拉松多雜朵拉水東南流至阿雜松多阿雲水自西南來入之是爲雜曲河東南流右受可兒袞雲加戎雲二水又東南至雜蒲多蒲兒曲水自北來入之瓦裏郎水自南來入之又東流經兒魯寺作慶寺之南左受六水右受一水又東勃弱水自北來入之又東南流慶摸雲水自東北來入之朵尼雲水自西南來入之又東南流羣摸水自東北來入之又東流班木雲水自西南來入之又東入囊謙境倒澤雲水自南來入之折東北流多各覺水自北來入之又東流經達朗喀莊北又東果魯雲水自南來入之又東入覺拉寺境年曲水自西北來入之又東流經覺拉寺南又東南流左受三水右受三水又東南顧且雲與覺雲水合流自東北來注之又東經朵袞雲地方南右受

一水又東仍入囊謙境喀拉隴水自東北來入之又東南流至坎達莊西龍光硤水自東北來入之又東南雪隴水自西來入之又東南經古特知莊南又東南至宗咱莊東強西雲水自西來入之葉浪硤水自東來入之又東經蘇爾莽境出界至昌都之達賴喀莊左合子曲河又南至流昌都與鄂穆曲河合是爲瀾滄江

子曲河發源格吉東北境子叩勒馬朵拉山之北麓名子慶雲東流子當得郎水自西北來入之又東柴種工馬水自北來入之又東至子野墨松多子辟雲水自西南來入之又東左受子借木郎水右受三水又東左受子革馬水又東南流右受一水入拉休境簡倉曲水自北來入之又東達木雲水右挾二水自東北來入之又東左右各受一水又東曰慶科水自北來入之又東右受一水折東南流多拉馬果水自北來入之折南流色拉隴水自西來入之又南至落果惹瓜隴曲水自東來入之又南流榜曲水自西來入之折東流左受龍牙朗惹辟朗二水入蘇爾莽境屈曲東南流右受將喀郎水又東南至吹靈多多寺西咱輒雲水自東來入之又折而南又折而西至囊結載寺東南藥曲水自西來入之又折而南流經朵登寺西左右各受一水又南姚那雲水自西來入之又南至多忍多莊東姜雲水自東北來入之又南出界入川邊同普縣境左受改曲河西南流至昌都之達賴喀莊入雜曲河曹曲水源出扎武境內有東南二源西源出恩扎拉山曰建曲東南流經拉午寺南又東南至柴間多通與東源會源出果拉山曰協曲南流經東錯寺東又南與西源會是爲曹曲東南流入蘇爾莽屬地經德色提寺東又南經俄洛達莊東又南出界入川邊同普縣境至曹改松多與改曲會又西南入子曲鄂木曲河上流名解曲發源藏邊瓊布納魯木他馬族北界當拉嶺東北麓有東西二源東曰穆雲西曰桑雲東北流至中壩南境穆桑巴吾松多合流又東北流至保吾野永松多保雲水自西北來入之折東流左受二水又東巴兒俄郎水自北來入之又東經更那寺南右受二水又東經雜喀寺南左受一水那乃郎水自西南來入之又拆東南流那羣雲水自東北來入之又東南鉤曲郎巴那郎二水自西南來入之又東南至囊謙西南境姚雲水自北來入之養雲水自南來入之又東南雅木曲水自南來入之又東南桑木曲水自南來入之自此以下名鄂木曲又東南經輒布結朗莊之南又東至巴色果莊南友雲水自東北來入之又東南流有多惹朗哈冷郎二水自

北來入之又東南稍曲水自西南來入之又東南經離哈寺北又東南出境入類烏齊巴層族地東流左受一水又東經改九寺北又東南流至莽達寺西巴兒曲水自囊謙來南流入之又東南流至昌都與雜曲河會

巴兒曲水源出囊謙西境朵羅拉山南北二源至拉慶寺合流東注經各尼巴地方北受一水折東南流經囊謙千戶所駐色魯馬莊之西有小水自東北來南名巴雲又折東流至當巴拉隴雷雲水自北來入之又東流左受一水折東南流經囊謙千戶所駐色魯馬莊之西有小水自東北來入之折東南入一石坎甚險要約一里出坎于宗朝水自西南來入之又東南流至幹達寺西南出境又南流至昌都之莽達寺西入鄂穆曲河

拉休西北境有泊曰仁慶永錯周圍二十餘里泊之東北三十餘里有小泊曰色錯周圍七八里屬玉樹將賽族牧地

玉樹地形

玉樹西北一帶荒亂軸疊章大泊廣漠無垠行數日不見其際帳居之民遷徙鳥舉難得而制攻之則拔帳遠去輕騎深入則糧運難繼裹糧而行則累重不及事且有抄掠之虞此絕地也東南一帶接近山西山高水深複嶺叢嶂蔽天日兀崖峭壁激衝湍流非惟無垣衍原濕並崗陵陀亦屬罕見其險隘處往往馬不能並轡咫尺之間便異形勢崎嶇險阻不利馳逐一夫當阨千夫趨赴有事於此攻者利於饒越守者利於狙擊冥行盲進陷入伏中則一敗塗地此亦籌邊者所宜知也今略著形勢險要及津渡道路俾披閱者有所考證焉述地形記通天河流域自娘磋以西盡玉樹境多草灘山甚低高者僅七八十丈至百餘丈自娘磋以下南北兩岸及協曲固察稱多拉布歌武義曲結古諸流域皆由峻川狹急流湍悍頑石塞途山高者至二百七八十丈川寬者不及一里窄者不及百步阪峻者至四十五度以上春冬之交溢冰滿谷無路可行番民皆崖谷險處葺石屋居之或據山嶺俯瞰絕壑汲水樵蘇上下鳥道杜絕所謂硤入鳥獸塵其室附層嶺下臨不測江云者雖就川東言之然玉樹近川地形實相類矣聖武記言金川番族善築碉堡攻之不易今觀玉番

據險建屋石墻屹峙擊牖外向互相犄角自非絕其汲道巨砲轟之則無如何玉樹距金川猶近疑卽繡堡之類矣

泊曲河（卽龜巖江上流）流域山平川闊寬處十餘里狹處三四里山高者百餘丈唯道路坎坷難行蓋番地平處皆係沙草隙沙土被勁風刮去其附近草根之沙土托結根鬚墨墨然如人身之有疥也寒則凹冰凸處霜草滑達難行熱則徧地沮洳沒足滅跣故雖平瀟極望而慮不能馳騁

雜處河流城良難識以上寬者里許狹者數十丈山高者百五十丈其在格吉境者猶娘磋以西之通天河也

鄂穆爾河流城良難識其中壩境者山開川平囊謙以下寬者里許狹者數十丈山高者百餘丈惟不甚峻

子薩爾流域良難識寺以上山開川平以下山峻川狹寬者里許狹者數十丈山高者二百餘丈

巴兒曲河流城山峻川狹寬者及里狹者數十丈山高者百餘丈

玉樹邊地要隘

歇武寺東有邊州邊石渠縣之路野火溝其要隘也情錯寺東有業打喀木多地方乃鴉巖江出境之日亦有通石渠縣路

結古東南有通郡柯縣之路朝午拉山其要隘也

沿通天河出境亦可通石渠郡柯唯硤險難行

結古南有通同德縣之路保合桑喀其要隘也

囊謙東南有通昌都縣之路幹達寺其要隘也

囊謙南有通類烏齊之路瀾俄拉山其要隘也

囊謙西南有通藏邊三十九族之路據宋寺其要隘也

中壩南有通藏邊三十九族之路索滂羊宗當沙買拉穆桑巴吾松多皆要隘也

玉樹西有通新疆和闐之路以荒遠罕行者未詳

由玉樹北行經娘磴境絕河源有通柴達木之路此故西甯赴藏之大道也扎鄂二海間亦有路西合海北大道東合海南小道由加迭喀桑休馬百長牧地東北踰奢拉山絕黃河經果格番地有通西甯路所謂海南小道者是也

玉樹內地要隘

邊地之要隘有定腹地之要隘無定蓋無處非要隘也而形勢之輕重則視控馭者之所在以爲衝結古故爲內地委員蒞盟之地雖稍偏東而物力形勢均非他處所及後有駐紮經營者不能改也今以結古爲標準稍著名族之要隘焉

蘇爾莽赴結古以扎武之果拉山爲第一要隘禪姑寺爲第二要隘

囊謙赴結古以龍光峽爲第一要隘夏拉爲第二要隘拉休之龍喜寺爲第三要隘扎武之熊拉爲第四要隘

中壩赴結古以格及之拉吉拉起瓦裏拉山爲第一要隘囊謙之奢乃拉爲第二要隘拉秀之朵拉爲第三要隘

格及赴結古以囊謙之奢乃拉山爲第一要隘拉休之朵拉爲第二要隘

玉樹赴結古以節綜山爲第一要隘迭達之扎拉爲第二要隘

娘磴赴結古以固察之種毛籍莊爲第一要隘安冲之藏迭莊爲第二要隘扎武屬之東茂拉山爲第三要隘迭達之扎拉山爲第四要

隘

加迭喀桑赴結古以加浪拉爲第一要隘直布達爲第二要隘惹拉山爲第三要隘

固察赴結古以稱多之改鎮寺爲第一要隘扎武屬之湯達中達增達三莊皆在通天河西岸相距各數里據山臨河險要無比爲第二

要隘迭達之通布達莊爲第三要隘稱多赴結古以拉布寺之甯朵拉爲第一要隘扎武之湯達三莊爲第二要隘迭達之通布達爲第三要隘

拉布寺赴結古以扎武之湯達三莊爲第一要隘迭達之通布達爲第二要隘

安冲赴結古以東茂拉山爲第一要隘扎拉山爲第二要隘

迭達赴結古西路以通布達爲要隘東路以蒼拉山爲要隘

覺拉寺赴結古以夏拉山爲第一要隘隴善寺爲第二要隘熊拉山爲第三要隘

津渡

通天河歇武寺直布莊南有渡口寬約二十二三丈

扎武蓋達莊西有渡口寬約有二十四五丈深丈許

水清石底固察種毛籍莊有渡口寬約十八九丈均用皮筏冬有冰橋

咱曲河蒙古爾津諸他南有渡口水小可涉

子曲河隴善寺有渡口深一尺六七寸漲時約二尺五六寸寬七丈許子雲亦有渡口均可涉

雜曲河囊謙古特知莊南有渡口寬約六十丈深沒馬腹水甚清皆碎石鋪底冬亦不凍覺拉寺南亦有渡口

巴兒曲河囊謙南南有渡口寬約三十餘丈深尺許

鄂穆曲河囊謙達朵寺東 有渡口

道路

香塘無聖難唯以馬牛一日所行爲計馬日行約八九十里牛日行五六十里今著道路有不能詳其里數者但標明馬站牛站而已

由結古赴囊謙路

結古西南行六十里滂孔咱五十里曳吉松多四十里隴喜寺二十里落瓜拉瓜五十里廟嶺雲南行六十里廟且寺七十里炊達五十里乃魯西南行二十五里喀知西行四十里至囊謙

由結古西行六十里哈金中達六十里多拉馬果南行七十里落果拉瓜與大路會

由廟嶺雲西行馬站一站覺拉寺一站達浪喀一站然覺寺西北行一站雲尼朵西行一站泗頁惹瓜

由囊謙馬站一站當巴拉隔一站過尼巴西行一站巴色果西北行一站龍喀寺西行一站更那寺一站保吾野永松多西南行一站穆

桑巴吾松多

由囊謙馬站一站彼扎喀一站幹達寺出界一站莽達寺一站交老一站浪木達

由囊謙南行二站至改九寺三站至類烏齊寺

由結古赴藏大路

結古西南行牛站一站全哈中達一站波綠雲西行一站尼馬戎夏一站達木雲一站子雲西南行一站惹知加果一站沙慶馬一站巴

也寺一站泗頁惹瓜一站瓦裏拉一站可衣雲一站阿那且馬一站阿哥公茂日由此西行牛站六站踰朝午拉山至索滂羊宗（青藏

分界處）出境至夥爾吉卡族（卽三十九族中部落）之雜車火地方又經夥爾宜他馬族地八站至拉雲雲（羣車族地）又六站

至汪娘修地方（順馬族地）又一站出三十九族界至拉曲喀

由結古赴石渠縣之路

結古東行馬站一站至歇武寺一站至捷米多一站至石渠縣

由結古赴鄧柯縣之路

結古東南行馬站一站班慶寺一站噶沙一站瞻同一站鄧柯縣

由結古赴同普縣之路

結古南行五十里班慶寺一百二十里拿倫多七十里代隆屯一百里果得五十里又五屯一百里仁達四十里同普縣治共計程五百

三十里 又由同普縣治折西行九十里卡工五十里童山溝五十里覺雍八十里拖壩八十里熱鴉七十里昌都縣治

又由昌都西行四站至恩達又七十里至類烏齊

由昌都東南行五站至扎躡

又由拿隆多西南行九十里德色提寺六十里窩納一百里金通四十里昂達貢五十里昂多六十里溫達五十里昌都此結古赴昌都捷徑也

由西寧赴結古之路

西甯西行五十里鎮海堡四十里湟源縣南行六十里上窩洛西南行隴日月山卡五十里倒淌河濱八十里恰不恰六十里窩遜四十五里貢朵淖爾五十里切吉河口南行四十里切吉河腦西南行七十里班禪玉池四十里扎梭拉溝六十里羊腸溝六十里欽科車馬七十五里扎格車有四十里島高拉力色薄八十里馬拉有二十里黃河渡口五十里野馬灘七十里野牛溝八十里哇雲灘五十里奢拉山西麓六十里休馬番帳南行七十里咱曲河濱四十里竹節寺東南行五十里喀耐寺西南行六十里歇武寺六十里瓜拉小洲四十里結古

玉樹二十五族區分表

族名	土職	駐牧地界	所屬頭目	屬民
囊謙	千戶	橫跨雜曲鄂穆曲二河東界蘇爾莽南界昌都類烏齊及巴屑多舒瓊布噶魯色爾扎等族西界蘇魯克中壩格格北界拉林	百戶四名 百長二十六名	二千餘戶
扎武	百戶	同駐牧通天河南東界川邊鄧科南界川邊同普西	百長六名	三百餘戶
拉達	百戶	界蘇爾莽拉休迭達北界迭達竹節	百長一名	一百餘戶
布慶	百戶	橫跨子曲河東南北界扎武蘇爾莽南界囊謙西界格格北界玉樹迭達	百長五名	一百餘戶
拉休	百戶	格吉北界	百長十二名	五百餘戶
迭達	百戶	跨據通天河其大部在河西東界稱多拉布節竹節南界扎武拉休西北與扎武屬地及玉樹連界	百長三名	六百餘戶
固察	百戶	在通天河東北岸東界竹節稱多北界娘磋西南界安冲	無	一百餘戶
稱多	百戶	在通天河東岸東北界竹節西北界固察南界拉布迭達	百長一名	三百餘戶
安冲	百戶	在通天河西南岸東北界固察北界玉樹娘磋南界扎武屬地	百長七名	五百餘戶
蘇爾莽	百戶	在子曲河下流東界扎武南界昌都西界囊謙北界拉休	百長二名	四百餘戶

蘇魯克	百戶	在鄂穆曲河南東北界囊謙西界中壩南界瓊布色爾扎		未詳
蒙古爾津	百戶	同牧昭曲河流域東界川邊石渠縣南界扎武西界迭達拉布寺稱多固察西北界娘磋東北界果洛番	無	一百餘戶
永夏	百戶		百長一名	五百餘戶
竹節	百戶	同駐牧雜曲及子曲河上流東界拉休囊謙南界中壩西北界玉樹	百長二名	五百餘戶
格吉麥馬	百戶		無	四百餘戶
格吉班馬	百戶	同牧鄂穆曲及阿雲當木雲之上源東界囊謙蘇魯克南界藏邊三十九族西境皆空地北界玉樹格及	無	一百餘戶
格吉得馬	百戶		百長一名	四百餘戶
中壩麥馬	百戶	同牧通天河上游東與娘磋迭達安冲扎武拉休錯壤南與格吉中壩接境西北皆荒寒不毛之地	百長一名	一百餘戶
中壩班馬	百戶		百長一名	一百餘戶
中壩得馬	百戶	同牧通天河上游東與娘磋迭達安冲扎武拉休錯壤南與格吉中壩接境西北皆荒寒不毛之地	百長一名	未詳
玉樹將賽	百戶		無	一百餘戶
玉樹總舉	百戶	同牧通天河上游東與娘磋迭達安冲扎武拉休錯壤南與格吉中壩接境西北皆荒寒不毛之地	無	一百餘戶
玉樹戎摸	百戶		無	一百餘戶
玉樹鴉拉	百戶	北瀕星宿海南至通天河東與加迭喀桑果洛爲界西南與玉樹爲界	無	一百餘戶
娘磋	百戶		無	三百餘戶
覺附拉寺		寺在雜曲河邊南界囊謙北界拉休		一百餘戶
拉附布寺		寺在通天河東東界竹界南界迭達西界扎武北界稱多		一百五十餘戶

二十五族寺院表

囊謙	族分	寺名	教派	喇嘛	僧徒	附記
		采九寺	白	三人	一百零五人	
		幹達寺	黃	一人	六十人	
		加干寺	白	三人	四十餘人	
		朵魯寺	白	一人	三十人	
		殺七寺	白	一人	二十人	
		蘭州寺	白	一人	七人	
		初義寺	白	二人	五十人	
		宗達寺	紅	三人	六十人	
		曲符寺	白	一人	十人	
		改白寺		一人	四十人	疑即改滾寺白教也
		撻朵寺	白	一人	四十人	
		旦那寺	白	一人	六十人	

顧且寺	夏午寺	尼牙寺	白日拉羣寺	白日拉慶寺	然覺寺	迭亞寺	由迫魯寺	東囊拉羣寺	東囊拉慶寺	幹勃寺	拉浪寺	熱拉寺	惹巴寺	拉慶寺
白	白		紅	紅	白	白	紅	白	白	白	白	紅		白
一人	一人	一人	一人	一人	一人	一人	一人	一人	一人	一人	一人	一人	一人	一人
六十人	十五人	三十人	三十人	四十人	三十人	一百五十人	四十人	四十人	七十人	二十人	十人	二十人	三十人	五十人
		疑卽迭亞寺之誤	或云無喇嘛				當作一百一十人						疑卽倉沙寺白教也	

										扎武三族							
布隆寺	多勿寺	拉午寺	東錯寺	東果寺	班慶寺	圖登寺	湯隴寺	果拉寺	禪姑寺	結古寺	車裏寺	甯多寺	麥野寺	巴也寺			
紅	紅	白	紅	白	白	紅	紅	黃	白	紅	白	白	白	白			
無	二人	二人	二人	一人	四人	無	無	一人	四人	三人	一人	一人	二人	一人			
二十人	一百人	八十人	二百人	五十人	三百人	一百三十人	一百五十人	二百人	三百人	四百五十人	八人	三十人	四十人	七十人			
						在藍達莊東即舊圖所謂圖登貢巴也番謂寺曰官壩											

稱		固							拉						迭
多		察							休						達
東	色	邦	阿	車	竹	車	蕩	吹	龍	桑	朵	芒	邦	惹	
周	爾	夏	運	魯	巴	福	喀	靈	喜	周	拉	勃	芭	尼	
寺	寺	寺	寺	寺	寺	寺	寺	多	寺	寺	寺	寺	寺	牙	
紅	紅	紅	白	紅	白	白	白	紅	黃	紅	黃	黃	黃	黃	
二	一	一	一	二	一	一	一	二	六	無		二	二	四	
人	人	人	人	人	人	人	人	人	人			人	人	人	
二	十	三十		六十	四十	五十	十五	二百	八百	二十	一百	一百	一百	三百	
百	人	人		人	人	人	人	人	人	人	二十	三十	六十	四十	
人															

				加迭喀桑					安冲					
歇武寺	情礎寺	喀耐寺	休瑪寺	竹節寺	拉扎寺	迺藏寺	郎寢寺	邦貢寺	達吉寺	扎喜寺	先宗寺	改瑣寺	孔雀寺	朵藏寺
紅		黃	黃	白	白	白	紅	黃	紅	白	白	紅	紅	紅
一人	一人	一人	一人	一人		一人	一人	二人	一人	一人	三人	一人	一人	二人
二百人	五十人	一百八十人	五十人	三百四十人	十人	二十五人	三十人	三百人	五十人	三十人	五十人	二十人	八十人	三十人
				其喇嘛百戶兼之										

中壩三族						格吉三族			蘇爾莽						
更拉寺	建中寺	年多寺	巴也寺	作慶寺	兒魯寺	扎西拉賀寺	德色提寺	朵登寺	朗結載寺	色普寺	色巴寺	革武寺	巴幹寺	甯宗寺	
白	白	白	紅	白	白	黃	白	黃	白	紅	紅	白	白	白	
無		一人				二人	二人	一人	二人	無	一人	一人	一人	二人	
二十人	二十五人	八十八人	三十人	五十人	四十人	一百二十人	一百人	一百五十人	五百人	二十人	四十人	五十人	三十人	一百二十人	

		蘇魯克		娘磴族			玉樹四族					
拉布寺	覺拉寺	無	巴干寺	色航寺	覺讓寺	夏魯寺	岡洒寺	日瓦麥馬寺	日瓦得馬寺	日瓦班馬寺	巴拉寺	龍喀寺
黃	白		黃	黃	黃	黃	黃	白	白	白	白	白
五人	三人		一人	三人	一人	一人	一人					
四百人	二百三十人		五十人	三百四十人	二百八十人	三百人	三百五十人	七十人	五十人	五十人	五十人	八十人

玉樹寒暑比較表 (攝氏表)

月 別	平 均 溫 度			雨 雪 變 化
	早	午	晚	
正 月	零下六度	十三度	零下三度	零下十九度
二 月	零下三度	十五度	三度	零下十四度
三 月	五度	十六度	八度	零下五度
四 月	五度	十八度	九度	零下六度
五 月	八度	十九度	十四度	零度
六 月	十五度	二十三度	十九度	四度
七 月				
八 月				
九 月				
十 月	零下七度	十四度	零下三度	零下十五度
十 一 月	零下十二度	十二度	零下六度	零下二十六度
十 二 月	零下九度	九度	零下五度	零下二十六度

玉樹可墾田地面積略數

囊謙族

香達咱曲河東西有荒地一大段約有六十石之譜

學隆鑿有荒地一大段上下約有五十石之譜

強西鑿有荒地一大段約有一百石之譜

當卡鑿有荒地一大段約有五十石之譜

白燕窩有荒地一大段約有三十石之譜

芝雅有荒地一段約有二十五石之譜

大蘇莽族

紫曲河有荒地一大段約有一百石之譜

優秀有荒地一大段約有二十五石之譜

楊郎有荒地一段約有八十石之譜

當德有荒地一段約有三十石之譜

小蘇莽族

德子台有荒地一段約有五十石之譜

扎武族

西行莊有荒地一段約有四十石之譜

結古西北雜曲溝有荒地二段約有一百石之譜

迭達族

毛拉河兩面有荒地二段約有五十石之譜

牙年溝有荒地一段約有二十石之譜

作孟有荒地一段約有二十石之譜

安冲族

通天河有荒地二段約有十石之譜

古刹族

古刹溝有荒地一段約有三十石之譜

稱多族

克麻祿哇溝有荒地二段約有四十石之譜

珠吉上溝有荒地二段約有二十石之譜

斜武族

斜武溝有荒地二段約有二十石之譜

拉達扎武兩族界

雜麥有荒地二段約有五十石之譜

竹節族

賽巴有荒地一段約有二石之譜

年錯族

年錯上下有荒地二段約有十五石之譜

普郡族

普郡上下有荒地二段約有三石之譜

省政府函電

致玉樹千百戶函

昂謙千戶札西才文多將札武百戶久美拉休百戶托拉休麻百戶東管稱多百戶昂格拉達百戶索加布慶百戶尕馬斜惹固察百戶才汪多戒安冲百戶藏木冷將賽百戶格大斜武百長才札竹節百戶蒲才迭達百戶成勒三格吉百戶1.却家2.曲加札巴3.見巴中壩百戶1.才長2.得仍白力多麻百戶官却浪將哈納百戶貨札宗節百戶藏冷却將蘇莽百戶尕日旺台鑿(中略)青海地方廣大而結古尤爲海南重地當此日本侵佔遼東之時內部一致團結竭力對外青海雖屬遼遠保境安民力作後盾軍政統一協衷共濟利賴實多茲任玉樹縣長崇維嶽老成穩健熟悉邊情惟希台端協同玉防司令馬炳臣暨崇縣長共同治理保衛地方至所切盼專此順頌
台祺馬 麟謹啓 二一、二二三、

致達賴函(一)

達賴法王慧鑒久仰佛光惟欽心祝西天瞻望彌結私忱敬維惠溥十地法超衆生至爲虔禱頻年以來內地紛亂青海接壤藏衛遠仗

慈蔭轄境尙稱安謐不幸去年八月先兄閣臣因病歸真麟以輕材辱承中央命令復繼任青政德薄能鮮如履冰淵洵憶先兄在世之時與我佛通款聘問懇懃唯謹諸蒙眷注感激之誠五體投地麟繼先兄之遺志一瓣馨香虔禮於法王之前者始終如一倘蒙佛諭命辦之件無不竭力秉承茲因崇縣長維嶽履任玉樹肅函專呈藉表款曲並附呈先兄訃告一冊惟冀矜鑒星海迢遙臨穎神往專肅祇
慧安青海省政府主席馬 麟謹上

致達賴函(二)

西天大聖智者達賴大佛慧鑒河山阻遠欽仰惟殷前由玉樹崇縣長賈呈先兄閣丞訃告暨寸簡想邀法照邇繼光被四表惠濟十方仰企祥雲曷殷景素麟以駑駘之質德薄能鮮辱膺青海疆寄重任全仗我大佛慈悲祥和之庇蔭私衷銜感五體投地竊以世風不古天災人禍相繼而來凡域內兵凶戰亂水災荒旱疾疫皆我大佛之所惻然悲憫而大發慈悲航有以普濟者也頃聞日本作亂我遼東上海又遭兵凶全國人心一致對外當獲最後之勝利還祈我大佛默佑大雄之力早日澄清中華民族當馨香祝禱西藏青海兩地接壤尤爲我佛親邇之地大千世界無量蒼生之災厄苦楚皆我大佛千眼之慧照青海初開行省當此國家多難人民痛苦莫由解脫仰祈大發慈悲力加振救俾迷津得筏暗室得燈同渡苦海而臻極樂則所甚幸專肅佈臆敬請法樂青海省政府主席馬 麟謹上

致藏官三王千布函(一)

三王千布執事台鑒久聞華聲徒抱識荆之願遠隔儀範益殷御李之私比維教法政權雙臻嘉盛爲頌無量海藏接壤擊柝相聞睦鄰保境自昔行之曩者先兄閣臣主席在世之日與達賴大佛款曲時通交好至篤和睦之切人所共羨不幸去年八月因病歸真麟以輕材辱承中央命令繼任青政德薄能鮮如履冰淵尙希德我好音藉通情愫茲因崇縣長維嶽履任玉樹託便轉呈達賴大佛函及先兄訃告各一冊務祈執事代爲轉達不勝感禱願繼先兄遺志睦鄰保境俾國民畢臻康樂想執事體大佛之慈悲救衆生於苦惱必能爲民爲國共保和平也專此布臆不盡所懷恭請台安諸惟慧鑒青海省政府主席馬 麟鞠躬

致三王千布函(二)

三王千布眾隆惠鑒久仰鴻猷殊殷蠱慕辰維法力祥和政聲卓著仰企丰度無任欽遲西藏青海兩地相接遠仗西天大佛默佑之力地方安靜人民所蒙福利洵非淺鮮而青海新開行省政治之設施內部之開發實爲當務之急不幸國家多故日本作亂我遼東上海又遭戰事全國人心一致對外當獲最後之勝利我邊遠省分自宜大發宏願一心團結選宜國家之德威普施佛法之慈惠俾災後人民重見昭蘇九域轄疆永克鞏固素仰明達當有此同情也玉樹設治軍政民情遇事尙祈協衷共濟隨時指導共保和平共謀福利地方人民均所欣幸專肅布臚頌助安青海省政府主席馬麟謹上 二、三〇、

復玉防警備司令馬彪函

炳丞司令台鑒流光駒駛繫念時殷前因崇縣長履新之便專函樓達兼分致達賴三王千布並玉樹各千百戶函訃多件以期固內聯鄰暫時羈縻以待國難之解決而抒中央之後顧諒於崇君抵玉之日遍覽而會督矣頃接羽書並附譯文一件展誦之餘尤深懸念藏方與兵侵界雖因英人之唆使其中難保無因交際間之疏密及消息之傳遞而發生誤會况在日寇未弭之際政府方並力東向青海豈能輕開邊釁更增西顧之憂此際無論如何爲難務必和平對待暫時容忍用請執事利乘崇縣長初抵玉樹之際先以交際手腕銷弭裂痕暫忍小忿以成大謀倘能與藏方彼此相安暫維現狀斯不特邊方之幸實國家前途所賴焉即希尅日着手進行先與三王千布聯絡感情並將種情隨時達知爲盼特復即請戎祉順祝謨猷百益不宜青海省政府主席馬麟手復

玉樹馬旅長於四月二十九日賞呈主席函

主席鈞鑒肅肅者康藏糾紛日趨嚴重玉樹地壤相關係較重二十年九月十三日奉命赴玉換防責在警備並無其他對於藏備戰之使命及在玉防宣誓就職後即函達藏方對邊界一切事宜均按成規舊例並宜互相努力保持我青藏雙方隣誼友好互相親善不相侵擾適二十年十一月月上旬在嘉藏哈地方突來藏兵數百並將該地附近一通橋拆壞斬斷交通並對來往商人均搜驗護照方准

放行日見藏兵漫山遍野愈聚愈衆機槍大砲積極備戰形勢愈顯嚴重我方始終抱定宗旨持之以穩靜態度對以和平手段決未作任何對敵行爲並派百戶多人前往會商主席暨師長致藏方且將保持和平息事甯人各函送去而藏方不但無若何同情之表示且於三月二十四日竟不顧青藏多年友好突然侵入我蘇爾芒境向我零星少數駐軍大舉包圍正式開火約三小時後我方始行開槍而藏方事已將我大小蘇芒間之一通橋拆壞阻斷我軍交通並在各要隘地點安營下寨掘溝開壕其用心叵測昭然若揭我方並未阻止至二十八日藏兵向我大小蘇芒及囊謙各地駐軍總攻擊我方以無中央命令先後撤回結古而藏方已將我蘇芒囊謙各族同時佔領得寸進尺節節進逼且對我根據地結古大舉包圍並將我通天河之船隻守定阻絕其他玉樹各族全被佔據燒殺戮掠無所不爲所過地方頓成一片焦土數十萬番族載胥載溺方之闖獻殺戮尤多我方自事變發生以來始終抱定和平宗旨對藏方繼續進逼不作任何形勢之抵抗查青藏界限犬牙相錯藏民在我境者有之如與成都族拉卜寺等地雜居之藏民頗多我軍對之均無不幸事件發生足以證明我方對隣誼之友好行爲慎密遵守屢次之命令佈告地方人民節制正當憤激使不出法律範圍並嚴格保護藏民生命財產而藏方蓄意破壞使國防局勢愈趨危險增中央西顧之憂我方孤軍深入困守彈丸槍械不繼籽彈缺乏岌岌可危伏乞鈞座速派大軍解此圍困無任企盼專函馳報祇請鈞安諸維霽膺職馬 彪崇維嶽王家楣謹肅四、二九、

馬彪崇維嶽王家楣上主席函

主席鈞鑒謹肅者先後奉到鈞諭以及一切口密祇盼一是藏方不顧公理慘無人道對我方之毒辣手段侵凌政策以及足使國防局勢愈趨嚴重之種種情形迭經呈報鈞座鑒核在案前我主席致藏方和平結局息事甯人各函早經專差先後送達而藏方亦無同情之表示况值此國難方殷外交吃緊之際對於我國西南國防之鞏固我青藏雙方均應擔負而西藏竟悍然不顧向我方積極進逼以致形勢愈現擴大現藏方雖有與川軍激戰情形而專有一部份攻擊我方且繼續進攻會未稍懈且變本加厲陰謀日甚現在佔去我方之蘇莽等地集中力量約三四千人向我根據地結古積極進攻零星藏兵佈滿佔去我玉地各處對人民積極壓迫日見炫烈近且

來函略謂對結古我軍宜迅速退出一人不准存在否則非一致消滅不可等語近有自西藏來者詢悉藏方近由英運來快槍數千枝大砲多門此種舉動真出人意外現玉樹被藏方侵佔以外所餘小數番民因見我方之援兵無望多暗懷異心其隱患不可勝言此時任此少數隊伍爲國爲民一死何惜而對於地方人民能忍其橫遭塗炭哉倘無武力作後盾此刻和平無法實現萬一我方爲盡守土之責出於一戰中央亦不過罪伏祈鈞座派隊來玉以便實現守土宗旨總之和平守土均非兵不能成功倘再無兵力之接援我方孤軍深入困守彈丸藏勢浩大實難力敵早晚藏兵來攻衆寡不敵之時職等應作如何辦法伏祈鈞裁祇遵酌奪施行是所切盼專肅飛報祇請鈞安諸維垂鑒職馬彪崇維嶽王家楣謹肅 五、三十一、

復玉樹馬指揮彪崇縣長維嶽函

炳臣指揮子高縣長偉鑒連接來書備悉一是比維動靜多祜謨猷益彰深以爲慰藏人不受宣慰訴諸兵戎執事等捍衛地方堅守結古轉呈中央蒙委員長蔣來電嘉勉並蒙撥給槍枝子彈及無線電台可見中央注重邊防之至意前飭喇團長平福率部應援想已抵玉此刻實力漸充亟應妥籌恢復失地力固邊圉不日即令馬旅長祿率騎兵一旅馳玉增援務望執事等妥籌機宜和衷共濟于自衛之外並量力進展展邊事永固和議可圖耳一切詳情均述良臣函內並以宣慰全責畀倚良臣所謂有武事者必有文備使之政治軍事雙方並進俾玉樹內部各千百戶與我始終團結一致而藏人敗退後亦不致爲英人利用如是則玉樹事件必須政治軍事雙方並進方能成功故以政治全權畀之良臣而以前方指揮之責畀賴執事務盼執事與良臣平福諸君精誠團結萬衆一心爲青海收回失地卽爲第九師保全名譽且不負先主席營業玉樹之苦心也望諸君勉之專此佈復順祝努力卽頌時祺不備

馬軍事參議騰雲赴京呈述玉樹事件上蔣委員長汪院長于院長何部長林主席邵院長元

冲馬委員雲亭楊主任邵主席鄧主任

鈞鑒自風雲多故外患交侵東北方圖規復西南又滋隱患比歲以康藏問題推波助瀾竟有今日藏兵侵凌青海南部問題之發生玉

樹二十五族接壤西康之鄧柯石渠甘孜瞻化昌都等地今春三月二十三日三王千布自西康集中藏兵長驅侵入海南之囊謙及大小蘇莽之地青省喪失轄地邊患日亟職守土有責推心雪泣誓復舊疆前者派馬馴等前往宣慰以期和平弭患繼以增兵堅守決圖捍衛所有情形職暨海南警備司令馬步芳疊電呈明在案我鈞座軫慮邊防切授方略撥發器械職嚴督步芳等悉心網繆全力以赴兩月以來僅以步騎數百之兵力堅守結古當藏兵攻圍萬餘之衆將士用命非達到目的誓不生還一方急修甯玉間之交通路線以便運輸職激勵我西陲健兒決計持久抗拒獲最後勝利以報國家竭盡心力死生以之惟此事發生遠近原因之真象洵非一端敢略呈梗概惟冀垂督（一）遠因自森姆拉會議以後西藏疆土馴致失馭浸假而對我西南邊地康藏青海有整個侵略之陰謀其見諸事實者爲民八海南爭界之問題英使艾思敦強執青藏界線問題巧設內外藏之名以青海爲內藏我外部磋商商務始末有將岷崙以南當拉嶺以北之地劃爲內藏德格以西爲外藏之議政府昧於事情無端蹙地千里辱國殊甚當時先兄麒麟守寧海力抗此議通電全國并設防玉樹其陰謀卒未得逞於海南此事原委黃鄂戰後世界詳述華企雲中國邊疆皆當時先兄詰責外部之原電近來研究西北問題之論著類皆揭示先兄過去對此事之主張國府亦以褒獎逾恆麟承乏疆寄警惕日深此事一或失措上何以報國家更何顏見先兄于地下其遠因之真象如此（二）近因西藏自達賴與班禪不睦班禪離藏達賴親外事實日見顯著其在物質上之建設以及英藏同種宣傳之謬論層出不窮煽惑日甚同時國家西顧不遑頻年內地多事適造成其侵略之種種機會又自上年中藏交涉川邊問題之結果竟以金沙江口爲界江之西岸如同普武城江卡鹽井均歸衛藏東岸自巴安以南則歸川邊以十三城拱手讓人其輕視中國國威實防於此近復以康藏問題積年不決益復逞其野心得寸進尺公然不諱兵戈侵凌西康以及海南其近因之真象如此竊以此事件已衍成西南國防之重要問題考其內幕意指頗使大有人在而熟察情勢特爲嚴慎處置萬不敢涉及國際問題以致擴大範圍敵已深入尤不敢一誤再誤持不抵抗主義貽患無窮始終之宗旨認藏民爲中華民族之弱小者不認藏民爲直接之敵人一方宣慰大義期其感格內向一方籌繕軍備以作正當防衛恢復青康之失地此爲對此事件處決之辦法瀝呈鈞座垂督者而

青省僻處邊隅軍實財力兩感困難前已由軍部撥發軍用品多件運到之遲速有關前方之安危今所敬謹要求中央者第一對西南問題作整個之籌劃青康事件同一背景主張辦法應取一致態度敬乞切示機宜俾有遵循庶免隕越第二軍用品及汽車電機等物質上之必需物品非由中央直接接濟以顧危局不可茲特派青省府軍事參議馬騰雲航空晉京過蘭陝恭謁崇階面呈諸事必期俯納芻蕘濟此鉅艱哀請國門聲隨淚下尙乞我公轉呈下悃至爲感荷職垂老邊塞蒿日時艱我西南遼闊版圖非國家不足重輕之地補牢未晚清澄可期悲感陳詞不勝屏營待命之至專肅祇請鈞安青海省政府主席馬麟謹上

據呈瀝陳藏兵侵凌青南遠近原因請中央對西南問題作整個計劃青康事件主張辦法應取一致並予以物質上之援助以濟危局等情已據情函參謀本部核辦並交蒙委會指令知照由

行政院指令

字第二七八六號

令青海省政府

函呈一件爲瀝陳藏兵侵凌青海南部遠近原因之真象請中央對西南問題作整個計劃青康事件主張辦法應取一致並予以物質上之援助以濟危局由

呈悉已據情函達參謀本部核辦並交蒙藏委員會矣仰即知照此令

致玉樹

馬宣慰使駟
馬指揮彪函

良臣宣慰使
炳臣指揮
揮偉鑿前者喇圍長平福率隊赴玉應援計程當抵防次月之六日又寄函馳送結古計已達覽此次軍事行動一讓再讓我海南疆域壘壤百里而藏人慾壑無厭煽惑日甚不忍輕啓靈端操戈同室耿耿初衷天日可質不圖頑鈍受愚不服宣慰不得不戰爰張撻伐揮涕陳師猶期收攻守兼施之效戰略方策前函已言之矣願敵已深入事尙大難所在嚴慎處置加意防範茲再爲執事申言

之自康藏問題積年不決直至波及今日海南之事件藏人受人利用顯係同一背景而我方對藏人之態度始終認爲中華民族之弱小者此事件之發生更認爲潛受利用之無意識舉動而仍存輔翼肅導之心原以藏衛爲我西南之屏藩藏民爲我弱小之國民抱蔓計非黃臺餘燼柝產能悟紫荊可榮况當此風雨如晦袍澤同仇之日國家方躊躇於東北青康兩省亟當方策一救彌補西南萬不敢擴大範圍引起國際上之問題漸致貽人口實以柄相授轉滋厲階其切要無過於此必使彼無可藉口窮於利用我方德威并施亟趨和睦其首要則在誠意撫綏縱迫於正當防衛兵戈相見之時決不稍存有歷史上如唐代清際征伐西番肆意殘殺求樹威立功之思想務須勿認藏人爲敵人必示以威者期其頓悟前非反邪歸正而根本辦法尤在我導以軌物予以自生自新之路我軍不妄殺不妄取格服其心結信於衆使先得自生之路則日堅內向之忱繼以宣揚國家德威培植其生產能力改造其封建思想使漸明世界潮流國際地位及合羣平等之觀念可望得自新之路則不甘受人利用此最要方策亟期執事深切宣慰以達最後青藏永遠和睦之目的雅不願樹助一時忽於久遠計也此次執事堅守結古以寡敵衆紀律嚴明炳臣指揮馳驅前方悉心籌劃爲國宣勤中央嘉令頻頒竭力邊防光榮無上尤望澈底努力以收後效至所企盼此事件發生之遠近原因及處置辦法要請中央接濟諸事昨特派軍事參議馬騰雲航空赴京陳述中領運器械一部分已運至陝物資接濟未感困難陝甘當局一致贊助班禪代表李金鐘昨由平返青實到班禪來書據云擬秋間將返青海當即函電歡迎深聯感情共臻和平前途均可樂觀茲因攻守緊急再增派馬祿旅長率騎兵一旅剋日出發皆係精銳規以形勢如以一部由結古逾雜楚河出其不意疾馳西南越雄拉山恢復我囊謙一部由捷徑直南取大小蘇莽則昌都之險要如在囊中軍事即可告一段落而運用便利未可臆度惟執事與炳臣指揮等和衷共濟決擇機宜耳中央槍枝子彈及無線電機不久計可到甯當即再派隊送玉以便交通而資接濟知注特達崇縣長維嶽報告翔實至爲嘉慰各千百戶等門夫協助得力悉如執事所請委以省府軍事參議之職用昭激勸委狀隨函附寄南望雲天瞻貯爲勞軍事情形盼隨時具報專此卽頌戎祐

馬 麟謹啓

致玉樹喇團長平福函

平福團長偉鑒自藏人啓覺戎馬真勞執事率部討伐着鞭彌月想已早達玉樹中央注重邊防實力助青前以我軍堅守結古嘉勉類頒軍械電台已運至陝復疆退敵今當其時遙想執事抵玉後戰况定多嘉盛一切攻守機宜務盼與良臣炳臣諸君開誠妥籌和衷共濟無任禱切茲因攻守緊急再增派馬祿旅長率騎兵一旅剋日出發皆係精銳規以形勢如一部由結古逾雜楚河出其不意疾馳西南越雄拉山恢復我囊謙一部由捷徑直南取大小蘇莽則昌都之險要如在囊中軍事即可告一段落而運用便利麟未可遙爲臆度務希執事與炳臣指揮等熟籌機宜和衷共濟耳此間俟中央槍彈到後再派隊送玉并由子香親赴長石頭以南部位遙爲接應務期早奠國防永熄敵鋒則執事等爲國宣勞第九師之聲譽將爲全國所共贊而青海省府亦與有光榮矣南望雲山順祝努力并頌戎綏馬 麟謹啓

致四川劉鄧諸公函

自乾主席
晉康軍長仁兄勛鑒蜀隴同風久欽助望雲山南睇引企爲勞辰維明德日永亮節秋清爲頌以祝慨自康藏問題發生以來西南邊防德齋師長
日趨緊要我兄預劃偉略網繆得宜對西康軍事情形剛柔並用征撫兼施旣服藏人內向之忱足舒中央西顧之慮風雨同舟欽遲無既惟三王千布自昌都北侵玉樹青海南部蹙地百里麟守土有責前後奉中央明令及軍實上接濟不得不援兵邊防以固吾圉頃由青海南部警備司令馬步芳連派騎兵增防以期恢復失地永保和平且念藏人係中華弱小之民族西藏係中國西南之版圖此次西康青藏事件利用指使自有人在而我方始終不視藏人爲敵人終存撫翼利導之心決不敢輕啓惡感自爲畛域區區之意可實天日想我公有此同情也嗣後青康邊防之處置應趨同一態度肅清氛祲指日可期茲因敏營長海峯返命之便特托面陳邊事情形專肅佈意謹頌勛祺馬 麟謹啓

主席鈞鑒拜達慈訓孺慕良殷敬維福躬清吉爲頌八月九日敵以大砲轟擊我營盤市面共鳴四十餘發營房及民屋被洞穿數處間以小槍遠射形勢頗猛幸托福庇除傷百姓二名外官兵毫無損失職等以敵勢高壓彈力雄猛當即與各百戶等商議設法攻擊爰於十月早五時集合官兵及番兵共八百人由職等率領向敵方前進敵居高臨下見我方來勢雄猛一面鳴砲還擊一面似有收拾行裝拔隊撤退之勢我官兵遂盤旋而上及達敵方盤踞地點見敵已完全撤退退距我方十餘里之巴塘灘當即飭派騎兵二百餘人急追以距離太遠人數尤少只擊斃敵後方逆兵六七名生擒二名我方陣亡番兵一名負傷士兵一名番兵三名據當日探報敵退集拉秀一帶盤踞險要意存負隅以俟援軍開到職等相機征進收復失地奪還主權以紓鈞座西顧之憂川軍與職等信件往還聲氣頗通據最近消息川方自克復大經城壩岔後即向德格方面分進其先頭部隊聞已及鄧柯藏逆根據既失勢已瓦解矣專肅恭請鈞安

馬 駟
馬 彪謹稟

委員長蔣子院長鈞鑒石委員長參謀本部朱部長賜鑒自藏兵侵凌青海南部玉樹事件發生三王千布於三月內由西康北犯先後據我囊謙大小蘇莽青省喪失轄地兵禍塗炭蹂躪不堪竊以青藏爲我西南邊圉頻年達賴雖有意企圖意指頤使大有人在職守土有責顧不敢自分畛域始終抱和平主張不視西藏爲敵人於是一彈未發節節退讓以期懷柔格化以弭兵戈玉防團長馬彪退守結古藏兵勢甚猖獗號稱鉅萬馬彪糾集千百戶堅守結古附近各要隘兵單勢危險象環生而西甯距結古在千里以外盛夏冰雪艱窘異常千里饋糧既屬不易當時向中央呈請頒發之無線電機軍用品等尙未奉復惟有一面勉勵馬彪堅守勿懈一面委派馬駒爲玉樹宣慰使率輕騎百餘人於五月宥日起玉宣慰并持有青海各大寺院活佛轉達賴及三王千布函件以期弭患無形馬駒於六月杪日抵結後竭力宣慰分派各千百戶委婉勸諭而藏兵置若罔聞且日增攻圍結古之兵結古既無城郭列幕要隘防守不易宣慰已屬無效馬駒與馬彪只得嚴設守具百計抵禦數月之久此間雖奉中央准予撥濟器械之命令一時領運不易到青而玉樹孤軍抗敵又已十分危急萬不得已遴選步兵一團先令喇團長平福率隊於七月廿三日自甯赴結均呈報西安綏靖楊主任轉呈在案嗣奉委員

長蔣蒯申電以藏兵稱犯端賴扼守莫固邊疆特電嘉慰部隊閉命無不感泣又迭奉參謀本部壹字二五一號公函蒙藏委員會代電均以藏人一再增兵赴康海南防務亦漸吃緊職與海南警備司令馬步芳壽商前派喇團長率往玉樹之援兵僅有一團力量尙屬單薄械彈亦恐不繼乃一面特派省府參議馬騰雲航空赴京催領軍械一面增派騎兵第一師馬旅長祿率騎兵一旅馳赴結古以厚兵力茲據八月十一日馬喇馬彭報告（一）藏兵圍困結古時逾兩月我方拚命堅守血戰十餘次陣亡官佐數十人八月九日藏兵增兵包圍我方於十日拂曉衝擊此役最爲激烈藏兵退敗去結古百里之缺八唐附近獲英造鋼槍鉛槍數枝子彈多粒（二）最近消息川方自克復大經絨壩後卽向德格方面分進其前鋒部隊聞已至鄂柯藏兵腹背受敵勢將瓦解（三）聞喇團長平福不日可抵結古援兵相繼而來此間士氣激揚若再接濟以槍枝子彈不難恢復失地蕩平殘兇以上三項係最近消息竊計喇團長平福馬旅長祿至遲八月二十內外先後可抵結古夾擊解圍自在意中惟盼中央所發軍械等早日抵青卽遵員送結補充軍實規諸形勢以一部由結古逾雜楚河出其不意疾馳西南越當拉嶺恢復囊謙一部由捷經直南取大小蘇莽不特青海南部卽可肅清乘勝取昌都恢復川邊失地亦意中事謹將玉樹軍事情形專函呈明幸釋鈞注尙乞切示方略俾有遵循無任感禱專肅頌鈞安馬 麟謹上

主席鈞鑒肅者八月廿日喇團長抵玉廿二日職卽率領我軍出發由八塘向鄂柯一帶前進痛擊行至照口孫藍道地方距結古二百餘里藏匪秋羣大哇率領小醜千餘正與我軍迎頭職督飭我軍猛擊數次二十六日上午九時開火至下午三時始止此役擊斃藏匪二百餘名活捉百餘名獲鋼槍壹拾七枝鉛槍五十枝廿七日行至小蘇莽當存寺地方該寺駐有藏匪夏宗大辦日奔一名（卽營長）並匪兵三百餘名下午一時開火至四時收隊我軍異常奮勇將匪兵完全解決擊斃百餘名得獲英造馬鋼槍八十枝職部副官馬福壽陣亡騎兵三營二連三班班長馬永福帶傷一處並活捉藏匪日奔一名此次我軍幸賴鈞座福蔭甚是平安宣慰使喇團長均皆隨征所獲鋼槍及鉛槍俟回防時另爲造具詳細花名表冊卽行呈報鈞座鑒核各處番民非常欣喜歡迎我軍刻下川軍業經攻進鄂柯與我軍相隔百里之遙槍械子彈甚是充足職時常去函並派代表接洽數次川軍亦派來代表接洽感情甚好現在我軍向大蘇

莽昂謙一帶前進小蘇莽業經恢復原狀以後戰況隨時呈報藏匪先米大辦夏宗大辦均住大蘇莽囊謙至於海南前防一切事宜職負完全責任伏乞鈞座萬勿顧慮特此飛報謹請鈞安馬彪馬馴全謹肅

致南京西安等處電

蔣參謀總長鈞鑒軍政部何部長西安楊主任甘肅邵主席蘭州邵主任平涼孫宜慰使助鑒頃據玉防警備司令馬彪玉樹宜慰使馬馴報告我軍自宜慰無效困守結古藏兵屢次來攻均未得逞八月八日大敗藏兵藏兵退赴缺八唐曾經報告在案業派喇團馬旅先後來援邊士聞之軍心倍奮八月廿日喇團長平福抵玉職等計議所向應以先取小蘇莽爲宜二十二日職即率隊出發由八唐向小蘇莽一帶前進二十六日行至距結古二百餘里之照口孫藍道地方有藏匪砍羣大哇率領小醜千餘正與我軍接觸職督軍猛擊數次自上午九時開火至下午三時始止擊斃藏匪二百餘名活捉百餘名奪獲鋼槍拾七枝鉛槍五十枝二十七日至小蘇莽當存寺地方該寺駐有藏匪營長夏宗大半日奔率匪三百餘名與我軍接仗下午一時開火四時收隊我軍奮勇異常擊斃藏匪百餘名日奔被捉並奪獲英造馬鋼槍八十枝此役陣亡職部副官馬福壽一員步騎各營陣亡軍士四名受傷十二名所有各處番民非常欣喜歡迎我軍現小蘇莽業經恢復喇馬旅長祿騎兵不日亦可到玉我軍擬向大蘇莽及昂謙一帶前進所有失地不難指日恢復以後戰況隨時報告等情特電奉聞即頌助綏代理青海省政府主席馬麟陸軍新編第九師師長馬步芳叩印

良臣宜慰使
炳臣旅長

傳鑒頃接八月廿七日報告知喇團長平福於二十二日抵玉經台端率領出發由八塘向鄧柯前進痛擊行經照口孫藍

道等地血戰激烈廿六日與藏兵砍羣大哇千餘之衆抗戰七時之久大獲勝利廿七日乘勝克復小蘇莽將士用命異常出力洵堪嘉尚所有克復小蘇莽情形及陣亡官兵並奪獲戰利品等均經電呈中央此役我軍不憚勞瘁克復要塞計期馬旅長祿抵玉增援尙希台端和衷共濟進取大蘇莽及昂謙失地海南軍事可告結束努力邊防國有殊典曷勝企盼之至惟青藏兵戎相見誠出於萬不得已而藏人係我同胞西藏係中國領土統籌西南中央自有長策我軍所至務須力體民艱秋毫無犯對敵方萬勿仇殺期其感誠格化深

曉圍牆禦侮之義至爲切要專函嘉慰前方消息尙希隨時馳告爲要專此順頌戎祺馬麟謹啓

致玉樹馬旅長馬宜慰使馬旅長喇團長崇縣長函

馬旅長諸君均鑒金風送爽玉露涼秋紫塞雁迴彌殷馳繫此次玉防告急風雪迭興執事堅守要塞轉危爲安又復乘勝前進恢復疆土捷音頻來曷勝欣慰均已據情轉呈中央並通電全國所有死守結古克復轄境失地情形旬日之間聲聞海內保全疆土使金甌無缺固屬分內職責而將士用命忠誠衛國洵堪嘉向茲派馬處長馴赴玉慰勞用酬膚功當此戰勝之餘一方面希與川軍切實聯絡進取昌都共復西康之失地一方面須用仁愛政策綏綏被難人民以收廿五族之人心一方面尤當整飭軍紀自固防地以防藏兵由他處乘虛襲我三者均請妥爲注意至所企盼專此卽頌戎祺馬麟謹啓

致玉樹

馬宜慰使馬炳臣旅長馬福山旅長喇平福團長崇縣長王參議戴處長函

馬宜慰使諸君均鑒前以海南軍事勝利此間開會慶捷適蒙藏委員會陳專員敬修等蒞青招集各王公千百戶聯歡一堂異恆熱烈並承各界爲前方將士集捐慰勞會由九師馬處祿專馳赴玉所攜函件想均已達覽矣近來由中央及各方所來電音均加電轉玉由玉疊來報告洞悉種切此次我方與藏人之事保障和平恢復轄境正義所在可大白於國人中央以忠勇善戰嘉許逾恆奉命議和自當絕對服從靜待後命嗣後我方所當注意者（一）邊地設防務須謹慎嚴密軍紀既已由春科移防青康連境之處囊謙蘇莽爲海南根本重地須審察地勢扼要勿稍疏懈再三熟思有備無患之至意（二）川方與我精誠結合共籌大計鄧指揮尤深欽佩我方往來電報均由德格電台轉達因避免電台之暗收消息不得不用密碼凡由玉請德格向西甯所發電報可將密碼本直交德格電台請其代譯拍發較爲妥善則誠信相守可期無絲毫之隔閡（三）現屆冬令停止軍事行動玉樹各族民衆之飢苦應實地調查設法援濟並可會同縣長向各族切實撫慰以收亂後之人心以上三層爲目前最應注意者尤希軍政協睦聯爲一氣在邊事有和衷共濟之效在中央有釋眷顧之懷無上榮譽努力勉勵惟諸君是賴耳至電稱軍用諸端此間設法籌備現暫籌集現洋壹萬元派差送玉可

就地採買以顧軍食並將我軍雪地冰天千里饋餉諸艱苦情形已電中央正式接濟俟有消息當再電達項接班禪大佛有電稱所有我方之俘虜藏軍營連長及士兵等深望拉予優赦勿傷生命除已電班禪遵照辦理外應將俘虜一律優赦用示和平寬大之至意此問一是如恆專此佈臆願頌戎祺馬麟謹啓

馬馴上主席函

主席鈞鑒遠達慈顏孺慕彌殷敬維福躬清吉爲祝昨日師部馬軍法官占成來玉始悉福體遠和倍增系念惟祝早日清痊爲盼爲禱此間軍事勝利情形迭電呈報諒蒙垂矜職與炳臣司令福山旅長凡事協商辦理毫無隔閡乞釋垂注至職部獲槍八十二枝籽彈萬餘粒另具詳表呈賚師部現值川方停戰議和我方決不能以客之地位單獨行動加之軍隊雲集給養無法支持若不從速解決則食糧無毫辦法職以爲川方旣已和議我軍亦可從速議和結束職已從事進行辦理此間軍隊以給養關係實有一部份調甯之必要伏乞鈞裁以後情形容再續呈茲有西藏三王及藏方統兵官要函二件附呈乞核察專肅敬請鈞安職馬馴謹稟

玉樹馬旅長彪於十月二十八日呈主席函

主席鈞鑒謹肅者今歲玉防起釁藏逆侵擾延戰數月我方始終抱和平宗旨靜態度絲毫未加以武力者誠以藏方同爲中華民族故不忍以仇敵相待况值國難方殷凡屬軍人均應以全付精神爲國復仇雪恥何忍舉兵內向同室操戈但該逆等得寸進尺慾焰日熾侵蘇莽佔昂謙逼困結古肆行戮掠幸我方軍民一致堅持到底雖因結古逆械利兵多聲勢浩大然經我方軍民奮力抵抗賴我主席福蔭以少克多以寡勝衆藏逆卒不能逞又經我方軍民以死相拒卽向拉秀一帶退却喇團長於八月二十日抵結二十二由八塘向鄧柯一帶出發二十六日行至照口務藍道地方距結古二百餘里適逆首砍羣大哇夏宗大辦率領小醜千餘與我軍迎頭我軍生力猛擊激戰約六小時之久逆等向後敗退是役擊斃逆兵二百餘名生擒百餘名獲鋼槍一十七支鉛槍五枝二十七日行至小蘇莽之當頭寺該寺駐紮逆首夏宗大辦所轄之日奔一名並逆兵三百餘名我軍施以迅雷不及掩耳手段四面包圍逆等死拒開火約

四時賊勢不支我軍乘勢猛攻擊斃百餘俘虜百餘獲英造馬鋼槍八十支並擒獲日奔一名此役職部副官馬福壽陣亡騎兵三營帶傷者二名餘皆平安三十日我軍即向大蘇莽族前進該地砍羣大哇夏宗大辦率領一千五百餘人防範甚嚴我軍奮勇抵觸七時逆兵無力支持紛紛潰退我軍追擊至散黃拉地方將砍羣大哇部擊斃八九十名活捉二十餘名砍羣大哇向昂謙逃去夏宗向南鼠竄並得鉛槍五枝該地人民甚爲歡喜九月三日我軍向昂謙前進逆首卡鄙大辦先米大辦並敗回之砍羣大哇約二千餘人在該地盤踞聞我軍來即時奔北全部向嘉藏卡日如旗一帶退去該地係昌都所轄距結古八站之遙查我軍自八月二十二日出發至九月七日所有我方失地完全恢復原狀矣我軍因馬乏過多在昂謙休息數日馬旅長已抵結開鄧柯縣屬之當頭寺駐有草砍大辦率領六百餘人該逆乃達賴饒將與川軍相持月餘川軍因通天河阻隔兼之草砍勇敢善戰川軍雖衆亦未得利我軍馬旅長祿即向當頭前進戰由拉秀亦向該地前進於二十六日行抵該處草砍嚴行抵抗二旅上午九時即與該逆接戰至下午五時一旅亦到即時應援草砍勢漸不支四散潰奔是役擊斃逆兵百餘名生擒五六十名獲鋼槍鉛槍四十一枝各種籽彈二萬餘粒是日晚七時克復當頭寺我軍陣亡將士五名帶傷者二十五名餘皆平安繼續前進三十日我軍進逼青稞寺該逆又率八九百人於各山嶺佈置防禦我軍奮力痛剿川軍隔河仰攻激戰約六小時逆兵潰不成軍擊斃八九十名捉獲日奔營長二名夾本連長一名並逆兵三十餘名我軍陣亡士兵二名帶傷者三名是日下午五時克復青稞寺職等即與川軍接洽會攻昌都而藏逆竟與川軍和議訂立條約我軍就近在青稞寺休息職赴德格面同鄧指揮會商進行至則康藏和議業經告成雙方退兵息戰藏方却讓大辦致函鄧指揮內言青軍俘虜藏方官兵甚夥須優待並阻青軍前進當即請示達賴三王千布明令和議擇選地點雙方均派代表正式談判鄧指揮從中負責調停等語職等未敢擅專當時電報我主席請示辦法即回青稞寺與良臣宣慰使馬祿旅長會商後防最爲重要就近令喇團長平福全部駐防大小蘇莽及昂謙以固根據馬旅長祿駐防青稞寺當頭寺哈岔一帶職回結古整頓糧秣以應急需肅此函報祇祈示遵謹請鈞安馬彪謹肅

致玉樹 馬旅長福山韓營長寶山崇縣長子高戴處長玉如馬參謀子才馬團長福海馬團附福德喇團長海巖王參議慨儒馬營長如海

馬旅長 偉際司令部馬軍需處長已抵結古慰勞前方出力將士並致函數通想均鑒及矣頃接十月二十八日來函并詳詢來人備馬宜慰使

諸辛勤邊事不著勳勞曷勝嘉慰之至並申述我方對藏人態度純以同胞親睦和平之正義宗旨宏大實獲我心願此次川藏和議川軍移防康定昌都及金沙瀾滄諸流域仍在藏人之手西康建省之議康藏問題澈底解決之方根本仍歸停頓青軍克復海南跋涉險阻與川方盟約會攻昌都半載之功廢於一旦止戈爲武中央自有外交上之方策川軍更有內部之困難中央連電停戰言和蔣委員長又由馬總指揮少雲轉電飭即扼守勿戰靜待明春軍人以服從爲天職祇有遵守命令未敢稍假權宜而西防可惜諸端亦曾向中央稟呈管見不惟藉縻千慮一得於事前且可張執事等忠勤於國人也深慨國難未弭內爭未息川魯閩贛之爭又滋國聯以口實環視域內蠻觸擾攘當和者而不和國防大事蹙地千里當戰者而不戰吾輩承乏邊隅只求良心之所安與在人心之正義社會國家自有相當公允之輿論不求有功只乞減過耳執事等遵命停戰苦心所在中央更有嘉許之處惟思刻下之和係暫時而非永遠應即飭勵部隊振精神作準備而勿灰心各部所駐要隘均能盡職尤須訓之以國防重要非同內戰之價值使人人有愛國奮勇之決心有無上之光榮練之以國術技擊吃苦耐勞之習慣一旦有事可收以少敵衆之奇效頃聞達賴來書異常誠意從前隔閡多出其部下之蒙蔽班達爾佛與青海二十年之交誼亟有調釋和平之可能藏有誠意竭盡智謀力紓中央西顧之憂願與執事共勉耳但軍旅之事有難無患玉樹爲西陲要地昨擬開設新縣力圖作開發基礎諸端已請命於中央求相當之協助而我方現在駐軍自是軍政一體於超餘子遺力濟昭蘇用收亂後之人心至爲重要冬際糧食已籌備分段轉運足資接濟此間壹是如恆專此致復順頌戎祺馬麟謹啓

上西安楊主任支電 二、四、

西安楊主任虎公鈞鑒密前奉行政院支電開茲據蒙藏委員會呈稱據唐委員柯三電稱康案糾紛經柯調處將次解決因青省近在

結古增兵藏兵遂又備戰務請迅電和平處理以便速結而免牽動等情查康案倣擾經年現經該委調處甫有端倪自不宜再起釁端以免藏方藉口合即電達希即轉飭結古駐軍和平處理并盼電復又據成都劉文輝主席皓電開事同前情各等因當即分別電復敵省調兵前往結古一節前駐結團長馬步祥呈請換防改派團長馬彪率所部一團前往結古接替馬彪到結後馬步祥已率部開至西甯不特對於邊地並未增兵並經切囑力主和平勿得輕啓邊衅仍請轉告唐特派員柯三轉知藏方勿生誤會等情均經電復在案茲復據玉樹警備司令馬彪呈稱自客歲藏兵無故侵佔我尕旦寺並慘殺哈那百戶挾英人淫威乘侵略西康得勝之餘猙獰面目盡情畢露直以尕旦寺爲已有浸假而調西康前綫藏兵分駐青海交界約近千人我方欲過問尕旦寺卽有兵戎相見之勢若不過問則藏人得寸進尺邊地駐兵過少距甯過遠萬一稍有疏失後患何堪設想請統籌兼顧早賜核示以憑遵辦等情查青康接近英藏乘隙窺視對外方策自應遵奉中央意旨力主和平勿得輕開邊衅惟據馬彪報告藏方對我既有多兵臨界之舉我方似不可不有積極之準備現擬準備辦法（一）擬派會至玉樹熟練番情之崇維嶽馳赴玉防代理縣事宣佈青海與藏方和平通好宗旨以安人心（二）尕旦寺事暫時擱置不問（三）令馬彪崇維嶽隨時詳細偵查藏邊情形專差馳報（四）玉樹地方暫雖不便增兵而西甯玉樹十八九站之間似應酌派兵隊於大河壩長石頭一帶扼要分駐以通西甯玉樹之聲氣而爲玉樹駐軍之後援以上四端是否有當謹此密陳伏候鈞座酌核情形詳授機宜以維邊局不勝企禱馬麟馬步芳叩支印

分發南京等處卅電 廿一、九、卅

軍急南京蔣參謀總長宋院長于院長鈞鑒何部長石委員長助鑒西安楊主任鈞鑒平涼孫宣慰使蘭州邵主席鄧主任段司令岷縣魯司令助鑒青海南部軍事問題自結古解圍藏兵退據拉秀寺一帶西甯援兵先後抵結馬旅長彪指揮前防於八月二十七日克復當存寺及小蘇莽情形昨曾電呈在案頃據馬指揮彪馬宣慰使馴九月八日由昂謙報稱我軍八月二十七日克復小蘇莽於世日趁勝卽向大蘇莽進攻該地駐紮藏兵砍羣大辦夏宗大辦以數千精銳退取守勢防範甚嚴我軍於九月二日上午十時開火作正面攻

擊一面揀派喇圖長平福騎兵三百人截擊後路而大蘇莽藏兵堅守未懈我軍猛擊七時之久敵始敗退砍羣大辦向昂謙潰走夏宗大辦向南潰竄我軍追擊二十里至撤黃拉地界正與喇圖騎兵相會夾擊砍羣大辦之後隊全軍覆沒是役擊斃藏兵三百餘名擄獲一百餘名奪獲英造網槍鉛槍各數十枝我軍陣亡官兵六名受傷十三人已送結醫治是日將大蘇莽轄境完全克復玉民遭藏兵蹂躪至爲虐苦職開誠撫慰一方安插難民於三日拂曉指揮部隊即向昂謙出發該地駐紮卡鄙大辦先米大辦及敗逃之砍羣大辦鳩集數千兵力頑據抵抗我軍自三日上午八時至晚九時痛擊數次敵勢不支是夜藏兵完全向嘉藏卡類烏齊一帶逃竄是役我軍乘勝撲擊僅傷亡士兵數名次晨我軍克復昂謙職於八月二十二日由結古率隊出發至是始將所有我方大小蘇莽昂謙等失地完全恢復於各要塞皆駐防軍並從事綏輯難民查嘉藏卡類烏齊係西康昌都轄地我軍集中昂謙青海南部已無藏兵蹤跡刻下川軍與藏兵在登科郡科金沙江一帶東西對壘依江爲險尙在堅持我方與鄧指揮信使往還精誠聯絡并贈我方子彈多粒職擬督飭所部在昂謙稍事休息俟馬旅長祿抵昂謙後於後方要塞分布兵力即協同鄧指揮會攻昌都共固西南邊圍等情特電奉聞敬頌鈞助安代理青海省政府主席馬麟青海南部警備司令馬步芳卹卅印

分發南京等處 電 廿、十、八、

南京參謀本部參謀總長蔣鈞鑒軍政部何部長蒙藏委員會石委員長勳鑒西安楊主任平涼孫宣慰使蘭州邵主席鄧主任助鑒頃據青海南部警備司令部馬旅長彪馬宜慰使馴等由德格電台拍來冬電稱職等豔日自當頭寺出發州午達春科寺當晚有藏兵千人佈陣防禦該地負山濱河地勢險絕我軍一方面由正面攻擊一方面由側面山襲擊敵勢甚猛我軍兩面並進川軍隔河轟擊傍晚四時合力激戰藏兵潰退我軍進據春科寺是役擊斃藏兵七十餘名擒僞營長二連排長各一兵三十餘名獲鋼鉛手槍三十四枝子彈萬餘粒我方陣亡士兵二名受傷十一名馬斃四匹東日拂曉以精騎追擊七十里藏兵潰竄獲槍二十枝生擒士兵數十名我軍刻駐春科寺沿河一帶擬請鄧指揮派軍渡河合力圖進等語謹電奉聞祇頌鈞助安代理青海省政府主席馬麟青海南部邊區警備司

令馬步芳叩 印

致南京暨各處通電 十、一、

南京中央黨部執監委員國民政府主席各院院長鈞鑒各部會各省市黨部各省政府各綏靖主任各軍師旅長各報館均鑒藏兵侵入海南自春徂秋我軍死守結古一方面派員宣慰一方面派兵赴援近據馬旅長彪馬宣慰使馴等報告最近情形（一）青海南部被藏兵侵佔失地我軍因援兵到玉於八月沁日克復小蘇莽九月冬江兩日克復大蘇莽囊謙等地青海南部轄境已無藏兵蹤跡刻正在綏輯難民分防要塞（二）藏兵潰退昌都類烏齊一帶青海軍隊與川軍現已實際聯絡協商尅期會攻昌都此次青海恢復失地本係分內職責惟因前次外間報載有玉樹失守之說淆惑聽聞抑或別有作用不得不將從前死守結古現在已將玉樹失地完全恢復情形通告全國藉明真象西藏係中國領土藏人係中國國民內部鴟蚌之爭徒授外人以漁翁之利應請中央速電達賴確定康藏界限早日息兵以安邊圉所有戰守詳情除快郵另寄外謹先電聞恭請鈞安代理青海省政府主席馬麟青海南部邊區警備司令馬步芳叩東印

上南京蔣參謀總長篠電 十、十七、

南京參謀本部蔣參謀總長鈞鑒密電奉悉青海海南部軍隊現在青科寺一帶除遵電命飛飭暫時聯合川軍擇要扼守俟明年春融再行商酌進行外仍請將外交情形隨時密示肅電奉復祇頌鈞安青海省政府代理主席馬麟海南警備司令馬步芳叩篠印

上南京蔣參謀總長養電 十、廿二、

南京參謀本部參謀總長蔣鈞鑒密前奉電塞當經飛飭海南前方遵照鈞座塞電辦理並於篠電呈復計蒙垂督頃奉皓日兩電并由北平馬總指揮轉鈞座銜密電均同日奉悉此次藏兵侵入青海幸仗國家德威我海南失地以次恢復麟等承乏疆寄幸收桑榆本守土分內之責適蒙鈞座電令嘉勉優渥逾恆士氣激揚三軍感泣至所示和平解決之方略尤爲永奠西陲之籌畫止戈爲武不難挽

達賴內向之忱除仍發飭前方一體遵照暫時引戰擇要扼守外專電復謝祇頌鈞安代理青海省政府主席馬麟海南警備司令馬步芳叩養印

致北平馬總指揮養電 十、廿二、

北平馬總指揮少雲親家助密巧電奉悉譯示蔣總司令 祕電敬諭中央對康藏問題已有具體之和平辦法達賴迭次表示傾心歸向釋兵修好欣幸曷極此事前奉參謀本部塞電早經飛飭前方一體遵照辦理擇要扼守結束軍事行動顧念康藏問題遷延積歲中央甫會三省之兵力為背城之一戰昌都未復遽爾言和康藏之糾紛恐不易得解決之希望查藏兵自侵入西康以昌都為根據北侵海通西掘德格已成建瓴之勢大有夜郎之心當此川青鏖勝三省會師之際倘能一鼓作氣攻其要塞奪其根據再行議和則西康已有建省之基礎三省無再用之兵事全功未竟遽爾言和在中央或有統籌之計劃在邊軍殊惜良好之機會也刻下既奉中央命令又承轉示總座賜電自不得不加電海南各部再飭其擇要扼守一切均遵照中央命令無得擅自進致候明年春融時靜候中央命令辦理應請代為轉呈為幸馬麟叩養印

上南京蔣參謀總長有電 十、廿五、

南京參謀本部參謀總長蔣鈞鑒密養電計蒙垂督前所疊電飛飭海南部屬即日停止軍事行動擇要扼守俟明年春融靜候中央命令辦理頃據馬彪旅長馬馴宜慰使篠電稱篠電奉悉青藏和議鄂指揮從中調停職彪於十月十九日由德格回駐海南原防旅長馬祿退駐當頓哈密一帶青康接連之處與川軍互相聯絡以防意外而海南地方以囊謙為最要遴選喇平福團長駐紮以資扼守第三營駐紮結古及拉秀一帶職彪在昂謙等處小駐數日即回結古整頓糧秣以備冬防事宜特此電報等語謹此奉聞祇頌鈞安代理青海省政府主席馬麟海南警備司令馬步芳叩有印

上漢口蔣總司令冬電 十一、二、

玉樹近事記 下編

漢口總司令蔣鈞鑒通電奉悉青藏軍事停止業早遵照鈞座元祕電辦理所有青海軍隊現已撤回青康交界之當頭寺及囊謙一帶擇要扼守達賴能翩然悔悟康藏問題謹當候中央和平解決除再加電海南各部扼守防地靜候命令外謹電呈復祇頌鈞安代理青海省政府主席馬麟海南警備司令馬步芳叩冬印

上南京蔣參謀總長真電 十一、十一、

南京參謀本部參謀總長蔣鈞鑒密微電奉悉承示達賴召集全藏男丁調赴拉薩訓練並令三大寺喇嘛兵開赴前防請轉飭海南各部切實注意等因除飛飭前防各部切實注意嚴加警戒以防不測並將邊界情形隨時報告以憑轉陳外先此奉覆恭請鈞安代理青海省政府主席馬麟海南警備司令馬步芳叩真印

致南京參謀本部暨各處儉電 十、廿八、

南京參謀本部參謀總長蔣鈞鑒軍政部何部長勳鑒西安楊主任鈞鑒蘭州邵主席力子兄鄧主席寶珊老弟助鑒密青軍奉令停止戰事擇要扼守青軍已由春科退駐當頭哈岔青藏連界之處軍事行動已告結束頃據旅長馬彪宣慰使馬馴等養電稱自玉樹事件發生堅守結古迭由西甯派隊援應迄今奉命議和扼守時逾七月軍實困難達於極點茹苦用命自屬軍人天職而以兩旅之衆分駐各要塞玉樹各族承藏人蹂躪之餘瘡痍未復一切軍費委實無力擔負所有給養服裝完全無着專電懇請設法前來竊查青海初開行省全省軍政各費入不敷出甚多土產皮毛又受津滬銷場停滯之影響經濟困難已陷絕境加以此次青藏軍事先後馳派兩旅兵力冰天雪地千里饋糧困難情形均屬實在刻下軍事雖經停止既不敢撤回軍隊就食西甯尤不敢恃藏人不來稍疏防務應如何設法以接濟海南各部隊惟懇鈞座我公轉請中央俯念邊軍困苦由中央准撥軍費以濟軍用而維現狀不勝感激待命之至代理青海省政府主席馬麟青海南部警備司令馬步芳叩儉印

致德格馬宣慰使等條電 十、十八、

萬急德格電台請轉海南警備司令部馬宣慰使良臣馬旅長炳臣馬旅長福山覽密頃奉蔣參謀總長寒電開准楊主任真午電欣悉貴部已克復青南失地并擬協同川軍會攻昌都等情查目前康事除外交情形另行電告外其關於軍事方面似應暫時聯合川軍擇要扼守俟明年春融時再行商酌辦理如何之處請即電復參謀本部塞印等因我軍應即遵令與川軍聯合擇要扼守俟明年春融再與川方商酌進行除電復參謀本部外希即遵照辦理並將擇要扼守詳情暨與川軍如何聯絡狀況報知以憑轉部爲要馬麟馬步芳
篠印

致德格馬宣慰使等皓電 十、十九、

德格電台請轉海南警備司令部馬宣慰使良臣馬旅長炳臣馬旅長福山覽密篠電悉昨拍轉蔣參謀總長寒電想已達覽刻下喇圍長赴昂謙蘇莽一帶鞏固後方極爲妥善此時海南全境肅清軍事暫告一段落我軍亟應注意者（一）現時停止軍事行動除綏緝難民整飭政治上之設施外應於邊境擇要扼守以備不虞（二）應與川方切實聯絡聽取鄧指揮之進止趨於一致俟明年春融再候中央命令遵照進行（三）此次中央密令停戰則川軍之不過河必已奉有中央命令想滇軍亦必奉有命令三省軍事暫緩進攻當係外交上之方策我輩應深明此義不可單獨進行即希轉飭部屬一體遵照并將與川方聯絡之實在詳情及如何扼守之狀況隨時電告以憑轉部爲要馬麟馬步芳皓印

致德格馬宣慰使等號電 十、廿、

德格無線電台請轉青海馬旅長炳臣馬宣慰使良臣均鑒密巧電悉康藏和議已成想係暫時雙方停戰之議至於康藏界綫恐非中央與達賴兩面磋商不能確定也川軍既已議和青藏和議亦可請鄧指揮代爲主持此間似無另派專員之必要至於議和條件（一）青海玉樹二十五族地方藏兵以後絲毫不得侵入（二）青兵現駐春科一帶係西康地面青海止能交還川軍不能交與藏人川軍若不接收暫時仍應歸青海軍隊駐紮（三）雙方俘虜生命川藏和議如何辦法青藏亦可一律照辦以上三條應由馬旅長馬宣慰使與

鄧指揮妥商辦理如尙有未盡事宜仍可隨時電知如沙旺直接派員來與我軍商洽亦可由該旅長宣慰使開誠布公和平接洽也如何辦理情形務即隨時電告馬麟馬步芳號印

致德格鄧指揮漾電 十、廿四、

德格電查請轉鄧指揮助鑒藏兵自海南退却後疊奉參謀本部電命着暫時停戰俟明年春融靜候中央命令辦理當經飛飭海南部隊一體遵照結束軍事行動頃據敵部馬旅長彪馬宣慰使馴巧電所稱知康藏和議已成中央自有具體辦法川青應取一致態度而敵軍尤以我兄馬首是瞻所有青藏進行和議辦法亦乞代爲主持自能因時因地用制其宜惟此次和議想係雙方停戰之議至於康藏界限根本解決之方策中央與達賴誠懇磋商後當始能確定愚見對青藏刻下和議之條件（一）青海玉樹廿五族地方藏兵以後絲毫不得侵入（二）青兵現駐春科一帶係西康地面青海止能交還川軍不能交與藏人在藏兵未自動退出西康境內以前川青同盟保障和約春科一帶暫歸青海軍隊駐紮和衷共濟便於策應（三）雙方俘虜生命川藏和議如何辦法青藏亦可一律照辦以上三條除電馬旅長馬宣慰使就近與我兄磋商辦理外所有未盡事宜一併請兄切實指導取趨於一致早弭兵端促進康藏問題整個之解決無任盼禱之至馬麟馬步芳叩漾印

楊主任來電 十一、四、

憲西甯馬主席勳臣兄馬司令子香助鑒密頃奉蔣委員長藍秘電開康藏糾紛遷延日久而近月以來達賴迭次表示傾誠內向請求罷兵修好其意似甚懇切故中央爲懷柔邊服解決戰禍及免外交上指責口實起見乃准達賴將前線部隊向後撤退以避衝突並電令川青負責軍事長官劉文輝馬麟馬步芳等轉飭入康部隊如藏方確能遵令撤退即暫守現有陣地停止進攻一律聽候中央處置命令等語在案查五族一家原宜和洽如藏方果能悔悟遵令撤退則中央自應和平解決希即轉知馬司令遵照前發元電辦理毋得擅違靜待中央處置命令爲要等因特此電達即希遵照辦理楊虎城東午印

覆楊主任佳電

西安楊主任鈞鑒密東午電奉悉青康軍事停止業早遵照蔣委員長元祕電辦理在案所有海南各部現已撤至青康交界之當頭寺及囊謙一帶擇要扼守達賴果能幡然悔悟青藏問題謹當候中央命令處置茲奉前因除再飛飭海南各部暫守現地靜候命令外謹電奉復并乞轉呈中央爲幸馬麟馬步芳叩佳印

師部函電

昂謙千戶暨百戶百長來函

師長鈞鑒(略)竊查蘇爾莽之孕旦寺係我二十五族蘇爾莽所管近因該寺投誠西藏達抗漢官時與各族各寺尋釁爭鬪並勾結藏官時施挑撥離間之伎倆現在西藏之坎郡達哇戴達等帶領軍隊已至鐵橋附近聲稱達賴喇嘛爲各寺之主漢官不准管理所有蘇爾莽所屬南濟察地方須交由藏人管理等語復派人強設驛站徵調馬匹並派遣軍隊來蘇爾莽境界橫施強暴千戶等衆心一致掬誠上稟實情馬炳臣警備司令公正賢良熟悉邊情對於守土衛民頗盡職責此千戶等所感激者也現在來蘇爾莽之西藏軍隊大有暴動現象千戶等非常驚懼二十五族及蘇爾莽全境若被西藏佔去至堪杞憂懇請維持並祈速賜覆示以便遵辦爲禱

玉樹二十五族百戶百長來函

師長鈞鑒謹肅者前上一稟計邀內察去歲馬雲亭司令調停孕旦寺與蘇爾莽糾紛未得和解今歲藏方派遣軍隊佔據蘇爾莽屬各寺破壞蘇爾莽各莊復出兵昂謙聲稱若捉去千百戶等必殺頭顱等語現在結古地方非常驚恐合計上中下三方藏軍約二萬人將有直取結古之勢幸託玉防警備司令維護結古尙未失去鈞座對於昂謙千戶及二十五族現有官人駐玉官兵等如賜作主請示真意以便遵行否則祈即示覆盼切禱切三月六日

蘇爾莽百戶百長暨僧俗民衆來函

師長鈞鑒屬民蘇爾莽族百戶百長暨南濟塞都紫台之喇嘛僧俗民衆等泣稟者竊查蘇爾莽族自前清雍正迄今係我青海省管轄地方亦係尕且寺之所在地暨該寺僧人完的（僧徒）之發祥所也該尕且寺遠叛政府投誠藏方已十二年矣一切細情凡駐玉歷任司令均皆洞悉駐玉馬警備司令除保守自己屬土外對於西藏之一草一木未去侵奪現在藏方在我蘇爾莽南濟塞地方委派官吏欺侮居民將有主宰蘇爾莽並侵佔二十五族全境之勢若不呈請鈞座早施保護則官民等無法安居故土惟有任人蹂躪而已爲此瀝陳危機懇祈慈愛萬民速爲作主至深盼禱並懇覆示祇遵三月二十七日

扎武拉達布慶等百戶百長來函

師長鈞鑒扎武拉達布慶固察稱多娘磋登馬八地官人謹肅者現在達賴喇嘛欲收玉樹各地爲其屬土並欲侵佔青海省南部各縣已由達賴批交麥總管三王千布坎郡達哇夏宗達辦等全權辦理並派兵隊二三千人各帶精良器械彈藥炸彈至昌都鐵橋不日將入我蘇爾莽玉防馬警備司令克盡厥職對於人民等如父母之保赤子主席師長所寄達賴喇嘛三王千布之函當即轉送現在馬警備司令對於侵玉藏兵始終以和平對待遵從主席師長命令對藏方毫無軍事行動祈勿注念前因尕且寺與蘇爾莽族以積年爭執發生糾紛加之一二壞人從中播弄是非以致兩方稍有隔閡當經馬警備司令婉言勸解尕且寺始終未聽藏方聲稱尕且寺與蘇爾莽定歸西藏管理不特是也藏族全體之主爲達賴喇嘛青省決無作主二十五族之權是以任意燒燬我房屋且對我方百般凌辱民等無法忍受經由馬警備司令昂謙千戶各派代表帶同敵官人等到麥三王千布處商議和平解決辦法幾經討論言定明年五月擇定相當地點討論此事惟此討論時間雙方不准有軍事行動馬警備司令暨玉樹官民等心中稍形安慰惟藏方狡猾多端不但從決議並復調遣重軍威迫昂謙蘇爾莽情勢會加嚴重民等尙未與藏方抵抗於師長前請示可否有抵抗行動現時藏方騷擾欺凌較前更爲囂張南被藏兵佔去昂謙之肖達地方財物被掠一空房屋付之一炬並破壞蘇爾莽之端多焚燒房舍又於麻玉古一帶殺死

漢民多人被傷及被虜者數亦不少堆子台及布慶屬本巴五族百長六名均被藏兵殺完東被藏兵佔去歇武將賽二族全境暨拉達屬讓巴族之二莊北被藏兵佔去扎武屬尕巴百長之八莊搶掠財物焚燬屋舍殺傷被虜者爲數不少再據確報藏方張貼佈告謂爾等玉樹官民速來投誠並速於結古豫備軍用供給以資應用否則照前焚殺劫掠馬警備司令雖係玉防長官然伊流離來此軍無根抵若與吾等一戰盡可覆其全軍而有餘青海省有何根基不久將收爲西藏屬土云

扎武等各族頭人民衆來函

師長鈞鑒扎武戍布拉達布慶安冲固察稱多拉布上娘磋等各族官民等謹肅者竊查藏方侵佔昂謙蘇爾莽全境布慶拉達屬地歇武扎武屬地殘殺劫掠各種情形前經稟報計邀洞察馬宣慰使來玉對藏方主持和平與東面藏官坎那達哇南面藏官夏宗達辦三王千布等去函商議和平結局而藏方迄未見理竟於五月二十五日坎那達哇率領藏兵來迫邊遣繼古二寺並向結古大舉包圍玉防新舊官兵暨各族官民等團結一致努力抗戰萬懇鈞座憐念玉防痛苦從速派遣援兵並接濟大批槍械實行武力抵抗此民等數百次合掌希望者若不派遣援兵此地定必失去祈早作主則感鴻恩於無極矣肅此謹呈五月二十六日

玉防警備司令馬彪及第九師在玉祕書王家楣來函

師長鈞鑒謹肅者藏方乘全國一致勦匪之時萬寶山案件嚴重交涉之際直以對西康手段加諸我方此次藏兵總動員均在青省交界距離最近地方駐紮形勢嚴重對我方窺竊攻擊之趨勢據三月十九日密探報告藏兵分三路進攻一路進攻囊謙一路進攻蘇爾莽大隊總攻擊結古藉口謂我二十五族之蘇爾莽族爲藏屬地非我青省所有竊查蘇爾莽族實爲我二十五族之一尕旦寺爲我蘇爾莽族所轄藏方不但將尕旦寺早經強佔近且得寸進尺甘冒不韙欲以武力強佔我蘇爾莽族近格吉中壩地方被藏兵殺害我番民大小九名強掠數十家燒燬多數帳房人民稍足自給者多遠避寺院或別處其貧寒不能逃避者則每晚率妻子匿於山中我方自事變發生以來始終抱定和平宗旨持之以穩靜態度對之以和平手段絕未作任何對敵之行爲以保持青藏友好和平之主旨(略)

職編彭王家權謹肅三月二十三日

馬炳庭司令王祕書家楨來函

師長鈞鑒謹肅者康藏糾紛日趨嚴重玉樹與西康之昌都鄧柯等地錯壤相接關係較重二十年九月十三日奉命赴玉換防及在玉防宜暫就職後即函達藏方對邊界一切事宜均按成規舊例並互相努力保持青藏友好適二十年十一月上旬在嘉藏哈地方突來藏兵數百並將該地附近一通橋拆壞斷絕交通對來往商人均搜驗護照方准放行機槍大砲積極備戰我方始終抱定宗旨由職家桐率領百戶多人前往接洽詢其意欲何爲而藏方以尕旦寺非我青省主管我方欲過問尕旦寺即以兵戎相見各百戶當時證明青省絕無與藏方起釁之心理並約定明春天暖擇定相當地點對尕旦寺問題正式談判和平了結藏方以兵力尙未調集亦假意承認查尕旦寺在我蘇莽境內實隸屬玉樹縣治乃該寺受藏方挑撥不惟不受我方管理且將附近蘇莽族之番民強迫向該寺當差附近因嫌強迫歸該寺管理藏方直以尕旦寺爲侵犯我青省之先導而我方對尕旦寺問題始終並未理究迨至十二月上旬探報有藏方砍都達哇率藏兵百人駐嘉藏哈查哈生木多駐三百餘人該地距蘇藏族二十里日烏期駐三百餘人該地在蘇莽囊謙之間拉卜寺之將口駐六七十人共八九百人一面與我以最後通牒大言不慚要我蘇藏族爲導火線其意且在我玉樹二十五族三月上旬及中旬我師長致藏方和平息事各函先後轉到而藏方不但無如何同情之表示且於三月二十四日竟不顧青藏友好即突然侵入我蘇莽境向我零星少數駐軍大舉包圍正式開火約三小時後我方爲正當防衛計始行還擊而藏方事先已將我大小蘇莽關之一道橋拆壞阻斷我軍交通並在各要扼地點安營下寨至二十八日藏兵向我大小蘇莽及囊謙及各地駐軍總攻擊我方以無中央明令先後撤圍結古藏方已將蘇莽囊謙各族同時佔領得寸進尺節節進逼且對我根據地結古大舉包圍並將我通天河之船隻守定阻絕我方援兵玉樹各族全被佔領焚殺擄掠無所不爲所過地方頓成焦土我方自事變發生以來始終抱定和平宗旨對藏方繼續之進逼不作任何形勢之抵抗慎密遵守屢次之命令佈告節制地方人民正當憤激此次足使國防局勢愈趨危險增中央

西顧之憂者當出於西藏方面我方不負其責任我方孤軍深入困守彈丸槍械不繼籽彈缺乏而我根據地結古岌岌可危伏祈鈞座速派大軍兼程來玉解此重圍無任企盼專函馳報祇請鈞安職馬彪王家相謹肅 四月二十九日

覆馬警備司令王祕書函

炳臣司令 勛鑒違別以來時切馳念日前曾由驛站送上專函諒已收閱此次藏方駐兵邊界前經報告曾呈商主席函囑台端務以和平手腕交涉想已鑒及吾青接壤西藏處處易起爭端矧目下國難當前倭寇正熾我省僻處西陲交通不便若輕啓戰端則有負中央期望之殷而禍邊疆莫大之憂藏漢同屬一家自應無分畛域我方總須抱定和平主義表示退讓邊源妥員前往接洽其在邊境駐防軍官尤應極予聯絡藉表親善以期消患無形是爲至要再繕致前藏達賴佛及薩旺千布漢藏合函數件仍由薩旺千布轉至到時即希台端遣源專差送達爲要馬步芳啓

致馬警備長古海函

子福營長助鑒此次與藏方接觸大獲勝利足見忠勇有爲殊堪嘉許惟頃以國難當前和會未完東方戰事既未結束而西藏糾紛勢難解決故我方爲顧全大局計決定抱和平宗旨以期免開邊衅並非有怯於藏也萬一藏兵進佔蘇莽我軍即可退至結古俟得中央命令自有相當辦法目下總宜力持鎮靜不必開槍抵禦致引樞轄而失計劃况青藏原係一家數十年來並無若何惡感今藏人被外人誘惑乘機來犯我境若以武力對待適墮其計刻下宜先用和平方法設法聯絡使其免于衝突暫維現狀一俟日後得有中央正式命令具體辦法再爲交涉即希台端會同炳臣司令善體斯旨和平辦理萬勿躁切致失戎機是所切囑茲又致達賴大佛及薩旺千布並奉本寄薩旺千布番信各壹件交炳臣司令遞送藉資聯絡專此佈臆敬請助安馬步芳啓

致玉樹崇縣長函

子高縣長助鑒頃者藏方駐兵邊界前得報告曾呈商主席函囑炳臣司令務以和平對待想已洞悉刻值外交吃緊日甚一日舉國上

下一致禦侮而青海之與西藏原爲一家自應互相聯絡精誠團結以免輕開釁端牽動大局刻下對於藏事處處表示退讓主持和平藉資修好所駐藏方官兵務須幫同玉防司令妥爲聯絡以緩其衝馬步芳敬啓

致達賴佛函(一)

西天大聖智哲達賴大佛慧鑒遠慕慈雲皈依積歲前由崇縣長呈上先嚴訃告計蒙垂晉祇繕道光三界德被羣黎本廣大之教宗抱慈悲以度世翹瞻蓮座膜拜奚如吾國邇年以來天災人禍紛至迭乘人民久陷於孽海世道日趨於凌夷莫企兜率之天空作涅槃之想頓者日本肆虐侵我瀛遼凡屬國人莫不憤慨伏維我佛能濟苦厄普化衆生悲天憫人早祝福於三寶扶危救困施宏願於大千出九淵而登彼岸惟馨香以祝我佛耳青藏壤地相接唇齒相依治青二十載仰叨我佛庇蔭得以地靜民安步芳根性庸愚謬膺重寄近蒙中央命司警備隕越時虞所幸我佛恩光遠被垂注拳殷尙乞常賜教誨俾得秉承有自邊局幸甚國家幸甚專肅佈臆敬候福綏中央陸軍新編第九師師長馬步芳謹上

致三王千布函

三王千布尙隆賜鑒久欽碩望彌切瞻依滄海雲殊深企念比維助猷丕懋道履春和作砥柱於中流布嘉惠於邊徼遙瞻福曜曷勝頌私頃者倭虜內犯外患日深凡屬國人莫不憤慨所幸中樞鞏固一致主持而前防將士莫不拚命殺敵致日方大受打擊青海毗連藏衛爲西北之重鎮先嚴治理多年幸托達賴佛爺慈雲遠被地方安謐人民蒙庥惟自建省後玉樹設治力圖整作所有此間各寺佛僧及王公千百戶均與芳交情篤摯情若手足平昔臂助受賜良多尙乞諸公諸凡關照遇事維持雖遠隔千里而精神團結不啻晤教一室也尙希布區衷敬候助綏中央陸軍新編第九師師長馬步芳鞠躬

致達賴佛函(二)

世間教主衆生福晉達賴大佛慧鑒青海地與藏鄰自先嚴以迄今茲辱荷推愛至深感謝祇維法身常住茂如菩提寶樹佛緣清淨救

茲十方衆生引領西天祝頌奚似芳一介武夫世法未諳過蒙中央知遇編爲陸軍第九師師長駐防甘青五載於茲今歲復蒙中央命令兼青海南部邊區警備司令自愧德薄能鮮時以覆餗爲虞辭不獲已於本年三月間就職視事尙懇大佛不棄葺非時加指導俾得遵循至爲盼禱今者日本帝國日無公理惟恃強權奪我國土侵我主權遼吉三省既陷於前上海一帶復辱於後今復進兵榆關窺我平津當此時艱惟有大中華民族亟謀團結是爲解脫苦厄度彼極樂之不二法門青藏屏蔽中華西陲長城數千年來此疆彼界感情久洽月前青藏邊界因微小事件兩方稍生隔閡接玉防報告後當即令飭該玉防司令等嚴約部屬並派敵部第一旅旅長馬馴銜省府宣慰使之命趕赴玉樹務持和平解決一切以釋兩方誤會藉保青藏舊好尙懇大佛眷念衆生如藏邊軍隊有來玉樹邊界行動請予約束勿致青邊人民遽興疑團致危治安是所至禱夙荷慈愛想能本利他之大願消除邊防之惡障也茲貴屬奉本返藏之便謹具微物數事以表寸衷敬請哂收餘情統託尙本代陳並乞早賜覆示尤爲至盼肅肅即頌禪安馬步芳謹啓 六月十八日

致警備司令馬炳等保持和平函

炳臣司令助鑒頃據札武拉達布慶固察稱多娘磋商馬八族官人馳報藏人蠻悍暨我方兵力單薄各情形甚詳並備述台端仁慈和祥愛護玉民無所不至對於藏兵和平對待藏族實深感戴各等情前來台端自駐防玉樹以來對於各族藏民相親相愛如同家人深得柔遠之意而於此次藏兵侵玉一事出力尤多聯絡感情籌劃防禦剛柔互用悉協機宜芳久已備悉深爲欽佩此次特委馬旅長良臣爲宣慰使前來玉樹一節意在表明政府始終抱定和平宗旨藉資挽救縱藏兵乘機思逞我方亦應先禮後兵如藏兵果能悔過我方更當潛移默化並非有意以兵力相向輕開戰端貽中央西顧之憂台端治軍有年勞績卓著而且洞悉藏情倚重良殷當此海南多事萬分危迫我輩分屬軍人職責綦重情實家人豈可歧視正風雨同舟艱危共濟台端賢明當能善體斯意務乞協力到底俾事有濟至於槍械刻已籌有鋼槍鉛槍數百枝籽彈數萬粒當即裝箱派隊護送前方發給札武百戶藉資臂助籽彈亦當源源接濟俾免缺乏救援軍隊刻正籌劃後當陸續開來以資策應前防指揮台端擔任良臣分負宣慰事務先嚴經營玉樹勞力盡心芳自當竭

力保持決不能置之度外乞台端諭飭各官兵並各族藏民協力同心善爲防禦至要至要再札武百戶此次對藏事出力獨多芳擬委爲旅長或游擊司令以資酬庸而昭激勸究竟以何職爲宜望台端會同良臣酌定見告以憑照委爲盼此手覆即請助安馬步芳啓
六月二十三日

播譯西藏軍官戴琿等致玉樹警備司令函

北路防禦軍隊達通戴琿致書於總領二十五族馬警備司令台鑒由昂謙千戶轉來一函於十三日收到內開關於青藏和平敵屬尕但寺及蘇爾莽糾紛俟將始終經過情形調查確實後再行詳細答覆仍希貴處亦將尕但寺查明真相至地方成規例案亦待雙方調查確切再行交涉因事關重大若不慎重考查未便寄覆等因查全康總理軍政長官爲三王千布關於青藏和平及交涉事件特派堪郡戴琿二人辦理蘇爾莽與尕但寺爭持一案凡遇各地方寺廟發生糾紛者當然達賴喇嘛直接管轄維持教規他人不得干預與侵犯且三王千布代表達賴設遇寺廟爭持情形特命戴琿等處理諒貴處亦深知其情也往來文字磋商之間蘇爾莽族百姓屢次違法實難枚舉所以此次蘇甘糾紛無法了結該蘇族一切事件向由宗本辦理當中藏方未派宗本前來故發生種種爭持該寺徒被欺辱戴琿既得派宗本治蘇至撤取該寺規例俟查明後再爲提出交涉現堪郡因事赴南路一帶一俟返回統率各部軍隊直到蘇族飭屬供給官兵食糧及騎馱人夫早爲催齊應用並令貴處防守軍士藏兵到日不得稍事抗違阻攔致起衝突俟起程日期另行函知特此

注意 辛未年十二月十四日

達賴喇嘛通傳沿途經過地方支備軍需傳牌

爲傳知事照得此次北路防軍本部同江孜官兵第二次開發在卽由拉薩國三月十九出發取道哇固拔夏由類烏齊鐵鎖橋轉至結古止所有經過地方官長頭目百姓等知悉菜里德發甘墊宿麻空仁里烏斯江搓母熱怕拉怕朝尖鹿馬嶺新壩塘扛麻江達拉入札多嘴勒阿爾拉星察竹卡多洞浪松多尖加貢阿男多火竹卡射皆棍察洛壩烏金丹達邊松拉孜怕日拉領般多紫陀洛隆宗秀野拉

日哇固溫鄰卡援夏類烏齊鐵鎖橋至此取平路至結古所有各該頭目支備騎馬二百五十餘匹馱騾一萬頭人夫二百名本部官兵戴璉如璉加璉定璉足璉及官兵等一千鍋爐論級需用食糧柴草伙夫馬夫等仰各地方管官頭目人等凡遇尖宿站及騎馱人夫早爲預備本部官兵到日遞換前進不得任意藉故推諉延緩致干查究其各凜遵勿違此牌驛遞至結古後仍繳回本軍戴璉西藏全軍總司令部 三月十三日辰時發

上西安楊主任電

西安綏靖公署楊主任鈞鑒密青海南界毗連藏康爲目前最當注意之點頃蒙軍部以步芳爲海南警備司令仰見中央注重邊防之至意欽佩莫名步芳自就職以來與青海省府委員切實籌商藏人爲國內五族之一萬不可輕予開衅以國防論當以藏印交界之處爲中英邊界萬不可因藏人曾受英人嗾使眩惑遂並誤藏人爲中國之敵人自啓兵端爲叢驅雀况當國難方殷之際亟當全國一致共禦日侮尤不可於西北內部再生問題重貽中央西顧之憂故一方致函達賴將故主席馬騏訃告寄去報告麟現奉命代理青海主席以通舊好一方面致藏方駐紮昌都之薩旺千布通知步芳現奉命爲海南警備司令以聯感情一方面嚴令駐玉旅長馬彪及新委玉樹縣長崇維嶽力抱和平對藏之宗旨以維現狀而保治安惟據馬彪等迭次報告玉樹二十五族中蘇爾芒族內有尕旦寺數年以來早經勾結藏人實有背意向藏之舉動藏人在蘇爾芒地方勢力實已潛滋大有不服青海管轄之現象現在蘇爾芒駐軍勢甚危險應請指示辦法等情又准班禪辦公處旺處長函稱據札什倫布僧人現經商康藏等處者來青報告藏人對於川邊青海久有收回三多之政策（一）曰察木多即昌都藏人早已收回（二）曰達子多即打箭爐藏人現正進行（三）曰蓋古多即玉樹之結古與昌都之距離較打箭爐尤近據報告所稱藏人之蓄意既久不可不防等語麟與步芳計議青海與西藏此時似不可因尕旦寺之齟齬與藏方開衅至踏西康之覆轍惟藏人既有收回三多之蓄意則玉樹防務似不可不有積極之準備茲擬籌備辦法（一）擬於距結古二百里之竹節寺設警備司令部於結古左近扼要增駐軍隊一旅以爲節古駐軍之犄角（二）擬於河源近處大河壩一帶分駐軍

隊一團以通西甯之聲氣而爲玉樹之應援（三）擬請鈞署轉呈中央撥給無線電台五具以便分置玉樹結古竹節寺大河壩等處用以電通消息蓋青海至玉樹至快信息亦須半月此時增設有綫之電實不如無綫電爲便也（四）應請鈞部准由陝甘兩省撥給新式快槍貳千枝籽彈貳十萬臨時軍費四十萬元俾資應用而免缺乏此四項之籌備專爲自固防地而進行並不願與藏人有開衅之事是否有當謹候裁示再我方雖抱不與藏人開衅之宗旨萬一藏方受人炫惑故意尋衅究應如何對待仍懇指示方法俾有遵循是所至幸馬麟馬步芳叩皓印 四月十九日

上西安楊主任電

西安綏靖公署楊主任鈞鑒密前上皓電計蒙垂察所呈各節應請早示方略以便進行頃據駐玉馬旅長彭崇縣長維嶽王祕書家楣等報告藏兵對於蘇爾莽等處逐漸增加對於青海方面大有故意尋衅之勢等語麟與步芳仍飭其力保和平萬不可輕開戰衅並請塔爾寺阿家呼圖克圖及達賴派來西甯經商之噶本等向駐紮昌都之薩旺千布切實說明五族一家我輩此時萬不可自相殘殺之意義封函去後昨復據馬旅長彭崇縣長維嶽王祕書家楣報告藏兵千餘竟於三月二十四日將我大小蘇莽地方駐軍圍攻正式火三小時後我方始還槍相擊我方人馬雖無若何之損失惟藏方人數愈戰愈多我方駐軍人少力單實有不能抵抗之勢竟被藏兵將大小蘇莽地方佔去四月三日藏兵千餘又將昂謙地方佔去我方駐昂謙兵士不過四十本無應戰能力刻下我兵退駐結古藏兵四面雲集結古附近拉卜寺之藏兵日漸增加結古亦在岌岌可危之中應請速賜救援等語麟等自計我兵弱點（一）則駐玉軍隊不過五百餘人數太少（二）則玉樹距西甯過遠一有危急道遠勢孤應援不及（三）則我本不願與藏開衅藏兵乘我不備遂至失敗刻下藏方對我既已開衅我兵現在究竟應否剋日增兵將失去地方積極恢復抑請中央嚴令藏兵不得無故侵入青海地面雙方仍以和平辦法調處謹候鈞座指授機宜以憑遵辦專此電呈不勝迫切待命之至馬麟馬步芳叩 四月二十五日

楊主任覆電

急青海馬主席勛丞兄並轉馬師長子香勛鑒密查前接皓有二電當即分別轉呈蔣委員長何部長請示在案茲奉蔣委員長講未成電開所擬於竹節寺及結古左右近河源大河壩一帶設部分防一節可即由青海駐軍分別辦理若藏兵故意尋衅不絕進佔則可斟酌情形扼要防守此間已轉由蒙藏會警告藏兵不得侵犯青海矣等因同日又奉何部長江電開藏人尋衅望其以固邊境要地和平處理爲原則一面派專員調查詳情繪具要圖隨時見告所擬設司令部於竹節寺及大河壩駐軍各節希相機辦理以不至激起反動爲要至所請電台及軍械軍費等項中央財力已有未及現正籌劃中各等因奉此特電轉達希將遵辦情形隨時電示爲盼楊虎城齊亥署廳印 五月九日

上蔣委員長等電

萬急南京軍事委員會蔣委員長軍政部何部長鈞鑒竊查步芳猥以輕材謬荷重寄自受職以來力籌邊防永獲安謐紓邊陲人民之困免中央西顧之憂耿耿此心藉報萬一詎意藏兵受人嗾使久蓄異謀既侵川境又犯青邊並且勾結青屬尕且寺爲奧援芳以藏方爲國家五族之一實不願認以爲敵與之開釁輕啓戎端因之迭飭駐防玉樹馬司令彪力持鎮靜永保和平詎該藏兵乘我東方多事之際糾合四千餘於三月二十四日進攻青邊大小蘇莽首先開火歷三小時勢極披猖駐該處軍隊以自衛計迫不得已始行還射奈彼衆我寡營長馬占海陣亡力不能抵退至結古蘇莽被佔次日又佔昂謙地方猶不一止復添兵進圍結古玉樹所轄防地我軍只有五百餘人實力單薄藏兵恃其兵衆械多節節侵略不止結古若失青邊危急不得不籌相當之對待青海財政因難餉械兩缺曾經電呈西安綏靖場主任轉請撥發無線電五具新式快槍兩千枝子彈二十萬粒臨時軍費四十萬元以資需用步芳此舉係爲鞏固邊防之要圖非爲開釁藏方之計劃並請指示一切迄未蒙復刻下玉防事務益急警報迭傳合亟電懇鈞座俯念國防關重事務緊張請將所領之無線電槍枝子彈軍費等項迅賜發給以顧急需備萬一並乞速示機宜俾得遵循是所至禱臨電不勝惶悚待命之至肅聞敬請鈞安馬步芳叩江印 五月三日

上楊主任電

西安綏靖公署楊主任鈞鑒密陪有電計蒙垂察頃接玉樹馬彪崇維嶽等報告自三月二十四日藏兵以英造利器向我方開火械精人乘職駐蘇爾莽及昂謙部隊以實力單薄無法抵抗已退駐結古我駐蘇爾莽營長馬占海當藏兵圍攻時力戰陣亡並亡兵士兩名藏兵佔領蘇爾莽及昂謙後殺掠甚慘刻下我兵均集結古距甯遠別無援應勢甚可危各族百戶百長等鑒於藏兵佔領地方殺掠之慘均赴甯求救乞速派隊赴援等情查玉樹被藏兵攻入佔領蘇爾莽昂謙等處業於有日電呈在案刻下若不派兵赴援則結古危在旦夕若竟增兵援玉樹與藏兵接仗則兵少恐難獲勝兵多軍費不資且千里行軍糧運亦非易易現擬先派九師旅長馬馴酌帶馬兵一百名以宣慰海南各族名義前往結古仍一面帶有內地塔爾寺及各寺呼圖克圖函件與藏方薩旺千布和平交涉（一）議兩方停止戰爭（二）交涉歸還佔去地方（三）妥籌布置我兵後防再圖實力解決已飭馬旅長馴五月十六日起程赴玉所有現擬對藏和平交涉情形理合呈請鈞鑒至於對玉根本計劃非請接濟槍械不足以資應用而策進行業於皓電詳呈應請轉呈中央早示辦法俾便進行不勝惶悚待命之至馬麟馬步芳叩江印 五月三日

上蔣委員長等電

萬萬急南京軍事委員會蔣委員長鈞鑒元電奉悉荷蒙嘉慰愧交集職世受國恩自宜效命國防盡力職責以副鈞命頃接青邊駐防玉樹馬旅長彪崇維嶽緊急報稱藏兵自佔大小蘇莽囊謙後更加猖獗向我方積極進攻並未稍懈且變本加厲蘇爾莽等處集中兵力約五千餘人向我根據結古一百里地悉力圍攻零星藏兵佈滿各處焚殺搶掠如火如荼近且勒令我軍退出結古否則一致消滅又由某國運來大炮多門快槍數千枝聲勢愈大玉樹番民見此形勢懼其焚殺悉欲逃竄我軍被圍月餘行見彈盡糧絕即全體官兵犧牲身命固不足惜其如國防何又曷忍無辜人民遭此塗炭刻下藏兵強悍一味圍攻我軍死力拒守和平無望懇速大發援兵星夜馳救遲則危殆不堪設想火速飛速等情並據玉樹千百戶札武將賽布慶等各派代表到青求援萬分懇切職思年來內訌外侮國

步艱難之際對於藏兵決不欲以武力相向意者邊釁一開重貽中央西顧之憂故欲潛化默移敵兵息戰紓國難而蘇民困詎藏兵恃其大業藏利更恃某國爲後盾一進遂攻侵佔無已馬旅長彭等以國防關重死力拒守若不火速派兵援救萬難支持而刑軍亦迭電羅進委首尾夾擊必欲收回失地職前節次電呈請示機宜現在事處危急仍懇鈞座將蒙准快槍一千枝迅賜飭發以資急需而救燃眉宜速爲計設或結古有失玉樹亦危其兵端距離青省亦非遙遠是救結古卽所以固青海全部也伏懇俯念國防迅速賜發槍枝至縣至盼肅電奉懇敬著崇安伏祈垂鑒師長馬步芳叩簡印 六月二十日

參謀本部覆電

急西精馬師長勛鑒頃准軍委會轉來簡電得悉藏兵犯我青海情勢緊急除電成都劉主席從速推進以分敵勢外仍希公忠體國勉力拒守以固青防至請撥槍枝一節已函軍政部核辦矣特覆參謀本部微灰印 七月六日

土楊主任電

西安綏靖公署楊主任鈞鑒密應齊亥電奉悉蒙轉蔣委員長電何部長江電竹節寺左近及大河壩等處設部分防一節蒙准分別辦理並蒙賜示藏人籌辦以固守邊要和平辦理爲原則一面另派員調查詳情繪具要圖隨時報告等因謹當遵示辦理惟玉樹現被藏兵圍攻甚急蘇爾莽昂謙等處均經失陷曾於有日電陳在案此間未經奉到電示之前以邊情緊急駐玉兵單不得不急圖救助遂選派第九師第一旅旅長馬馴率騎兵百名以宣慰海南名義於五月十六日由湟起程馳赴玉樹亦於江日電呈在案玉樹爲海南要地藏兵蓄有意奪騎馬旅長前往宣慰所帶騎兵不過百名兵力仍屬單薄刻下設部分防既蒙照准爲固守邊圍計實已萬無可緩當此國難方殷中央財力一時兼顧不及亦所深知惟前請酌撥無線電台五具及新式快槍兩千枝子彈貳拾萬等情應請中央酌予通融或以林甘爾翁暫時挪借以順眉急而資救應可否之處謹候轉呈賜示不勝迫切待命之至馬驕馬步芳叩文印 五月十一日

楊主任覆電

急青海馬主席助臣兄馬師長子香助鑒密前接文電當即轉呈軍委會軍政部核示在案頃奉蔣委員長簡未陸電開巧午電悉所請發給青海無線電台新式快槍子彈等件已交軍政部核發矣等因特達楊虎城敬署廳機印 五月二十四日

上楊主任電

西安綏靖公署楊主任鈞鑒密敬電奉悉文電蒙轉呈奉軍委會蔣委員長簡電開請給青海無線電台新式快槍子彈等件已交軍政部核發矣等因聞命之下一則見我主任爲邊局請命之誠懇一則見中央國難方殷之際對於青海尙能分給槍彈電台邊士聞之萬分感奮惟核發之數能否照文電所請發給仍懇鈞署向軍部加電代懇是所至幸馬麟馬步芳叩感印 五月二十七日

致行政院褚祕書長電

洛陽國民政府行政院褚祕書長誼公鈞鑒青海南界毗連康藏爲日前最要之區芳以菲材謬蒙中央委爲海南警備司令仰見中央注重邊防之至意自愧駑鈍力竭庸愚惟是康藏糾紛久未解決而海南玉樹二十五族中蘇爾莽族內有噶爾丹寺數年以來早經勾結藏兵藏兵乘該寺之親附潛布勢力該寺恃藏兵爲奧援不受管轄加以外人眩惑嗾使藏兵遂對川邊青海卽有侵佔三多之計劃（一）察木多卽昌都早已佔領（二）達于多卽打箭爐藏兵現正進行（三）蓋古多卽玉樹之結古現正藏兵來圍此藏兵久蓄異謀尋覓侵略之實情也近數月間藏兵向蘇爾莽等處日見增加對於青海故意啓衅芳念藏人爲五族之一究屬一家且國難方殷爲顧全大局計籌商和平對待故聞警報卽函達賴敝舊通行並函藏方駐昌都之薩旺千布積極聯絡迭令玉樹馬旅長彭力持鎮靜和平辦法各去後詎意藏兵四千餘人竟於三月二十四日將大小蘇莽駐軍圍攻首先開火歷三小時我方爲自衛起見始還槍相射而藏兵愈集愈多衆寡懸殊大小蘇莽遂被佔去四月四日又將謙昂進佔馬營長占海中彈陣亡在玉樹我軍僅五百名無法抵禦刻退結古而藏兵四面包圍拉卜寺等處藏兵日增刻皆岌岌可慮西甯距玉甚遠馬行十八九日方能達到途鮮人烟聲息欠通援應維艱加以青省財政拮据餉械均缺芳爲維持西北治安計曾電呈軍事委員會軍政部並西安綏靖楊主任請由中央撥給無線電台五具

新式快槍二千枝子彈二十萬臨時軍費四十萬元以顧急需而資防守如藏兵進攻不已究應如何對待請示方略俾得遵循素稔我公壯遊西北眷念康青對芳尤爲備至務祈我公將請撥電台槍枝子彈軍費鼎力維持得以早發並示機宜藉資應付不勝企禱之至肅電奉懇敬請助安弟馬步芳叩印

上軍政部長次長電

南京軍政部長何次長陳動鑒頃接致新編第九師師長馬步芳敬械電敬悉蒙發無線電台一百華脫機一架十五華脫機二架步彈十萬粒已交師部王代表領解至深感荷惟步槍請楊主任就近先行墊發一層頃奉楊主任勸電聞此間無存餘步槍莫由墊發仍請由部發給等語想已電復大部當此國難方殷全神東注之時大部一時難於兼顧亦所共知惟青海南鄯玉樹一帶東界西康西鄰衛藏此時實力不充則藏兵逐漸進佔無法抵禦後患將不堪設想既蒙委員長蔣准予發給步槍俾濟眉急仍懇於統籌全國對外之中特別兼顧青海南部備得及時補救無貽噬臍之悔是所至禱臨電屏營不勝迫切待命之至代理青海省政府主席馬麟叩齊印

上蔣委員長等電

萬急南京軍事委員會蔣委員長軍政部何部長鈞鑒職前將藏兵侵佔青南地方焚殺搶掠各情形電請西安楊主任轉呈鈞座懇發電機槍彈等項以資急需奉覆以中央財政不足所有電機槍彈已飭軍政部照發等因奉讀之下仰見我鈞座眷懷國防深恩罔極全青軍民永感莫忘惟以此案經青海省政府派職部旅長馬馴以宣慰名義率騎兵百名先往玉樹又派團長馬忠義率本部騎兵一團駐大河壩爲玉樹聲援又據玉樹旅長馬彪縣長崇維嶽緊急報告自我軍退守結古後藏兵極力圍攻愈集愈衆我兵傷亡數人藏兵一面圍攻一面派兵繞結古後路拉布寺通天河一帶意在斷我後援我兵固守結古兵力單薄無法分禦惟有堅守結古無論如何攻擊誓死抗拒以待援兵等語職以馬馴等前往宣慰能否收回失地尙難預定而藏兵似此進攻其兇橫殘暴於此已極幸馬彪等督率部兵死力抗拒不生退志頗屬難得然欲息此邊氛爲玉樹永久安全計惟有懇求鈞部座飭將恩准槍枝迅予給發俾得速運來青以資急

需肅利策應並固邊防重地之處青海舉甚國防幸甚臨電無任翹盼之至肅電敬請崇安伏乞鈞鑒司令馬步芳叩魚印

軍政部覆電

青海新編第九師長助鑿齊魚兩電悉茲先發漢造新步槍二百枝除飭交該部王代表領解外特復何應欽儀代巧械印

楊主任電

西安綏靖公署楊主任鈞鑒前派第九師旅長馬馴酌帶騎兵百名以宣慰名義前往玉樹定於五月號日由湟起程曾於江日電呈在案馬馴起程時並派騎兵團團長馬忠義率帶騎兵一團駐紮大河壩一帶以爲玉樹之後援藉通甯玉之消息頃復據玉樹旅長馬彪縣長張維謙等報告自我軍退駐結古以後藏兵極力圍攻愈集愈衆我軍續傷兵士數名藏兵一面圍攻並一面派兵繞結古後路拉布寺通天河一帶意圖斷我後援我兵困駐結古雖明知拉布寺通天河爲後方要隘然分駐則兵少力單無法抵抗現惟堅守結古無論藏兵如何攻擊彭等當極力抵禦誓死不動以盡職守而待救援等語後據海南宣慰使馬馴及駐大河壩團長馬忠義等由大河壩報告馴曾甯起程本應卽日前進因玉樹糧料困難須在湟源恰卜卡等處購備到玉數月糧秣隨軍運玉始免沿途及到玉後一切困難不覺稍宥遲延刻已忠義同抵大河壩馴已於冬日率帶所部自大河壩起程兼程前進等語查馬彪在玉兵少勢孤尙能固守結古頗爲難得在玉陣亡官兵兵士應請從優議卹以資鼓勵馬馴赴玉宣慰仍屬暫救目前能否將失去地方全數收回尙難預定欲爲玉樹永久之計應候中央發下軍械電台到青依前請電所陳積極進行庶收實效而維邊局馬馴到玉情形除陸續報到青另行電呈外所有現得各種報告理合專電呈明伏候裁示恭請鈞安馬麟馬步芳叩魚印

楊主任覆電

據呈青海馬主席勛臣兄馬司令子香助鑿魚電誦悉已據情轉呈軍委會及參謀兩部矣仍望飭屬嚴防爲要楊虎城真干署廳機印

馬主席致軍政部電

南京軍政部何部長陳代次長勳鑒巧械電奉悉蒙發馬步芳師漢造新步槍二百枝業經逕電具領至深緬感惟此次該師籌備海南警備呈請中央接濟軍械二千枝已蒙蔣委員長准予核發大部電亦允撥步槍千枝海陬部隊聞中央予以接濟實力士氣大爲奮興茲奉電示僅蒙發下漢造槍二百枝實力不充恐邊地前綫士兵聞而氣餒仍懇大部繼續將應發之數一律籌撥以固邊心且邊地向中央傾械與內省情形不同步槍千枝若作五次運青青海西安之西護運必須軍隊以少數之槍械多數之軍隊再三往返奔命亦疲既蒙中央垂眷邊陲應請從多發給俾得一次運青（一）則可令前線將士知中央特予接濟注重邊防之至意（二）則可以領獲槍械之先聲鼓勵前綫之士氣以便恢復失地鞏固邊防（三）則由都運青以千枝爲一次可省經過陝甘各省派隊再四運動之勞苦種種善情用特瀝陳惟祈見諒早賜撥濟不勝感禱待命之至馬麟叩漾印

上軍政部長電

萬萬急南京軍政部何部長鈞座巧電奉悉荷蒙先發漢造新式快槍二百枝暫資急用仰見鈞座俯念國防眷懷青海隆情厚意至深且渥感何可言刺下玉樹軍事益形吃緊藏兵又由某國運來大砲多門快槍數千枝更添兵力某國並爲後盾聲勢愈大我軍駐玉樹旅長彪被圍結古死力困守已經月餘彈盡糧絕危急萬分玉樹千百戶扎武將賽等各派代表星馳來甯求救萬狀懇切職部續派援兵刻即出發立待槍彈萬望鈞座飭職部駐京辦公處王趙二人速將二百枝並籽彈先行趕速運青以資接濟惟刻下陝省以西土匪充斥道路梗塞轉運槍械實有危險我鈞座念切軍事關係可否請飛機轉運來青或至蘭省就近運取既得迅速又免危險一舉兩得莫善於此下餘之槍八百枝務懇鈞座亦賜速發接濟前防以利戎機至盼至禱肅電敬請崇安伏乞鈞鑒師長馬步芳叩漾印

馬主席致何部長電

南京軍政部何部長助鑒密江務電奉悉承續發馬步芳師漢造新步槍三百枝交王代表領解至深緬感青海爲派兵援玉不得不呈請接濟既蒙大部注重邊防准予撥給步槍千枝海陬軍人聞而感奮刻已先後領到五百枝下餘五百枝（一）請大部俯念海南防

務之重要如數迅賜發濟(二)請大部矜憐邊遠轉運之困難俾以千枝步槍一次運青尤所企幸謹具瀝懇佇候復示馬麟叩文印
七月十二日

蔣委員長電

急青海西甯馬警備司令鑒據參謀本部轉據該司令電陳此次藏番邊境所部馬旅奮勇抗戰屢挫敵鋒雖未完全擊潰亦足大寒敵膽所有出力將士一並傳諭嘉勉以資策勵至所請汽車須俟統籌一時不能照發外無綫電機等已電楊主任轉飭沿途駐軍妥爲保護矣蔣中正文未參印 九月十二日

上楊主任電

西安綏靖公署楊主任鈞鑒密電奉悉委員長蔣刪日嘉勉之電此間亦已奉到第念麟暨步芳等奉職無狀藏兵侵入昂謙蘇爾莽一帶未能先事豫防不特無可言之功且有難逃之罪謬蒙嘉勉益滋疚心刻下馬旅長馴雖以宣慰名義馳抵玉樹而昂謙蘇爾莽等地尚待恢復邊陲所乏惟在實力請轉呈委員長蔣早飭軍部將前請槍枝早賜發給俾得中央接濟之實力以固邊地前綫之軍心早圖恢復是所至幸馬麟馬步芳叩州印

楊主任覆電

青海馬主席助臣兄馬司令子香助鑒密前接州電當經電呈軍委會頃奉蔣委員長灰辰陸電稱麻電已悉馬師步槍上月已發二百枝及彈十萬發計將運到其未發之數已飭軍部陸續籌發矣等因特電轉達即希查照特達揚虎城塞已署廳機印

上蔣委員長電

南京軍事委員會蔣委員長鈞鑒密刪電奉悉麟及步芳等待罪青海藏兵侵入昂謙蘇爾莽一帶未能先事預防不特無可言之功實先有難逃之咎猥蒙嘉勉益切慚惶刻下旅長馬馴雖以宣慰名義馳抵玉樹結古人心暫雖粗定而昂謙蘇莽等處地方尚待恢復現

有兵力實形單薄伏乞早飭軍部將前請槍枝速賜發結俾得增加實力亟圖恢復不勝迫切待命之至馬麟馬步芳叩卅印 六月三十日

上楊主任電

萬急西安綏靖公署主任楊蘭州邵主席蘭州綏靖行署主任鄧鈞鑒密頃據玉樹馬宜慰使駙七月十三日報告內稱萬急日來藏番日夜猛撲我卡前後三次賴我方卡固兵勇卒未損陷敵方陣斃四五十名負傷甚多奪獲鋼槍三十枝鉛槍三枝我方陣亡官兵五名負傷八名雖竭力守禦而三營籽彈業已告罄兼之藏方百方猛攻不稍畏怯近日又運到開花砲數尊機關槍數架向我方日夜轟擊我軍竭力抵抗誓死防守惟番民驚懼均以避彈紛紛遷移萬懇調遣援軍擴充分籽彈及迫擊砲開花砲彈手榴彈若干星夜兼程來玉以濟危急等語查結古爲青藏咽喉刻下藏番節節進逼職已派喇團長平福率隊一團星夜兼程赴玉藉資援助惟前奉中央飭發漢式造槍一千枝無綫電機三架迄今尙未運到此間需用極爲迫切業派職部馬處長騰雲前往南京迅速起運尙乞鈞座俯念邊防緊急轉呈蔣委員長准將未發漢式造槍五百枝迅賜照數核發並電飭沿途駐軍於此項槍枝電機過境時妥爲保護用顧急需不勝待命之至肅電祇候鈞安青海南部邊區警備司令馬步芳叩有印

上中央各院部電

(銜略)助鑒慨自康藏問題發生後西南邊防日趨嚴重青省南部之玉樹各處與西康之鄂柯石渠甘孜瞻化昌都錯壤相接三王千布集中藏兵於三月二十四日無故侵入海南之囊謙及大小蘇莽步芳以東北淪喪國難方殷始終堅持和平不欲輕開邊釁當派本部第一旅馬旅長馴前往宣慰馬旅長曾派員持函與三王千布接洽中途爲藏番阻止險遭殘害頃得馬旅長及拉布倉佛爺報告藏兵以萬餘之衆刻已進逼距結古五里之禪古寺與我前綫部隊業有接觸請調兵援助以資抵禦前曾電呈在案惟藏番頑悍成性此次所過之地焚殺擄掠備極殘酷暴戾恣睢難以理喻此宜撫之困難一也西甯至結古計程約千百餘里時經一月方可到達沿途既無村舍且鮮居民所有軍用物品及糧秣等係用牛隻馱載邊地荒寒盛暑飛雪而途長日久官兵忍受饑餓易生疾疫此運輸之困

難二也。囊謙爲海南衝要之區，既已入藏番之手，我部馬旅長彪以少數軍隊死守，結古藏番雖器精兵多，未得一趁計。自三月二十日起，迄今已閱閱月之久，我軍晝夜防範，未得稍疎。然藏番根據之地，距海南路途頗近，而調遣甚易。我軍後防距離過遠，接濟需時，此作戰之困難三也。青海係新建之省，近年雖增設縣治，而軍事上一切籌支，皆仰給於舊有之七縣。惟以荒災頻年，且經今歲滬戰之後，羊毛停頓，商業蕭條，民間困苦異常，糧款籌集維艱。此接濟之困難四也。步芳職司警備，義無他顧。邊防所關生死，以前蒙中央飭發漢式造槍一千餘，領到五百枝，外務祈俯賜將其餘五百枝照數核發。此項槍枝及所領無線電機三架，刻因路途遙遠，即乞鈞座電飭西安楊主任平涼孫宜慰使，於起運過境時，准予沿途保護，俾得早日抵甯，以應急需。而因邊圍再戰，因此次藏番圍攻甚急，已派喇團長平福率隊一團前往援助。該團已於月之二十四日由甯出發，赴玉並將馬旅長彪調充海南警備第一旅旅長，喇團長平福所部即歸馬旅長指揮，以便節制。是否有當，伏乞電示，祇遵不勝待命之至。青海南部邊區警備司令馬步芳敬叩。

上楊主任函

虎公主任鈞鑒：遙隔旌麾，無任企慕。此次王代表沖天來青，歡譚多日，極愜素懷，並蒙厚愛，殷拳寵顧，嘉脫所以有待於職者。至厚而期望於職者，亦至深。謹當勉竭愚忱，圖報萬一。諸凡關愛記注，殷拳至深，感泐現值內憂外患紛至迭乘，神州陸沉，深用惕懼。幸西北一帶得鈞座遠播德威，羣流仰鏡，戡平禍亂，底定全隴，欽佩如至。玉樹問題日趨嚴重，頃奉石委員長青陽馬電，內云外交部據印度領事館密報，西藏民軍悉調康邊，拉薩藏方又致函印政府購買槍械，尙未得覆。去年所購之大小槍彈，一概運送西康等語。果如所云，則西康問題未解決之前，關於青海南部之軍事，自應極積準備，以期保守舊有之疆界。自中英藏在森姆拉會議之後，某國已視青海南部爲內藏而藏人之敢於尋釁，肅肅者其中德惠發動，亦有某國爲背景耳。職忝司警備，義無他顧，惟有整飭部隊，以恢復舊疆爲職志。前次在京呈領漢式造槍五百枝，無線電三架，不日即可運起。如過平時，務乞鈞座准飭沿途駐軍一體保護，則感荷無既矣。專肅燕函，敬候助安。職馬步芳謹肅。

上鄧主任函

竇公主任鈞鑒一年容易又是秋風飄懷光儀彌殷系念遙想履定增康和慰爲私祝茲敬懇者此次青康問題發生形勢日趨緊迫前奉參部來電得知印度消息藏人徵兵購械意圖大舉果如所云則西南局勢將有劇烈變化深爲杞憂職部所派援玉部隊早已先後出發抵玉時定當拚命血戰以期復我舊疆惟前蒙中央發給槍械籽彈及無線電機已由趙祕書德玉起運來青迄今尙未到達刻下職部張營長義才前往平涼迎護計帶騎兵一百二十名馬一百一十四匹准於今日起程業飭該營部抵蘭後晉謁鈞座恭聆訓誨所有人馬需用麥麵草料已函懇肅公宜慰使務懇俯賜飭令由軍需處按日發給以資應用並祈格外成全通飭沿途各縣府給予糧秣諸凡關照是所切禱馬步芳謹肅

上楊主任電

急西安綏靖公署主任楊公鈞鑒密敬巧兩電奉悉渥蒙關垂並荷慰籍感激曷極鈞座眷念國防轉請中央蒙發槍械並勉策逾益感雲天實無涯際此次蒙發槍械等項經駐京辦事處王廷瑞趙佩等運至陝省惟懇鈞座一再殊施飭令妥爲護送現在陝省以酉稍有匪驚道路梗塞轉運實所危險鈞座既成之於先更望全之於後幸安抵青省俾援玉防部軍得此接濟士氣振而軍事利悉我鈞座之所賜也肅電仲謝並再率懇敬請崇安伏乞鈞鑒職馬步芳叩勛印 六月二十日

楊主任復電

急青海馬司令子香鑒勸電悉貴部由京所領槍械候運過陝時自當妥爲保護至該辦事處起運日期望電告爲盼楊虎臣鑒印

上楊主任電

西安綏靖公署楊主任鈞鑒皓午電奉悉鈞座公忠黨國眷念邊軍指示方略諸賴維持遠叨德威將士用命悉力固守藉盡職責復荷栽植膠蒙嘉勉恩誼稠疊感激莫名肅電鳴謝敬請鈞安職馬步芳叩養印

馬主席致楊主任電

西安楊主任鈞鑒密倫電奉悉刻下玉樹問題日趨嚴重中央電准撥發軍用品等運到之遲速有關前防之安危頃接駐京辦事處趙佩世電已由京領到一部分送運至陝等語務請鈞座特予保護俾早日啓行入甘一方面派妥人送馬匹至平涼俟鈞座送趙佩等至平鈞處護械之人即可護馬回陝青海送馬之人即可接械來青事關西南國防惟乞鈞座特予維持邊隅幸甚趙佩何日由陝起程請即賜示此聞尅日即送馬東進謹此呈復恭請鈞安馬麟叩魚印

1 成都劉主席文輝電

特急青海馬師長子香兄助鑒昨日冬電略陳藏方踞擾甘肅凶不就範敵處既奉令負責處理忍無可忍不得不從事準備定期勘日進擊懇由尊處同時進逼以收夾擊之效計邀台照查對藏用兵曾與海峯營長迭次談接具誌吾兄互助殷懷是以輒申請求頃據康定駐軍余旅報稱敵軍已於勘日在大蓋前方與藏軍接觸激戰八小時敵勢不支暫退四十里我方正乘勝攻擊前進等語時機已屆特再電達務望惠念輔車之誼立飭貴部乘勢由結古出動向昌都方面突進以相策應國防前途實深拜賜盼示復弟劉文輝叩州

2 劉主席電

青海馬司令子香兄助鑒州電計邀台督頃據西康余旅冬日轉電據前線部隊東電稱敵軍已於陷日進佔雅雜嶺東晨佔據朱倭藏方傷亡頗重大部千餘名棄槍潰向老林即晚可下甘孜等語特再飛電我兄敬希顧念邊防尅日抽調貴部勁旅出兵由結古向昌都方向前進以紓中央西顧之憂無任感荷弟劉文輝叩江印

3 復劉主席電

成都劉主席自公鈞鑒州江兩電奉悉貴部余旅與藏方接觸已獲勝利並有即晚可下甘孜等語聞之殊甚慶欣敵處已飭馬旅長良丞率隊馳赴玉樹一面宣慰政府眷顧之隆一面與該處駐軍向昌都方面前進以期夾攻用副尊命務望迅飭西康貴部接洽聯絡以

壯聲勢而定邊疆無任企禱並希將前方各情隨時電告是盼肅電奉覆祇請助安馬步芳叩文印

4 致成都敏營長海峯電

成都馬師長德齋兄鑒請轉敏營長覽東電已悉劉公駐康之軍與藏方接觸獲勝劉馬二公均有來電各情備悉芳已飭馬旅長良丞率相當兵力前赴玉樹與馬司令炳臣協同前進向昌都夾攻一面宣慰政府眷顧之隆望即請劉公迅飭前方部隊與我軍接洽聯絡是盼並望營長即日運物回青以顧急需何日起程先電告我爲要馬步芳文印

5 敏營長覆電

青海子香師長鈞鑒宥電敬悉頃劉主席以所部余旅已於勘日在大蓋山前方與藏兵接觸致戰八小時敵方不支敗退四十里請我軍駐結古軍隊即時向昌都方面突進以收夾攻之效除逕電鈞座外並請職電催即速出動以相策應現在我方情形究竟如何尙祈示復以便轉達再職數日內啓行返青職敏海峯叩東印

6 劉主席電

特急青海馬師長子香兄助鑒文電奉悉藉諗我兄注念國防已飭貴旅馬旅長良臣率隊馳赴玉樹向昌都方面前進遠聆德音曷深敬佩頃據西康余旅長如海黃旅長漢臣鄧旅長秀廷聯銳元電稱藏敵自甘墮潰退後現正徵調拉薩民兵以圖大舉除飭該旅長等轉知前線官兵等進擊與貴部切取聯絡期於短期內收復民七以前失地會師昌都外敬懇我兄派隊夾攻早奠康防是所至禱再海峯營長已於本日首途覆命此間情形已託代爲轉陳祇頌助安弟劉文輝銑印

7 劉主席電

特急青海馬師長子香兄助鑒青海前由海峯營長復致拳并寄呈口密本計早邀察青川毗連會荷以唇齒之誼是最感幸藏番肆橫內犯敵軍因奉中央意旨和平應付已無可退讓之境藏方意盼未壓交涉將及一年迄不就範昨奉樞府電令由敵處處理事關國

防不得不從事準備奮力用施還我故物頃據成康旅電稱部署就緒定本月朔日舉行總攻擊收復甘肅除電准依照所定計畫辦理並飭嚴督所部進擊外特懇尊處飭部同時進逼使藏方首尾不能相顧以收夾攻之效國防前途至深拜賜並冀不時惠示方略俾有遵循仍盼賜復弟劉文輝叩寢補發印

8 劉主席電

特急青海馬司令子香兄勛鑒卅江各電計邀台察現在敵部業將甘肅收復呈奉蔣委員長汪院長真電開連接陞東江徵各電敬悉我兄激勵師旅鞏固國防摧藏逆未犯之鋒復甘肅已失之地指揮若定欽慰良深敬祈傳諭將士再接再勵以奏全助關於獎有功將士及接濟軍實並祈隨時商略以資辦理蔣中正汪兆銘真印同時又奉蔣委員長真辰電開藏兵進犯幸賴余旅迎頭痛擊收復甘肅殊堪嘉尚此間已電青海馬主席率駐青各部由青邊出擊藉分敵勢以固邊防蔣中正真辰印等因除遵諭轉知前線將士外查藏敵現在雖經敵部擊潰聞其力尙未全部消失亟宜趁此時機遵奉中央電令一鼓作氣痛予嚴懲前曾迭電請貴部抽調勁旅向結古方面出動以收夾擊之效茲復奉蔣委員長電示惠念國防迅賜飭部進擊無任懇禱并盼覆示弟劉文輝叩印

9 西康余旅長電

西甯馬師長鈞鑒頃奉自公主席轉下鈞座文電敬悉之餘不禁鼓舞慨自民七以還藏逆目無政府凡與接壤莫不欲得而甘心徒以國家多故不遑計及有志者空懸請纓之願莫遂殺敵之謀春間國府以康事交敵軍負責上月感日正式與逆武力周旋幸叨福庇冬陽兩日先後克復甘肅現正力謀大舉乃承仗義選派勁旅越日出師倘仗德威盡復失地則數十萬久淪異族之赤子得慶來蘇皆拜我公嘉賜除飭前敵指揮鄧驥派員馳赴玉關方面接洽馬旅長外敬乞時示機宜臨電佈謝並頒勛祺川康邊防軍第一師第一旅旅長兼代二旅旅長余松林叩印

10 致劉主席電

成都劉主席自公鈞鑒寒銑兩電敬悉我公秉承中央命令之後康事日有起色藏方屢挫兇焰企方路無任頌祝敬慮日前派馬旅長良丞率隊赴玉侯到達該處如何情形來報告後再行電聞尊處與康電報往來消息定必靈通前方戰况奚似尤祈隨時電告俾明真相是所至禱專復敬頌助接馬步芳叩簡印

11 劉主席覆電

馬師長子香兄助鑒簡電敬悉此次仰仗中央德威收復甘贍遠承獎飾深用矜慚前奉文電知已派貴部馬旅長馳赴玉樹當經電飭敵部前綫官兵切取聯絡妥爲接洽在案現在甘孜前方連日均有戰事敵軍正積極徵調各路部隊日內齊集即可向前推進期於短時間內會師昌都仍盼察照前電辦理冀收夾攻之效無任企禱劉文輝叩有印

12 致劉主席電

成都劉主席自公鈞鑒江銑有各電敬悉川青接壤關係密切康事勝利端賴我方略謹遵前電出兵玉樹並飭馬旅長良丞與貴部在康之軍切取聯絡以收夾攻之效用副雅命此次敏海峯在川諸承指導至爲感謝該員至青日敬再電聞肅復敬頌崇安師長馬步芳叩江印

13 劉主席覆電

青海馬師長子香兄助鑒江電奉悉吾兄惠念國防出兵玉樹遠聆捷訊欽佩無任敵部現已集中甘孜前方大白一帶準備一週內實行第二次進擊本月陽庚等日該敵以大部分道猛撲均被擊潰斃敵甚衆奪獲槍械多枝等語仍望趁此時機飭部迅速推進使敵首尾不能相顧早日肅平以固邊圉實爲厚幸海峯計已安抵軍門晤時并祈道念弟劉文輝叩刪印

14 劉主席覆電

錄青海馬師長子香兄助鑒頃據余旅長松林號一電稱甘孜前方各部約可於敬日集中完畢攻擊期約在宥日并稱據甘孜商人面

稱行經結古見貴軍增派大部騎兵已到準備向南推進等語具仰惠念國防同仇敵愾無任企佩除電飭該旅督屬各部努力殲敵與貴軍切取聯絡外特此電請吾兄飭部察照協同動作使敵首尾不能相顧以收夾攻之效是所切禱弟劉文輝叩梗印

15 劉主席覆電

急青海馬師長子香兄助鑒宥電計達英察頃接余旅長松林勸電稱藏敵自失甘贍後徵調民兵已不應手并聞德格武城人民均因抗調軍民衝突又據鄧指揮廳宥電稱藏中增派軍隊在昌都德格一帶駐防等語查結古距昌都不遠八站貴部計已與之接觸其積極增防自係係於貴部聲威之故現在敵部在前線者已編爲五支隊定期十日內佈置完妥即行第二次進攻仍懇查照前電飭部夾擊用權頑寇而固國防不勝企禱弟劉文輝叩世印

16 復劉主席電

特急成都劉主席自公鈞鑒快郵代電敬悉貴部奉中央命令處理康藏問題與藏方接觸恢復甘贍等縣聞之殊甚慶欣敵部前接貴部州江等電已飭馬旅長良丞率隊星馳赴玉向昌都方面進攻以收夾擊之效用副尊命之囑並於文日電復在案茲前奉因除再轉令馬旅長良丞迅速遵照辦理外專電奉復恭請崇安師長馬步芳叩印

17 致劉主席電

成都劉主席自公鈞鑒江電諒達頃奉世電各情備悉貴部在康既編爲五支隊定期出發繼續進攻軍聲所至藏逆定必披靡康地行見恢復翹企揚厲無任驩頌敵部馬旅長良丞月前馳赴玉樹刻下想已到達該地積極遵照前電夾攻也國防所關必能貫徹始終尙祈時賜方略是所盼禱師長馬步芳叩虞印

18 致劉主席電

成都劉主席自公鈞鑒刪電奉悉頃據玉樹馬旅長良丞報告職率隊開拔後現已平抵玉樹積極佈置之際而藏兵已侵至我玉屬境

內之囊謙蘇爾井野鷄村一帶戰與馬司令現正籌商一切不日進攻與藏逆武力周旋用副鈞座西顧之憂以俟作戰後詳情再爲彙報外所有職到玉後各情謹先呈報等語查馬旅長現在到玉籌商進攻情另電外先爲電陳請轉飭甘孜前方貴屬查照爲要海峯尙未到青並以奉聞肅電敬請助安師長馬步芳叩養印

19 劉主席覆電

青海馬師長子香兄助鑒昨上梗電計達英察茲奉養電敬悉貴部馬旅長已率隊行抵玉樹籌商不日進攻毅力熱忱國防攸賴至深佩仰已電飭甘孜前綫依照原定攻擊努力殺敵並與貴部切取聯絡矣特電佈復敬希察照弟劉文輝叩敬印

20 劉主席電

成都劉主席自公鈞鑒梗敬兩電祇悉各情除飭敵部馬旅長良丞遵照進行以利戎機外特電奉覆敬頌綏師長馬步芳叩鑒印

21 致劉主席電

成都劉主席自公鈞鑒敏營長返青兩讀手示既承存問復賜珍物謹卽拜領感謝曷極重以微敬辱荷齒及益增慚慙藏兵披猖既侵川而復侵青初以和平對待希弭戰端詎驚不馴得寸進尺乘我駐軍單薄大肆殺掠青省府並職部會派馬旅長馴以宣慰名義率隊赴援擬與鈞部會合作首尾夾擊之計驅彼兇頑復我失地詎該藏兵聞風宵遁退往昂欠誠恐糞土重來此間續派援兵以資策應但該藏兵經我川軍迎頭痛擊甘瞻均復又經職軍牽制諒不能再行反攻惟此間距前線甚遠交通不便傳遞軍息極感困難我鈞座如得前線近况惟懇時錫電示俾得相機方策裨益軍事是所至禱肅電奉復敬請鈞安師長馬步芳叩冬印

22 劉主席覆電

青海馬師長子香兄助鑒冬電奉悉口口將誠敢辱言謝回環浣滷益仰高風藏逆不道橫相侵擾貴部到達玉樹彼卽退守昂欠尊處蠲破其奸增援策應尤佩宏籌仍盼察照迭電痛予追出以揚國威敵部自復甘瞻後卽從事積極佈置正擬向前推進該敵復於上月

宵夜分五路來襲經敵部奮力抗禦連日激戰乘勝將白利雜堆等地收復大金旦夕可下知關遠注特此佈聞敬頌勳祺不盡區區弟
劉文輝叩陽印

23 致劉主席電

萬急成都劉主席自公鈞鑒陽電奉悉藏兵猖獗雖經貴軍痛擊然終兇鋒未挫敵部自馬旅長抵玉樹後迭以理喻令其撤退不惟不聽反悉乘來攻於上月二十八日敵軍與之激戰自早至午敵勢不支始行潰退距玉三十里邊道寺更調重兵欲謀大舉反攻此間亦行增援從事進剿幸貴軍既亦復獲勝利收復白利雜堆且晚收復大金聞之實所慶忭惟望我公瞻前線雙方戰情調查確實刻下進至何處迄即電示俾敵軍得與會合首尾夾攻努力前進早退藏逆收復兩省侵地之處不勝盼禱之至專復敬頌崇祺師長馬步芳叩
元印

24 劉主席覆電

特急限即刻到青海馬師長子香兄助鑒密奉讀元電欣悉貴軍於上月勦日摧破藏番聲威播布賊膽已寒勳績所昭企佩何極敵部自效日收復白利雜堆各地連日血戰逆敵不支業於佳申佔領大金寺乘勝追擊昨日復佔領絨壩岔敵向德格方面潰退現因大金之役傷亡甚衆正飭前線各部稍事整理再行推進以謀第二次之進展切冀轉知貴軍前線乘逆敵挫敗之後併力夾攻殲彼兇頑盡復擾地國防前途至深利賴特電佈復佇候捷音弟劉文輝叩銑印

25 劉主席覆電

成都十八日特急限即到青海馬師長子香兄助鑒青密銑電計邀英鑒頃據余旅長松琳銑申電稱據前線張支隊長轉急銑電聯呈奉部劉總玉隆開青軍進佔鄂柯縣後敵殘部仍在德格等語查鄂柯在藏左側背距德四站不知貴軍是否確實佔領敵新電示弟除令前線各部迅速向前推進與貴軍切取聯絡夾攻德格早殄敵氛共奠邊防是所至禱仍盼貴部進展情形隨時電示爲盼弟劉文

輝叩巧印

26 覆劉主席電

特急成都劉主席自公鈞鑒銑巧兩電奉悉貴部佔領大金寺進展之速皆賴靈壽傾劉欽仰奚似至巧電稱聞敵部有到鄧柯之說果否尙未得報俟後再爲奉聞專肅敬請崇安師長馬步芳叩養印

27 致劉主席電

特急成都劉主席鈞鑒養電諒邀台晉現在國難方殷東北淪亡西南軍事日形緊張藏逆兇頑益肆猖狂我輩身爲軍人膺斯鉅艱况當川青邊疆責任攸關所有層齒之依皆仰我公凡此情形前派敏代表晉懇及迭電逕呈已荷垂念國防俯賜聯絡在案謹遵我公之命令飭玉樹駐軍向昌都夾攻不意藏逆狡悍性成得隴望蜀竟敢侵佔我玉樹之囊欠蘇爾芒各地雖經敵軍痛擊而相持如故茲又續派喇團長平福率該團步騎全部於效日由甯開援總期肅清醜類固我兩省邊圍以紓中央西顧之憂尙祈時賜機宜俾資遵循而靈消息是所至禱專此敬請崇安師長馬步芳叩敬印

28 劉主席覆電

特急青海馬師長子香兄助鑒密陽電計邀台察頃奉蔣參謀總部歌一電內開接馬師長簡電知藏兵於蘇莽等處厚集兵力向青邊結古等處圍攻請速派援飭轉令駐康各部從速接近以分敵勢等因查敵部甘孜前線自東晨起連日激戰乘勝收復白利雜堆各地現正圍攻大金昨准冬電業經撮要附聞茲奉前因除電飭敵部遵照從速推前并與貴軍切取聯絡外特電佈達仍祈察照迭電飭部痛擊以收夾攻之效不任盼禱弟劉文輝叩真印

29 劉主席電

特急青海馬師長子香兄助鑒養敬兩電奉悉藏兵悍黠性成經貴部予以痛擊猶敢負固相持深堪痛恨承示續派喇團步騎全部肅

清醜類極佩壯獸現在敵部正由玉隆前進會攻德格望促喇團長趁此時機迅速進攻雙方夾擊使敵首尾不能相顧可收事半功倍之效共冀邊防不勝企禱前線情況如何仍盼隨時詳示爲荷弟劉文輝謹印

30 致劉主席電

成都劉主席自公鈞鑒魚電計邀台晉敵部喇團長率隊出發屈指計已到玉壘祈我公飭令西康前線部隊努力進攻以收夾擊之效爲盼肅電敬頌崇祺師長馬步芳叩寒印

31 致劉主席電

特急成都劉主席自公鈞鑒敵部現派馬旅長祿率所部騎兵於巧日由甯出發向玉樹前進大舉痛剿藏蠻恢復失地務懇我公電飭西康在前方之軍迅速夾擊以期雙方推進使敵首尾不能兼顧藉圖勝利無任企禱特電奉懇敬頌崇安師長馬步芳叩簡印

32 劉主席覆電

青海馬師長子香兄助鑒頃據敵部余旅長松琳轉報鄂指揮蟠村電稱近檢查藏方却讓代本一函措詞驕倖以貴軍出動部隊不多請後方不必顧慮並擬沿江大事增兵噶倫已到同普等語查敵部於前月贖日佔領德格隨即收復鄂柯藏兵潰退力已不支貴軍倘能大部增援與貴軍聯絡進行不難殄滅此虜望即飛電貴部前線官兵再接再勵共靖邊氛是所至荷並請將貴部最近進展情形隨時電示爲禱弟劉文輝叩號印

33 劉主席電

青海馬師長子香兄助鑒簡電奉悉承示增派馬旅進剿藏逆聲威所佈敵膽自寒佇聽捷音無任欣躍已如台囑飭德格前線敵部與貴軍切取聯絡併力夾攻藏彼凶頑共冀邊圉特電佈復敬希察照弟劉文輝叩敬印

34 致劉主席電

成都劉主席自公鈞鑒號數兩電奉悉貴軍在康已克復德格鄧柯等處溯自我公承辦康事以來節節勝利敵膽已寒翹瞻蓬籌無任欽躍已飛函玉樹前方之軍遵命努力共固邊方用副鈞命特電奉復敬頌軍祺師長馬步芳叩豔印

35 爲恢復失地告我軍應行遵守十二條全文

馬宜慰使良臣馬指揮炳臣及各團長各營長鈞鑒玉樹問題日趨嚴重我軍對於應付方略自宜特別審慎以期鞏固邊防茲擬刻下應行遵守各條列舉於後希卽一致查照辦理爲盼(1)此次我方對玉樹問題純係保守原有疆土其作戰出於自衛並非以武力加於藏番(2)我軍所希望者如藏兵能於最短期內完全撤退在青藏仍保持舊日和好(3)我軍此次恢復各地所有藏族人民應特別優予保護不得稍有騷擾(4)此次我軍恢復原地由駐防軍事長官召集活佛及千百戶組織安輯委員會安插被災難民以免流離失所(5)我軍前防各部隊應選公正廉明精通藏語者前往各地宣傳我方對於青藏交涉始終主持和平宗旨俾一般民衆澈底了解(6)我軍所到之處必須嚴守紀律秋毫無犯保守原有之軍譽(7)中央對於此次玉樹問題極爲注重業於我方接濟槍枝子彈無線電機不日完全運到務望我前方將士一致奮勇向前以盡守土之責而副中央鞏固邊防之至意毋得稍有畏縮致誤戎機(8)此次我方作戰將士効忠黨國異常出力者由本司令彙案呈請中央特別獎勵以彰勤勞倘有陣亡及傷者分別呈請中央從優議卹(9)我軍此次爲保護國防起見海暑遠征深入不毛千里饋糧并日而食本司令言念賢勞難安寢饋各將士從軍有年久共患難其各團結一致精神一德一心互相扶助萬勿稍生意見致有紛歧(10)此次作戰遇有藏兵受傷者由我軍送軍醫院調治俟傷愈給資歸藏(11)前防所俘擄之藏兵應由各部隊稍事稽留從優待遇俟軍事結束資遣歸藏(12)以上各條本司令言出至誠其各共同勉勵仰體此意則國防幸甚人民幸甚

36 通令各部隊

爲令知事頃奉參謀總長蔣文電開西甯青海南部邊防區警備司令馬鑒據參謀本部轉據該司令冬電陳此次藏番擾邊所部馬旅

奮勇抗戰屢挫敵鋒雖未完全擊潰亦足大塞敵膽所有出力將士一並傳諭嘉勉以資策勵至所請汽車須俟統籌一時不能照發外無線電機等已電楊主任轉飭沿途駐軍妥爲保護矣蔣中正文未參印等因奉此仰見中央眷念邊軍之至意望各繼續努力以竟全功爲此合函令仰該長知照並轉飭所屬一體知照此令 九月十三日

37 川軍鄧指揮通報

一 頃奉敵軍長電開甘孜鄧指揮鑒公密前由部電約青海馬師長步芳夾擊藏逆頃接馬師長文日電覆已派馬旅長良臣率隊馳赴玉樹宜慰並與該處駐軍向昌都前進以期夾攻用副尊命務望迅飭戍邊貴隊接洽聯絡以（電碼不明）勢等語除電覆外着速與馬部聯絡接洽以收夾攻之效仍將馬部移動情形電呈軍長劉文輝巧印等因奉此

二 敵指揮率步兵十一營特科六連於五月六號克復甘孜七號克復瞻化現敵約四五百人正與敵軍屢戰於大金白利昌太一帶逆敵頗受摧殘日內可望攻下

三 敵軍方略第一步收復甘瞻攻下大白第二步收復白玉德格後即與貴軍會再圖進展

四 貴軍現在戰况以後方略如何詳爲示及藉便還循

五 現敵軍本應派官長前來督調崇嶺接洽一切惟因沿途通過須多藏番守境不能前進故僅派甘孜夷民遞送通報希馬旅長公鑒川康邊防軍一師二旅指揮鄧驥

38 致玉樹馬指揮及各旅團營長函

各旅團營連指揮司令助鑒藏兵東犯西康北侵海南稱兵逞兇日趨嚴重所幸台端爲國爲民協力抵禦以故敵未得逞豐功偉烈極深欣慰刻下援玉部隊一律齊集自應同心殺敵恢復失地惟是川軍輔車相關勢同唇齒現已聯絡四川各軍首領一致合作夾擊藏兵俾收實效而四川劉主席現已允購我方籽彈十萬粒以供軍用誼切鄰封良堪欽佩此次川軍對於我方非常熱心而我軍對於川

方亦應切實聯絡我軍進展所到之處務必約束軍隊嚴守紀律對川民則極力保護相親相愛如同家人對川軍則竭誠團結一心一德有如昆仲尤其要者對西康軍之首領若彼此相接必須服從其長官命令受其指揮總期進行一致膚功可奏敵可消弭以上各事望即切實辦理事乃可濟我方若稍有不慎有傷和陸關係國防不堪設想務須謹慎至要至要近來戰事情形如何尤望隨時源源見告藉明真相憑報中央川中去電隨函抄上即乞一閱爲盼專此敬請助安馬步芳啓

39 致成都各軍事首領函

自乾主席領堯軍長普康軍長德齋師長鈞鑒耀奎團長助察鳳暮鴻儀未親屢教雖郵筒之互達實夢設以爲勞敬維靖遠功高綏邊望重旂旗在望頌禱奚如刻值瀾濱凋殘遼熱淪亡國難未艾杞憂曷已迺藏兵被人德惠乘機尋釁東侵西康北攻海南夜郎自大貪隴望蜀行動背謬良堪痛心芳忝職警備責無旁貸前日派喇團長平福帶隊往援近擬又派馬旅長祿又率騎兵不日赴玉用厚兵力相機進展惟是川青形同唇齒誼切輔車願本合作之精神藉收夾擊之功效犁庭掃穴會師昌都痛加懲創阻其覬覦邊圍以固青康幸甚茲派敏海峯重來蜀中趨謁崇階虎帳面陳一切卽祈俯予延見諸凡指導無任盼禱送上土物數包聊以伴函卽祈晒納是幸專肅敬請鈞助安馬步芳謹肅鞠躬

40 致西康德格鄧蟠村指揮函

蟠村助鑒仰瞻豹略未覩鴻儀落月屋梁倍深馳思敬維助隆邊徼靖遠西康旌旗所指世擅揚鷹之略帷幄操勝家傳司馬之書雲天在望頌祝奚似藏兵恃入衆械利乘國難方殷之際妄動干戈東擾西康北侵海南禍國殃民神人共憤所幸我兄統率精兵大張捷伐石渠鄧柯先後克復蘇莽囊謙亦相繼攻克共退兇鋒大寒敵胆惟是昌都要地藏兵集中尙未克復關於兩省治安大有妨礙康青勢同唇齒誼切輔車今後尤須互相扶助協力進勦竟全功而固邊防我兄賢明諒表同情前蒙惠賜籽彈多種接濟玉防至爲銘感茲派馬處長驥前來恭賀勝利代候與居務祈俯予賜見諸凡指導此間一切囑由該處長面爲詳陳統祈筮訓是所至幸專此敬請助安

敏海峯致成都劉主席等電

成都劉主席自公鄧軍長晉康田軍長頌堯馬師長德齋鈞鑒代表奉命來川晉謁崇階報告邊情已於感日首途晤教在即餘容面罄肅電奉聞敬頌崇安代表敏海峯叩豔印

致成都劉主席等電

成都劉主席自公鄧軍長晉康田軍長頌堯馬師長德齋鈞鑒竊以康藏問題中央自交劉副主席承辦以來屢謀和平解決而藏人始終弗悟後由自公主席電飭西康駐軍進攻次第收復瞻對甘孜大金白利雜堆等縣最近又克復德格鄧柯等處西康全境行見恢復惟藏人前犯敵省玉樹縣之蘇爾莽昂謙等地方焚殺劫掠備極荼毒以圖逞其併我海南各部目的步芳職責所在決不能放棄守土責任已派相當兵力集中玉樹大舉進攻誓復失地期與我在康之軍會師昌都鞏固國防除將邊方詳情派代表海峯於感日由青登程來川晉謁崇階報告邊情敬聆機宜外特電奉聞敬頌助安師長馬步芳叩豔印

致成都劉主席電

成都劉主席自公鈞鑒青密豔電計邀台晉頃接玉樹馬司令炳丞報告現在職率所部與藏逆正在激戰之中幸賴官兵用命敵未得逞若我援一到職當繼續努力誓清邊氛所有鄧柯之友軍相距約二百餘里雙方業已接洽聯絡一致文函常通一切共策進行請釋遠念惟最感困難者籽彈缺乏懇祈迅爲接濟等語查職前後派去援兵協力擊敵固屬應當而籽彈之困乏誠爲可危務懇鈞座飭由德格鄧柯兩處設法接濟七九三八兩種籽彈貳萬粒之譜俾敵軍殺敵致果共奠邊疆川青唇齒相依休戚攸關萬望俞允無任企禱專電奉懇敬頌崇祺師長馬步芳叩豔印

致成都劉主席電

特急成都劉主席自公鈞鑒青密豔三電計邀台晉頃接玉樹馬司令炳丞報告近將距玉附近之敵業已擊潰追出八塘灘是役計斃

敵八十餘名奪軍用品甚多我軍先後陣亡二十餘名受傷目兵二十餘名餘皆平安敵人退却至拉秀族及玉邊大小蘇爾莽一帶正在調集重兵作最後之劇戰擬日內親率官兵向前進攻期靖邊氛並懇轉電成都劉主席飭前方之軍向昌都推進以收夾擊之效等語伏懇鈞座電令前方之軍由同普向昌都進攻以期雙方夾擊使敵不能兼顧會師昌都恢復失地奠定邊圍爲一勞永逸之計使中央無西顧之憂皆鈞座之賜也再暨電懇由德格鄧柯等處接濟籽彈兩萬粒如蒙俯准請由前九十萬粒內撥付或壹萬粒亦可茲有致玉樹馬司令炳丞一電請由西康無綫電拍發並請飭余旅長或鄧指揮派專差遞去藉求迅速無任企禱除電令職軍抵康境後一切須聽鄧指揮命令以一事權而收效果外肅電祇頌崇祺師長馬步芳叩世印

致劉主席轉馬司令彪電

成都劉主席鈞鑒茲請轉玉樹馬司令炳丞電文如次玉樹馬司令炳丞助鑒 日報告已悉執事既擊潰附近之敵尤擬前進勇敢善戰殊所欣慰所請各節已電懇劉主席飭前方夾攻矣我前後派去之軍想已集中玉樹結古只可留數十人防守望即督率全軍再接再厲向前進攻收復失地後會師昌都協同川軍一致推進若能至西康境內尤要聽川軍軍事長官命令爲第一宗旨以現軍人服從之義而聯絡兩省之好嗣後來電仍望由川省拍發是囑順頌戎綏馬步芳卅印

余旅長來電

青海馬師長子香公鈞鑒頃奉鈞座文電飭轉玉樹馬指揮炳丞等因當即電令德格鄧指揮遵將原電專差飛送玉樹並飭鄧指揮妥與貴軍協同動作矣知關廬念謹電覆陳祈時示機宜無任盼感肅頌助祺川康邊防第一師步兵第一旅旅長余松琳字如海叩文印

覆余旅長電

西康余旅長助鑒文電奉悉諸荷關愛感銘五中此次藏兵擾我邊疆青康唇齒相依諸事自應取一致行動前已電敝部駐玉馬司令彪與貴部深切聯絡對於一切機宜尤祈我公隨時指導前方情形務乞電告爲禱專電祇候助安弟馬步芳叩元印

劉主席來電

特急西甯馬師長子香兄勛鑒青密虞日三電均奉悉囑轉馬宜慰使馬司令暨鄧指揮兩電已如台命譯發矣川青唇齒相依義當互助猥辱言謝轉用爲慚承示已令馬宜慰使馬司令速向南攻敵處亦經電飭前綫各部俟貴軍到達相當地帶即行派隊渡河夾攻藏敵仍隨時互通消息切取聯絡用策完全特電布復敬希察照弟劉文輝叩佳印

劉主席來電

特急西甯馬師長子香兄勛鑒青密齊電誦悉昨奉虞日三電當於佳日電覆並如台命譯轉良臣宜慰使及炳丞司令飭令鄧指揮飛送結古矣貴軍前綫情況仍盼隨時電示爲荷弟劉文輝叩文印

致劉主席電

特急成都劉主席自公鈞鑒青密佳文兩電次第奉悉頃據玉樹報告我軍現正向大小蘇爾莽前進開始攻擊與敵正在鏖戰之中餘情後報等語謹此奉聞特電敬頌崇祺馬步芳叩銑印

致劉主席電

特急成都劉主席自公鈞鑒青密銑電計邀台督頃據玉樹馬司令炳丞馬宜慰使良臣報告我軍自宜慰無效困守結古藏兵屢次來攻均未得逞八月十日大敗藏兵敵人潰退至八塘拉秀族一帶勢欲大舉反攻並向我方大小蘇爾莽進攻各情曾經報告在案蒙派喇圖馬賊先後來援邊土聞之軍心倍奮及至喇圖長平福抵玉職等計議所向應宜先取小蘇爾莽爲宜二十二日職即率隊出發由八塘向小蘇爾莽前進二十六日行至距結古二百餘里之照口孫藍道地方有藏匪放羣大哇率領小醜千餘正與我軍接觸職等督軍猛攻數次自上午九時開火至下午三時止擊斃藏匪五百餘名活捉二百餘名奪獲鋼槍一十七枝鉛槍五十餘枝二十七日敵勢不支我軍節節前進至小蘇爾莽當存寺地方該寺駐有藏匪營長夏宗大辦日奔率匪千餘名與我軍竭力抗禦自下午一時起血戰

至四時止幸賴我官兵異常奮勇擊潰藏匪克復小蘇爾莽是役計斃敵二百餘名俘獲敵人營長一員民兵一百一十餘名奪獲英造馬鋼槍八十餘枝鉛槍六十餘枝擊斃敵人馬匹無算我軍陣亡副官一員兵士四名受傷兵士一十二名所有各處番民非常喜歡迎我軍馬旅長祿業已到玉我軍擬向大蘇爾莽囊謙拉休族前進所有失地不難指日恢復至在鄧柯德格之川軍約同過金沙江進擊職等率隊前往迎接渡江藉便策應聯絡戰綫職等竭力夾攻總期會師昌都以慰鈞座西顧之憂以後戰况隨時報告等語查貴軍業已與敵軍聯絡一致應請鈞座迅電德格前方之軍協同進展期靖邊氛無任企禱肅電奉聞敬頌崇祺師長馬步芳叩 印

致馬宣慰使等電

萬急成都劉主席自公鈞鑒青密請轉馬宣慰使良丞馬司令炳丞鑒頃由專差治得詳八月二十七日報告業已詳悉當即飛電各當道處呈報矣仍望督率所部再接再厲向前進攻與鄧指揮切實聯絡一致進行並迎接過江以期同時進展是所至囑再前由鄧指揮處轉去卅虞二電不知收到否仍盼電覆爲要馬步芳巧印

致馬宣慰使等電

萬急成都劉主席自公鈞鑒請轉玉樹馬宣慰使良丞馬司令炳丞均鑒巧電計達此次台端等督率官兵奮力殲敵節節得勝已進佔小蘇莽並擬進攻大蘇莽昂謙恢復失地以竟全功令人欽慰曷極已將獲勝詳情電呈中央暨陝甘川等省各當道期明真相而彰戰績惟是藏兵狡悍異常若不急于肅清恐又調集醜類死命反抗復費掣肘務望台端等於乘此大勝之威激勵將士奮力前進攻下大蘇莽昂謙兩處則玉樹邊境完全收復後速將川軍援接渡江協力同心共攻昌都乘此機會以復川邊被佔各地而固鄰誼且免藏人再生覬覦擾亂兩省邊境之患是所至盼至要肅電並賀捷膺馬步芳皓印

劉主席來電

青海馬師長子香兄助鑒青密巧電奉悉貴軍運獲大捷收復小蘇爾莽並已向大蘇爾莽等地前進聲威所播敵膽皆寒逃聽之餘無

任竹賀已飭敵部前線遵照迭令與貴軍切實聯絡隨時協商妥辦以竟全功特電布復敬希察照弟劉文輝叩養

致成都劉主席電

成都劉主席自公鈞鑒青密電奉悉藏兵恃強侵入青邊叨賴我鈞座威福將士用命結古圍解玉樹無虞外又取復小蘇莽認蒙鈞座電實益令人感慚交集現仍遵命飭前防馬司令等乘勝火急前進收復大蘇莽昂謙後會合鄧指揮協攻昌都以副鈞命而竟全功再職部屢請轉電馬司令彪等卅虞巧皓各電已否收到未得電覆深所懸念仍望電飭前方催轉是所至禱肅電伸謝敬請崇安職馬步芳叩宥印

鄧指揮來電

青海馬司令長香公助鑒前送貴部少數籽彈藉表區區微忱辱荷賜電齒及彌增慚慙尊電數通當轉結古去訖計已收閱至敵軍與貴軍原屬唇齒相依休戚與共以後或攻或守自應切取聯絡協同動作除派敵部王副官常川駐結用資連絡而通聲息外一俟敵軍補充完善當與良炳兩兄策商之也請釋廛念弟鄧驥叩於德格皓印

復電

西康德格鄧指揮蟠村兄助鑒皓電奉悉貴部專差王副官住結古敵部玉軍又派員來兄處聯絡從此川青一家息息相通師克在和惟於台端期之仍望將前方及結古各情隨時電告不勝盼禱再敵部馬旅長祿率隊援玉計已到達尤望雙方協同進展早奠邊疆而竟全功是所至禱特復敬頌戎綏弟馬步芳叩感印

余旅長來電

青海省馬師長子香公鈞鑒頃奉鈞座銑電已立轉德格電台飭飛送玉防炳良兩兄去訖頃據鄧指揮蟠村自德格電告貴部玉防當局已派人來德格聯絡敵軍由鄧柯上游渡江貴軍即移卡薩聯絡出動刻敵軍正秘密移動等語又據鄧指揮寒電稱接鈞部炳良

兩兄豔日函養日自結古出發向蘇莽進展有日抵照口孫藍道遇敵三十餘登時仍繳其械次日在小蘇莽得思台遭遇敵夏宗戴璋三百餘騎激戰三時斃敵百餘生擒甚衆正向囊謙進展又據鄧柯劉營報告青軍尙未到達蘇莽囊謙刻尙未向前進展各等語想貴軍捷報鈞部早有所聞前奉鈞電飭雙方聯絡進展仰見尊重國防同仇敵愾拜讀之餘至爲仰佩目前尙能一致進展則貴軍附其背敵軍擊其衝任敵勢如何披猖實不堪雙方共擊會師昌都惟公是賴除貴軍捷情電自公在省報披露表揚外並已飭前敵妥聯貴軍一致進展務懇時示機宜不勝拜感余松琳叩馬印

復電

西康康定余旅長如海兄助鑒馬電奉悉承示各節誠屬目前要着藏逆雖受巨創安知不捲土重來作最後之掙扎弟以此意迭請轉電馬司令炳丞等乘勢銳進會師昌都矣尊電云及已立轉德格電台飭飛送玉防等語甚慰懸懸惟敵處交通專賴騎兵自甯至玉往返一月要求迅速不得不賴貴處電台之力現在敵部馬旅長祿率隊援玉計已到達仍請就近協同進展肅清醜類以竟全功是所至禱特電敬頌戎綏弟馬步芳叩感印

劉主席來電

青海馬師長子香兄助鑒青密電敬悉前奉陽電業於尤日電復計邀台察所承電示已飭敵部鄧指揮協同貴軍馬指揮等確偵敵方情形相機進擊正譯發聞適海峯營長蒞止談接之下自叙摯誼已將敵處近况告知海峯請爲代達一切並祈惠照弟劉文輝叩篠印

致馬良臣宣慰使函

良臣司令助鑒前此藏兵犯境扎烏百戶爲我出力以禦藏兵足見明於大義忠實無貳芳欲加以職責酬庸具勞未諳以何職爲宜或委以旅長抑或任以游擊司令請台端商同炳臣詳加酌定速爲函知以便委任藉資鼓勵惟台端勤勞國家跋涉數千里之外持節邊

疆宜懸二十五族之中務希大展經綸宣化遠人俾期輸誠無貳始終弗懈我方有南部之實中央無西顧之慮查玉樹遠遠民未懷仁更宜聯絡感情以招歸來破除畛域不宜僞私柔遠能邇惟君是賴他如佈防設禦統籌全策使敵人勿逞我隙勿踏我瑕莫玉疆於磐石之安使玉民無金戈之擾是在台端與炳臣之責當因事因人以制其宜而便宜從事可也茲預備鉛鋼槍數百枝正在裝箱擬派隊護送前來籽彈亦當陸續起運到達之日發給扎烏百戶以資接濟所有援兵俟簡拔勁旅即行開赴前來此間安堵雨暘如時知注特告際此國家多事風雨飄搖之時地方責任當在我輩起顧神州怒焉憂之芳現率師部全體自芳以下以至目兵全付武裝露宿野外加緊訓練夙興夜寢曾未稍怠不徒爲地方之困庶可以備國家之用其他政教各事置之弗問可也專此順頌旅綏馬步芳啓

馬炳臣司令馬良臣宣慰使來函

師長鈞鑒敬稟者前呈急稟諒蒙垂察現在玉事日形緊張藏匪日見增加頃據探報上下巴塘拉秀邊遣寺一帶已有逆兵四千餘人舉動雄猛勢將近逼到處擄掠知洗人民不堪其苦旣懷藏匪之慘橫蹂躪亦怨我方之無力保護刻下拉秀拉布兩族人民已脅從藏方成多拉布寺斜武等處已有逆兵進據之報告兵民惶恐萬狀均以衆寡懸殊不敷應付爲慮職等一意遵承和平政策而函件迭被坎輒大瓦扣留無論如何設法不得到達昌都况無別路可投書信不通道理不講人情一味蠻橫胡爲何和平之可言哉現在和平旣屬無效危機日見緊迫如果援兵急切不到恐全玉人民均步拉秀拉布之後塵至是不但境宇全失而且地方糜爛永無恢復之日萬懇鈞座至少添派騎兵一團無分星夜兼程來玉以救危局顧全威信如果援軍礙難遣派請賜明令職等審機撤退免孤軍受困徒耗彈藥用特不揣冒昧披瀝上陳伏乞鑒察臨稟迫切不勝待命之至再傷兵以無醫藥痛苦倍重如果援軍准派懇祈酌遣西醫數名攜帶藥具隨軍前來以資療治無任企禱肅此恭請鈞安職馬彪馬馴謹稟 七月 日

馬馴馬彪上馬師長函

師長鈞鑒二十七日及七月一日之報告諒蒙垂鑒五日藏匪色圍結古各山嶺天曉即接觸開火賊衆約三千餘人我方極力撐持實

難獲勝遂退守卡子我方計三營陣亡官兵一名番勇二名敵方斃十一名傷數十名現在三營籽彈耗費殆盡我方除竭力守卡以待援兵外已無出發攻擊之能力該地番兵以扎拉布兩族極得力藏兵已近在咫尺舉動結古水澗不通人心惶恐已達極點援軍如稍遲緩則全軍休矣肅此仰懇鈞座火速添派援軍接濟籽彈以濟危急禍迫眉睫萬懇從速爲禱昨奉鈞函及電稿囑聯絡川軍以資互爲聲援以收夾擊之效等因職等早已設法聯絡具函派商人繞道獐狍送來矣能否達到尙難逆料肅此敬請鈞安職馬彪馬馴謹稟
七月六日

拉卜倉來函

師長鈞鑒拉卜倉謹肅者馬宜慰使已到玉樹各族官民均遵宜慰使指揮祈勿注念五月二十五日藏兵數千人來玉樹離五里地方駐營現在侵擾班欠寺懇早發援兵接濟至爲盼禱餘情託來人面呈專肅敬請鈞安
五月三十日

馬炳臣司令來函

師長鈞鑒謹啓者此次與藏逆激戰傷兵頗多惟玉地醫藥均無傷人呻吟林第殊甚憫惻伏祈鈞座設法派來西醫生幾員並帶西藥多種以便療治庶傷兵有可減少痛苦之慮專肅祇請崇安

馬炳臣司令來函

師長鈞鑒謹啓者前所帶毛瑟槍籽彈均以一百五十粒支領其餘各種籽彈均以一百粒支領此次與藏逆激戰十日藏逆籽彈充裕一刻不容停止職部所有各種籽彈耗費一空伏祈鈞座將毛瑟槍老籽彈發給多數因新造籽彈應用不佳再料無烟槍意圖槍籽彈七米粒籽彈發給大批速運前來以便應用至爲盼禱專肅祇請崇安

復函

炳臣司令助鑒前接奉函備悉種切比維部伍迪吉旅社安燕爲慰茲派副官馬成功送來七米厘籽彈二千五百五十粒斜無烟籽彈

七百六十粒舊毛瑟籽彈三千粒共計各種籽彈六千三百一十粒到日點收青省安謐如常勿須遠懷專此敬請防綏馬步芳啓 五月
一二日

覆馬司令函

炳臣司令助鑒專差來甯接奉手書備悉結古防務各節深爲遠念芳因此事近日連夜未得安眠局勢今已如此我等惟有竭力籌劃共膺艱難以圖補救卽祈台端放大胆量力持鎮靜相機對待至所需籽彈已於今早派馬副官成功送上舊毛瑟籽彈三千粒七米厘二千五百五十粒無烟籽彈七百六十粒頃又交專差帶上毛瑟舊籽彈一千五百粒水連珠籽彈一千粒三八式籽彈三百粒意國籽彈二百粒統希照收以備需用自後籽彈仍當源源接濟俾免缺乏所有派來副官均留台端處藉供馳驅勿令來甯爲盼專此佈覆敬請助安

覆馬司令函

炳臣司令助鑒前接來書卽覆兩函並述所送籽彈數目各節頃奉西安楊主任暨四川劉主席呈奉蔣委員長並汪行政院長各電除將原電照抄各一份附陳鑒閱外茲將前函未盡之言再爲陳述之查藏兵此次妄動于弋侵我境界此間初得報告之後念青藏原係一家爲顧全邊陲大局計先宜和平對待以期消滅戰端一方卽電呈中央並西安楊主任請示辦法迺藏兵蠻橫無理至今進攻不已是藏兵甘爲戎首破壞和局其曲完全在彼又中央近覆四川劉主席各電對於摧敵復地激獎有加有令我方出兵夾擊之語是中央對於藏事十分注重已有辦法矣卽祈台端刻下切勿自餒激勵軍隊並民衆等竭力防禦固守結古救援軍隊卽行出發所有籽彈除已兩次送上下外仍當源源接濟以免缺乏專此再爲函告務望相機辦理萬勿稍生退慮之念是所至盼專肅敬請助安統希鑒照馬步

芳啓 五月十五日

致馬臣炳司令函

炳臣司令助鑿未觀叔度條已滿載遙維公祺時宜履祉迪吉爲慰茲派韓隊長成龍送來利明燈步槍一百五十枝每枝槍附帶籽一百五十粒到日點收再與韓隊長隨帶人二十名共發給各種鋼鉛槍二十枝每枝發籽一百粒統希佈達此間安堵如故芳亦平善祈勿遠懷專此敬請旅安馬步芳啓 七月二日

馬良臣宣慰使來函

師長鈞鑒頃奉誨諭敬悉種切七月十三日以前戰守各情形業經迭稟在案並參謀長朱生明面陳諒蒙聽聽矣近半月以來逆兵宵夜攻擊較前更猛我方陣亡士兵二名負傷六名擊斃敵兵四十餘名擊傷甚多日內敵方大砲機槍終日轟擊晝夜不息對於職屬第一連馬占元部所守卡子以地屬要塞攻擊尤爲迫緊前後猛撲五次均被擊退卡內共落大砲彈六枚打毀帳方五頂軍用品多件幸托福蔭官兵未受損傷韓隊長護送槍枝籽彈已於二十七日安抵結古除駐玉三營以斜無烟槍籽彈告竭頂發五十枝外餘槍商同炳臣司令與扎務百戶發給五十六枝隆布百戶發給四十枝古岔掩羣兩百戶各發五枝該百戶及民衆等同聲感激激聲雷動雖未發到援軍然以增槍補彈亦可壯我聲勢至於出發攻擊非得大部援軍補充籽彈不可前函迭經呈明想援軍現已首途矣尤望飭令兼程前進以免貽誤軍機而顧威信至着職移駐成多以爲掎角等因查目前時勢緊張萬難移動况藏兵以全力圍攻結古將及一月若非職部早日到達不但彈藥無繼人數不敷分配而且人心惶恐危險何堪設想目下結古圍成鐵桶我方在周圍險地共設要卡十餘處職部分守四處以少敵衆日夜防守兵力有限寸步難移際此進退維谷困苦交橫之秋惟有再接再厲奮鬥到底紆鈞座西顧之憂解邊民倒懸之厄困苦險阻在所不計肅此恭叩鈞安職馬馴謹稟 七月二十八日

致玉樹馬司令炳臣函

炳臣司令助鑿近藏兵侵玉包圍結固猛攻三次幸賴台端指揮軍隊協力抵禦率衆堅守勤勞備至堪欣堪欽當經轉呈中央蒙蔣委員長來電嘉勉並蒙撥發槍枝籽彈電機等項可見中央對於邊事極爲重視前派喇團長平福尅日起行率隊馳援屈指計日此刻當

已抵玉實力漸充吾圍以固亟應妥爲計劃收復失地刻又委馬團長祿爲警備第二旅旅長擗擋一切帶騎兵一團共計四營不日即可開來結固以厚兵力望台端會同良臣宣慰使馬祿旅長喇團長海巖和衷共濟妥籌機宜於自衛之外量力進展遏彼兇鋒收復失地用保青省轄土之完整卽爲我第九師保全榮譽且不負先主席經營玉樹二十餘年心力於地下也專此手覆卽請安助馬步芳啓

致馬良臣宣慰使函

良臣宣慰使助鑿藏兵侵玉計四月閱矣遠勞台端跋涉千里飽嘗辛苦而藏兵終未覺悟弗受宣慰不得已而訴之武力其曲在彼良堪痛心前派喇團長平福尅日率隊起程赴玉應援屈指計日此刻想已抵玉矣惟欲謀最後之和平解決非先自具充實之武力不足以固吾圍而收失地且中央對於此事極爲注意先以實力接濟我方所領獲之步槍籽彈無線電機等項均已起運抵陝不日卽可到青刻又委馬團長祿爲警備第二旅旅長擗擋一切不日率騎兵一團共計四營馳玉增援卽希台端侯各部隊取齊之後與炳臣指揮馬祿旅長喇平福團長協力同心妥籌機宜自衛之外量力進展遏其兇鋒更望對於一切事宜集思廣益和衷共濟或守或攻萬衆同心一致進行俾收實效至於川軍鄂旅長驥前有協議夾霧之策倘我方力所能及卽予以相當之援藉聯臂助用照信好以上各事統籌全局審度進行既貴妥善更宜機密情形如何卽希隨時見告爲要專此手覆敬請助安馬步芳啓

致喇海巖團長函

海巖團長助鑿董副官所輸糧秣完全起運又與二三兩營並運糧之人分別發給辦理尙是此次台端帶隊應援救我孤軍及番族同胞鞏固邊疆裨益良多刻下計劃擬於自衛之外量力進展茲又派馬旅長祿帶騎兵一團共計四營不日開來以厚兵力尙祈台端與良臣宣慰使炳臣指揮和衷共濟統籌全局或攻或守萬衆同心一致進行俾收實效是爲至要馬步芳啓 八月八日

致馬良臣宣慰使馬炳臣司令函

良臣宣慰使炳臣司令助鑿頃接惠箋欣悉我軍屢獲勝利藏逆節節潰退大有不支之勢各等語莊誦之餘無任歡欣惟思自康藏間

題發生以來於今數載寸進尺取兇箠日熾攻地陷城愈演愈烈邊境震駭中樞束手大使星馳卒未調解曠歲待久益增猖獗縱橫馳肆莫敢誰何今幸賴執事等出征絕域奮發智勇以兵民數百之寡而能克咆哮邊境兇頑莫當數千梟張之徒足見俱蘊勝殘盡敵之誠咸蓄翦凶伐暴之志故能累摧堅陣深探窮巢元惡雖脫於俘囚兇徒期盡於鋒刃藏逆受此劇創定必內蓄危疑倉皇失圖心膽亦寒遠道傾聽權忭曷似前派喇團兼道聲援計程已達茲調馬旅長祿統率精騎星夜赴玉俟到達之日核計我軍兵力已稱雄厚可於結古只留數十騎以備後防餘均出發迅速進攻惟逆累經覆敗氣沮勢羸力屈智窘定無固志惟冀執事等乘我師勝捷之氣臨亡虜傷夷之餘風驅電馳追奔逐北恢我失地進取昌都逆夷貪詐不可縱逸是以兵貴神速不尙巧遲速則乘機遲則生變如能乘逆進退追惑偷全餘生之際恢復昌都爲我根據昌都素爲繁植之區尙可以藉資糧秣以固軍食庶免此間飛芻挽粟轉輸遠阻之困並能會合川軍易通消息聯絡一致並力進取非但收軍事行動迅速敏捷之效亦可以就近接洽告借籽彈以資通融或變通購買藉資補充惟中央所發籽彈尙未運到昨接電報始抵陝西此間起運亦大不易幸荷成都劉主席前曾來電慨允購買籽彈十萬昨派敏海峯代表赴川專責起運並攜大種禮物聯合川中軍事各首領以固川青感情而爲最後對藏緩急相需之地而川方要人函電頻馳對於我方極表親切以亦其毗連疆域無間蜀青之誼我亦屢復函電藉推其勤勤懇懇之誠昌都係川方屬地如賴諸君之力幸能恢復最宜沉着穩靜不矜已功不伐己能凡事須呈商川方高級軍事首領而聽受其指揮以彰我爲國竭忠之誠而泯其爭功邀利之端庶可却隨賓侵主之嫌以保全克終善始之義芳聞之能小屈者必能大伸能忍於內者必能戰勝於外管子之大智者愚大言若訥至勇似怯至剛似柔蓋運用於無爲無能之中而取勝於不察不意之外雖能至勝而人不妬其勝雖能至成而人不忌其成非剛勇之至者不明此道也此子房之所以能敗楚而武侯之所以興漢也總之川青鄰封之誼而爲輔車之依親仁善鄰義居唇齒最宜始終聯絡永結盟約不容稍生裂痕致失前好况藏逆謫詐事變難測川青合作則兵力雄厚聲氣相通互爲拮据互爲援助則逆之勢分力弱則有顧此失彼之虞腹背受敵之慮是未見鋒刃之相交而驅逆斃於奔斃之所矣兵法所謂分其勢弱其力以逸制勞而以謀取勝者也此逆之

所以大危也故曰師克在和成於謀而戰勝於功利之外者也執事等夙稱明達洞悉機宜諒不以吾言爲河漢也專此佈覆敬請助安

致馬炳臣指揮函

炳臣指揮助鑿茲者玉樹札武百戶屢經幫我軍防禦自衛異常出力已由此間委爲番兵游擊司令並遣韓隊長成龍馱運黎明燈槍一百三十枝麻乃頭槍一十九枝二共一百五十枝每枝配籽彈一百五十粒已另函炳臣司令查收轉發札武百戶備用並祈我兄移駐城都爲犄角之勢便於策應切勿一處駐紮免其不虞特此達知

致馬炳臣指揮函

炳臣指揮助鑿此次札武百戶等協助我方防禦自衛異常出力已委爲番兵游擊司令委狀併發祈收轉并派韓隊長成龍馱運黎明燈槍壹百叁拾枝共壹百伍拾枝每枝配籽彈壹百伍拾粒至希照數點收轉發札武百戶暫爲備用容俟中央槍到再看緩急續運可也除另一函良臣宣慰使請其移駐城都以爲犄角免敵所乘刻下青垣如恆雨水調勻知注及之

致馬炳臣指揮函

炳臣助鑿作展惠賊耿悉種種藏逆野性難馴我方屢次以和平解決彼方恃番蠻武力節節近逼勢甚鴟張我方兵力單薄恐爲所乘惟有增加兵力以資防衛頃由此間擬開軍隊千名尅日出發赴玉援助厚我兵力俾增駐軍壯氣也至希妥爲佈置嚴密防範以免虞外至爲切要 七月十八

委隆布族百長普納爲番兵游擊副司令

爲令委事頃據玉樹前防指揮馬彪函稱此次藏番侵入囊謙蘇莽一帶隆布族百長普納率領百餘人奮勇抵抗異常出力呈請委任該百長爲番兵游擊副司令以酬懋庸而專責成前來查該百長普納幫助駐軍保守結古具見深明大義殊堪嘉許自應照准藉勉賢勞除委狀附發外仰該百長繼續努力務須再接再厲以竟全功切切此令計附發委狀一件

上鄧主任電

蘭州綏靖行署鄧主任鈞鑒密頃奉支電及魚日兩電均祇悉藏兵進玉樹關係邊防至爲重大中央與職部所發軍械蒙鈞座連電轉催又荷電託續參謀長在陝等候以便維持一切仰見垂念股拳鼎力扶助感銘曷已喇團長不日到達玉樹刻擬再派馬旅長祿統帶騎兵繼續前進不日出發祈釋鈞注職馬步芳蒸印

嘉獎玉防有功官兵及千百戶並發銀質獎章通令

爲通令嘉獎事案查此次藏兵肆橫犯我邊疆卽擾我玉樹復侵我蘇莽焚殺戮掠備極殘酷使我海南無辜之同胞皆輾轉於槍林彈雨之中而呻吟於折脅穿胸之苦我軍爲息事甯人計令馬宜慰使馴持節玉疆從事調解期救玉民於水火之中奠玉地於磐石之安化金戈爲玉帛解倒懸於垂危棄怨就好永睦鄰封而乃我有信使彼無報函蔑視人道罔顧公理其暴戾恣睢奸險詭譎之性誠不可以理喻後尤率隊進逼暗熾兇饑乃以蝟結蟻聚之衆欲逞蛇噬豕突之技所幸我武維揚奮發神勇摧鋒陷陣追奔逐北尤賴玉樹各族官人百戶札武拉達不慶固查成多娘磋登馬暨番兵等明於大義爲我前驅我父老昆弟飛芻輓粟運輸無虧作我後盾卒能扶羣策羣力而收臂助之效而我士兵能於殺敵致果之際尙能獲敵槍枝奪敵輜重因糧於敵以實我力此皆得力於我將佐士兵及玉族百戶官人以暨我父老昆弟之功最多本司令聞信之餘無任欣慰若不傳令嘉獎着給獎章何足以昭激勵而褒榮譽着宜慰使馬馴玉防警備司令馬彪暨各族官人百戶以暨各官佐發給銀質獎章以示優異而彰有功仰各官佐士兵竭其能力爲國家勤勞效忠疆場慕定遠探穴擒虎之志效宗懋請纓獻俘之功一心一德再接再勵於最艱難之環境爲最激之奮鬥望我將佐士兵暨我玉樹各族同胞努力抗敵以固邊防而張軍威本司令有厚望焉除分令外合亟令仰該知照并轉飭所屬一體知照此令

致班禪佛函

班禪大佛法鑒遙隔慈暉飯依彌切日前李代表金鐘抵青奉到鈞函備蒙垂注股拳感銘無已聞佛座蒞青有日此間各族人民莫不

馨香頂福竭誠歡迎何日啓節尤祈預爲電示以便派隊遠道迎迓旺處長在青相交甚久極爲洽契辦公處進行各項事宜步芳與之商酌竭力協助諸凡尙稱適宜祈釋塵念此次青藏交涉日趨嚴重今年三月藏兵忽侵入海南佔據囊謙及大小蘇莽步芳以青藏原屬一家決非對敵不忍豆其煎操戈同室且國難當前正在一致禦侮又怎能自相殘殺貽譏外人當由省府派委馬旅長馴前往奉命宣慰乃馬旅長到結古後數次派員持函前往與三王千布接洽經藏兵嚴行阻止險遭毒害敵部愈益退讓而藏兵愈益進攻所過各番地及寺院焚殺擄掠慘不忍聞屢經拉布倉佛及扎武斜武各千戶專人來青請派援兵以資抵禦不得已因調遣喇團長平福帶隊星夜兼程赴玉刻又派馬旅長祿不日亦率隊出發惟我方此次純係出於自衛並非以武力相加將來藏兵如能早日撤退青界則仍持舊日之和好耿耿此心諒在我佛洞鑒之中先嚴撫青廿年與我佛夙敦交誼凡屬各族人民無不親若骨肉步芳仰承遺志所有關於邊防問題亦惟以和平處理冀免隕越刻值西南多事尤懇法駕迅即降臨庶一切有所秉承也肅佈區區敬候禪安馬步芳鞠躬

八月十三日

致馬炳臣指揮函

炳臣指揮助鑒頃接七月三十一日來書藉悉韓隊長成龍所運利明燈步槍並所帶籽彈業經照數收訖甚慰近來藏兵疊次猛攻所幸我方開花迫擊二砲甚爲得力惟現時此項砲彈使用將罄聞之甚爲系念前派馬金龍所送之砲彈想已收到矣刻又派馬旅長祿率帶騎兵前來增援不日出發至台端所需大砲與迫擊籽彈當即擇底火良好者連同炸彈炸藥等物一併隨隊送上不誤刻下藏兵圍攻既急喇團長平福計此刻想已抵玉藉資救援而固防線俟馬旅長祿到齊之後兵力既厚應即會同良臣宣慰使等和衷共濟妥善籌備宜於自衛之外向機進展收復失地俾保全我軍之榮譽而固國防是爲至囑隆布族官長普納喬男異常深爲可嘉當經面呈主席委爲番兵游擊副司令以示獎勵而資臂助委狀隨函送上即希查照爲盼專此手覆即請助安馬步芳啓

致第九師各旅團營長函

旅團營長助鑿斲自東北淪喪瀕瀕凋殘外患方殷內憂轉劇而藏兵乘機侵略海南故意尋衅日趨嚴重東犯西康北侵玉樹芳以國難當前且藏人爲五族之一原係家人故始終堅持和平對待即一再函達三王千布並達賴佛爺婉述利害勸其覺悟事寧人免開邊釁乃藏兵竟置之不理突於本年三月二十四日率兵數千人佔我海南之囊謙及大小蘇莽焚殺搶掠備極殘酷芳曾委馬旅長馴前往宣慰此事諒早知悉而藏方蠻橫難以理喻所遣送信之人險遭毒害中途阻回刻下厚集兵力又將距結古五里之纏古寺佔據節節進攻結古形成包圍藏兵人數既多而且槍械精利有大砲與機關槍多架環列轟擊猛攻三次我方傷亡十有餘名敵更倍之我方以數百之同胞挫敵五千之兇鋒槍林彈雨出生死其爲國犧牲勇往直前殊堪敬佩玉樹芳甯遙遠轉運維艱根株缺乏奪敵充飢日夜拒守誓死禦敵所幸衆志成城閱時四月之久孤軍困守保全結古刻派喇團長平福帶隊赴玉先解重圍再圖恢復失地芳以非才職司警備邊防所關死生以之玉樹芳爲先主席二十餘年所經營一旦或有不虞不但無顏以對國人更何以上對先主席在天之靈執事治軍有年久共患難丁此風雨飄搖之際凡我袍澤務宜體念時艱朝夕惕勵各奮精神對於部隊愛之如同子弟切實整頓養成國家精銳之軍旅枕戈待旦用備萬一聊盡軍人天職共維西北大局祈將鄙意遞諭部屬咸使聞知繪寄玉樹地圖一張藉資瀏覽深恐各隊分駐防區真相未明用述顛末並佈胸臆此請助安馬步芳啓

致玉樹各千百戶函

銜略千戶惠鑒藏兵侵我玉樹芳以兵凶戰危恐累番民故一再容忍和平對待乃藏兵蠻橫無理得寸進尺近來包圍結古猛攻三次以致我親愛之海南各族大受驚恐芳一念及心實不安所幸駐玉樹部隊將士用命加以台端等深明大義協力援助結古賴以保全此等情形曾經電呈中央對於番民深爲嘉許現蒙撥發本師步槍枝籽彈電機等項接濟軍實俾收失地前派喇團長平福率隊赴玉迅速救援刻又派馬旅長祿帶騎兵一團共計四營摒擋一切不日亦赴玉樹增加部隊以厚兵力於自衛之外收復失地用拯番民於水火之中以保青省領土之完整素譚台端捍禦外侮保護地方俱有同情即祈同心協力切實幫助退彼兇鋒鞏固邊圉是爲至盼專

此即請助安馬步芳啓

致馬良臣宣慰使馬炳臣指揮函

炳臣指揮兄再察藏兵圍攻玉樹已有四月之久我方初主和平冀其覺悟近來得寸進尺疊次猛攻若不痛加懲創則彼謂我怯弱良臣宣慰使而愈逞兇毫無忌憚惟茲事大有關係國防若一戰而勝失地盡收不但我軍名譽光榮而且邊疆又安若稍不慎則問題更多而先主席廿餘年經營玉樹之苦心辜負不少步芳用是日夜焦灼寢饋難安刻惟有兢兢業業集思廣益推心置腹人盡其才才稱其職羣策羣力共濟艱危茲派軍務長戴處長瑾珊偕同馬旅長祿前來結古幫同台端贊劃一切該處長對於軍學研究有素而且隨芳多年即祈會商進行爲盼此頌戎安

青海黨務特派員致中央執行委員會電

中央執行委員會鈞鑒密頃據確報本省南部與西康毗連之大小蘇芒地方於三月二十四日突遭藏兵襲擊我方以兵力單薄致將該地失守四月四日藏兵復乘勝將我昂謙佔去現我駐軍正退守結古藏兵仍在迫進且其一路已進集於結古後路之拉卜寺結古岌岌可危是役我軍死營長一人兵士數人職等聞警即赴省府詢之馬主席並建議速派我軍及電中央請示主席當會面允已飭本省南部警備司令馬步芳遵辦查結古爲本省南部邊防重鎮而昂謙蘇芒復爲結古要地昂芒旣失結古若不保則黃河南北果洛各族及省之其他藏族亦將動搖而本省大勢去矣祈鈞會電諮國府迅飭軍部速決大計電訓馬主席麟及馬司令步芳派援剋日收復失地並嘉勉鼓勵以激盪其鞏固國防之決心飭西安綏靖公署接濟軍用等品復查藏兵雖有二三千人若以本省之兵力及時迫出極爲易事倘時機一失則西北必爲東北之續在在棘手矣謹聞並乞電復示遵青海省黨務特派員李天民燕化嘗叩有

呈青海省政府文

呈爲呈請發給領取槍枝電機運費以應急需而固邊圉事竊查結古爲海南根本重地此次藏番無故侵入昂謙大小蘇芒會蒙派委

馬旅長馴前往宣慰而藏番蠻橫難以理喻所遇焚殺擄掠海南番民驚懼遷徙刻下節節進逼形成包圍業經進至距節古五里之纏古寺與我軍前線已有接觸職部得報後當即調遣喇團長平福帶隊往援助惟前奉蔣委員長飭發漢式造槍一千枝無線電機三架並有職部所購軍用各物品刻以軍事緊急已派職部馬處長騰雲馳赴南京迅速起運運費一項約計需大洋二萬元職部因開拔軍隊且佈置海南防務需款甚鉅困難萬分爲此呈請鈞府俯念邊事緊張賜飭財政廳迅准照數發給以濟急需不勝待命之至謹呈青海省政府主席馬

呈請各院部迅發槍彈及電機等文

呈爲呈請事頃據玉樹馬宣慰使馴七月十三日報告內稱萬急日來藏方日夜猛撲我卡前後三次賴我方卡固兵勇卒未損陷敵方陣斃四五十名負傷甚多奪獲鋼槍三枝鉛槍三枝我方陣亡官兵五名負傷八名雖竭力守禦而三營籽彈業已告罄兼之藏番百方猛攻不稍畏怯近日又運到開花砲數尊機關槍數架向我方日夜轟擊我軍竭力抵抗誓死防守推番民驚懼均以避彈紛紛遷移萬懇調遣援軍攜帶充分籽彈及迫擊砲開花砲彈手榴彈若干星夜兼程來玉以濟危急等語查結古爲青藏咽喉刻下藏番節節進逼職已派喇團長平福率隊一團星夜兼程赴玉藉資應援惟前奉

中央飭發漢式造槍一千枝無線電台三架迄今尙未運到此間需用迫切業派職部馬處長騰雲前往南京迅速起運尙祈鈞座俯念邊防緊急轉呈蔣委員長准將未發之漢式造槍五百枝迅賜照數核發並電飭沿途駐軍於此項槍枝電機過境時妥爲保護用顧急需不勝待命之至謹呈

1 譯札武百戶等八人來函

師長鈞鑒札武百戶等八人謹肅者壬申年八月二十五日藏兵五千人開火攻擊我方兩月半晝夜不分情勢非常危險幸托鴻福暨駐軍用命玉樹幸未完全歸藏人之手民等感激無量惟札武族所有房屋盡被燒燬財帛器物已被搶完民衆流爲乞丐民等赴蘇爾

非守護地方時途遇藏兵兩方即時開火我方捉來藏兵一百一十四人暨軍裝等我方大獲勝利傳聞藏方徵集十八歲以上六十歲以下之人均爲兵士準備攻擊我方我方若無急確之準備恐有不利茲派先巴丹增面呈一切請詳加詢問爲盼謹呈稱多安冲——札武——讓布——布慶——拉達——上娘嫫——固察謹上

2 致玉樹二十五族千百戶百長首事民衆等函

玉樹二十五族千百戶百長首事民衆並各同胞等均覽此次藏兵犯青佔據我土地殺掠我人民深賴貴千百戶等協力援助官軍以故藏兵猖獗數月未得大逞我少數軍隊不惜性命拚死力戰者純爲玉樹二十五族地方人民生存計並非爲個人功名利祿計此項情形諒各願目各同胞共同深悉茲又續派援軍於交通不便轉運困難遠在二千里以外之玉樹者仍係爲我二十五族人民保二十五族地面也深望各族官民人等共曉此意亟當相愛竭效忠誠實意援助在玉軍隊共謀抵抗藏兵恢復失地以蘇災黎凡我同胞精誠團結同心協力共策進行如或有生二心者須開誠勸說父勉其子兄勉其弟共曉大義共知利害萬勿自貽禍殃設軍隊有違犯軍紀欺凌百姓茲擾地方者須即指名報告馬宜慰使馬前防指揮暨當地長官依法嚴懲並可派人或寄函來省報告本司令即當立予作主決不稍宥姑寬總須軍民和睦相親相愛情同骨肉一致進行是所切望茲送上佈告五張請張貼通衢俾衆週知並望嗣後將前防情形隨時報告爲要此頌近佳馬步芳啓

3 致玉樹二十五族千百戶百長等函

千百戶百長惠覽此次藏兵犯玉侵佔我土地殺戮我人民劫掠焚燒極盡殘酷幸託台端等深明大義和衷共濟援助在玉軍隊得以盡復失

地此不僅芳一人之榮幸即全國人士最爲欣慰者也茲值河山重光所有善後安輯各事宜尙須與馬宜慰使馬指揮馬旅長等協助進行俾得便利台端等精誠擁護政府之熱誠芳最爲欽佩而感激若不早酬戀庸其何以勵現在而勉將來茲派本部軍需處長馬驥

來玉慰勞面致一切並希台端等將所有一切儘可詳細報馬處長據轉前來定必立予採納如再探得藏方秘密亦須據實報告以資參考馬處長同時台端等如有暇閑可多推代表來省面談一切尤為殷望者也善後事宜經緯萬端尙希仍本初誠共同努力未盡之辭馬處長當能代談臨書神馳不盡依依專此頌頌近佳馬步芳啓

4 青海南部邊區警備司令部爲玉樹事件告蒙藏同胞書

親愛的蒙藏同胞們自從今年三月間藏兵侵入青海南部佔及且寺蘇莽昂謙各地以來時經五月之久在此五月當中所有詳細情形有的知道有的還不明白本司令爲解除誤會及息止一切謠言並使全省同胞明瞭情形起見茲將經過詳情爲我同胞們一一述之綠玉樹二十五族內有一個族分名叫蘇爾莽族他的地方分大小兩部大的一部在昂謙族雜曲河的東邊拉秀族的南札武族西邊西康昌都縣的北邊小的一部在札武族的東邊布慶禪古兩寺的南邊西康鄂柯縣的西南西康同普縣的北邊是我們青海西南的咽喉玉樹二十五族的屏障尤其是西通康藏的大道地方非常險要近蘇爾莽族有個院名叫及且寺今年四月間藏兵趁著在西康方面得勝的餘威發生席捲海南的野心開來了許多軍隊先把及且寺佔了爲侵略青海的根據地他們當時積極的妄設驛站進行侵略計劃不久就佔去了蘇莽全族所到各處村莊他們殺人燒房子燒寺院搶財帛趕牛羊馬匹害得我蘇莽全族的百姓實是有家難歸有苦莫訴在這種強暴野蠻之下我們死傷財物損失真是難計其數他們不但這樣就算了事又派了許多隊伍又把拉秀昂謙兩個大族份佔住了佔住以後照對待蘇莽一般的焚殺劫掠施盡強盜行爲豺狼手段那種痛苦狀況真是無法形容出來我們大家想一想在這藏兵鐵蹄下的民衆苦不苦藏兵對我們毒不毒呢省府主席暨本司令接到這種消息後心上非常難受立刻給西藏的達賴佛爺昌都的三王千布總營處去了一封最快的信請他節制他部下來的軍隊不要胡鬧並且對這件大案子兩方用和平的法子去解決用不着彼此開起仗來又給信玉防警備司令馬彪玉樹縣縣長崇維嶽等共同遵守這個主張在玉樹情勢緊急玉樹民衆痛苦達到極點的時候爲什麼我同主席即刻不開很多的軍隊趕去他們救水火中的玉樹百姓反而從從容容的用和平手

段呢我並不是怕他們大家要知道這個當中有幾個不得已的原因我就給大家說一說

第一件 西藏是我們大中華民國最西的一塊地方他的民族同是大中華民族之一尤其是和我們青海的藏族同是一個民族血統語言文字習慣宗教風俗也同此次雖然他欺侮我們當然是他們的不是受人挑唆我們以同胞的關係以好話相勸所以不忍自家夥子裏打起來失了兄弟間和氣

第二件 日本帝國主義者去年佔去東三省今年一月間又在上海逞暴橫行現在又進兵熱河一帶在這外侮日亟國難方殷的時候我們中華大民族應當團結起來一致禦侮更有什麼心腸內裏兄弟們相關使中央有西顧之憂邊圍有壘卵之危呢所以我實不願經啓邊衅益滋糾紛

第三件 我們青海雖說平安安各種方面似乎還好一點但是以現在情形看起來第一財政困難達於極點第二全省百姓們因為天年不好大家非常難過所以不願同藏兵開仗增加大家的負擔

因為上面三種原因所以我同主席用和平解決方法派了本師第一旅旅長馬馴銜青海省政府的宣慰使名義到玉樹去宣慰表示和平不以兵戈相見的主義我們是這樣的希望誰知道那西藏的軍隊和帶兵之官長三王千布坎郡大哇等數人始終不自覺悟反以為我們青海軍政當局怕他所以他大舉來犯把結古包圍了數月天天用的大砲排槍攻擊我們大家知道結古無有城池守起來很費氣力在這四面楚歌槍林彈雨中間結古形勢萬分危險尤其是我們的軍隊人數也少槍彈也不多幸託玉樹各族同胞和衷共濟和我們將士用命死守任他怎麼利害始終在結古未佔上便宜並且我們奪來了不少槍枝和平解決是已經沒有希望了他們對待我們的手段一天比一天毒辣了逼不得已本司令即盡守疆土保護百姓的責任委馬彪為警備司令部第一旅旅長兼前防指揮札武百戶為番兵游擊司令并調遣喇平福團長帶隊趕赴玉樹應援又派警備司令部第二旅旅長馬祿月前也帶大隊增援希望解除玉樹民衆的痛苦恢復青海的地上日前接到馬宣慰使的報告上面說「陽歷八月九日藏兵又大舉包圍玉樹戰事非常激烈宣

慰使趕卽會同馬旅長彪并調遣番兵八百人和我們開到至玉樹的軍隊以全力抵抗藏兵勢漸不支卽向拉秀撤退我軍卽跟踪去追已經追到拉秀族的附近現在正佈置一切非把他趕出青海境外不可等語」這時喇團長離結古三站尚未達到玉樹現在事隔二十餘日我們的援兵節節到達玉樹了不久可以恢復昂謙蘇莽這是值得我們喜歡的一件事我們要知道這件案子不是玉樹一縣的也不是青海一省的是關係中國邊防的重要問題所以中央對於此案非常關心他聽得我們仗捷勝了一個電報嘉獎我們并且給我們發來了三架無線電壹千枝鋼槍十萬籽彈教我們趕快恢復失地又接到玉樹的報告成都劉軍長的軍隊也把他西康的藏兵追出來了川軍離我們二百多里地已經和我們聯絡一致計劃夾擊藏兵在此情勢嚴重的時期本司令率領數萬健兒始終抵抗非把失地盡復誓不能休并且希望我們蒙藏同胞大家明瞭這一事沒要聽從謠言趕快團結起來作政府的後盾這是本司令最後希望的一點因爲大家很關心這件事所以把今日以前的消息給大家報告請大家注意司令馬步芳 二一，十，十五，

5 爲克復海南失地佈告各界文

爲佈告事照得海南戰事自結古解圍藏兵退據拉秀寺一帶本部所派援軍先後抵玉馬指揮彪督率前防部隊克復當存寺及小蘇莽曾經佈告在案頃據馬宣慰使馴馬指揮由鄧柯轉來感電並接九月八日自昂謙報稱我軍八月二十七日復克小蘇莽後於三十一日趁勝卽向大蘇莽進展該地駐紮藏兵砍郡大哇夏宗大辦擁數千精銳退取守勢防範極嚴我軍於九月二日上午四時開火作正面攻擊又令喇團長平福選騎兵三百人截擊後路而大蘇莽藏兵憑險固守毫不鬆懈經我軍奮勇猛擊閱七小時敵始敗退砍郡大哇向昂謙潰走夏宗大辦向南潰竄我軍追擊至撤黃拉地界正與喇團騎兵相會夾擊砍郡大哇之後隊全軍覆沒是役擊斃兵三百餘名俘獲一百餘名奪鋼鉛槍各數十枝我軍陣亡官兵六人受傷十三人三日拂曉指揮部隊卽向昂謙出發該地駐紮卡鄙大辦先米大辦及敗逃之砍郡大哇鳩集數千人抵抗我軍自上午八時至晚九時痛擊數次敵勢不支是夜藏兵完全向西康轄境之嘉藏哈類烏齊逃竄是役我軍乘勝撲擊俘獲無算僅傷士兵數名次晨我軍克復昂謙玉樹失地刻已完全恢復青海南部毫無藏兵至跡

惟是玉民被其蹂躪至爲酷虐刻卽開誠撫慰安插難民一方於各要塞分駐防軍俟馬旅長祿抵昂謙後卽協同川軍會師昌都共固西南邊圉等情據此除電告南京軍政部參謀部蒙藏委員會西安綏靖公署並西安綏靖駐甘行署外合亟佈告仰各界同胞一體週知此佈馬步芳

6 告玉樹二十五族民衆書

親愛的玉樹二十五族同胞們此次西藏軍隊無緣無故開到我們玉樹佔地方殺人搶財物燒屋舍散離了我們的家庭破壞了地方的治安害得我們玉樹同胞如處十八層地獄有家難歸有苦難訴這是本司令時時刻刻抬頭西望最傷心最不能去諸心懷的一件事在這藏兵猖狂玉樹痛苦萬狀的時候我們忍着痛苦爲什麼同他們不開仗先用和平手段呢大家都要知道西藏的藏族和我們青海的藏族同種同文同教是中華五大民族之一同是中華民國的老百姓比如手足上五個指頭一樣他們和我們關係如此的深感情如此的密爲什麼他們不管同胞的面子來欺侮我們呢我們要明白他的背後有一位挑撥離間愚弄陷媚之人慣於侵略人家損人利己藏方上了當不認自家兄弟先從我們玉樹裏欺侮起來所以才有這回事件我們呢處處在大體上着想處處在中華全民族打算所以藏兵此次侵犯我們我們因爲他是我們的同胞我們的情愿忍同胞的氣所以先寫信勸他又派馬宣慰使結給藏方宣說利害以盡我們同胞的情誼日本自去年九月十八日強佔關東三省後今年二月間又在上海鬧亂子這幾天聽說進兵熱河窺我平津在此國難當頭外侮日極的時候我們中華的五大民族應當聯合一致共同禦侮所以藏兵侵犯我們我們認爲他不明白大義想把藏兵勸一勸喚了醒來和我們團結去禦外侮因爲這個緣故我們開首就用和平方法解決這一件事案子用不着弟兄們鬧起仗來我們是這樣的着想可是他們不以爲然不但不以和平並且遣兵調將佔去了我們的大小蘇莽昂謙拉休包圍結古四十幾天在槍林彈雨中我們受的痛苦大家都是身歷其境的還記得吧我們越和平他們越野蠻還說是我們害怕他們本司令保衛地方安護百姓决不使喪心痛狂殘害同胞者在青海胡鬧逼不得已我就委馬彪爲前防指揮並調喇團長平福馬旅長祿先後趕到玉樹

應援以保我疆土護我百姓全我玉樹二十五族人民的身家姓名固我海南的邊防疆域這種意思大家都明白吧我們援軍冒着大風暴雨節節到了玉樹幸賴我二十五族同胞以愛護家鄉關心國事的念頭處處幫我的忙所以打退了藏兵恢復了失地這不但但是本司令最爲欽慰的也就是青海全省中華全國的人最高興最欽佩一件事呀現在我們的軍事勝利了我們的河山重光了以後安撫災民的事情還多着呢請大家還要本着忠誠以盡全功總教我玉樹此次被災流離之人均要各回各家各安生業舉家團圓不受苦楚這是本司令最希望大家的呀因爲大家這一回爲家爲國辛苦了不得所以我派了本部軍需處長馬駿來到玉樹問候你們安慰你們並且視查這一回我們受的痛苦以便賑濟你們我因事情很忙不能親自來玉所有說的話統統給馬處長說了你們大家詳細聽聽我想你們報告的話一定是不少詳細的報告給馬處長以便轉報來省我就照辦馬處長回來的時候希望你們多派幾位代表來省和我見面握握手談談心才好我想大家以爲對吧在上面沒有說的話馬處長可以給你們說我最希望的呢大家要精誠團結和衷共濟一致努力而竟全功請大家注意司令馬步芳十月十五日

7 爲玉樹戰勝藏人後告武裝同志書

這一次西藏的軍隊侵犯玉樹佔我們的地方殺我們的人民焚燒房屋劫掠財帛離散我們的家庭擾亂玉樹治安大家想想被難同胞多麼苦多麼難受呀在這玉樹遍地烽煙四面楚歌的危急時候我們馬上不開去援兵爲什麼先派馬旅長良臣去宣慰呢大家要知道西藏的藏族是我們中華五大民族之一和我們青海的藏族同種同文同教因爲關係如此之深感情如此之密所以他們雖說不認得我們是同胞我們總是處處爲大體着想處處爲中華全族打算所以和他經了幾回的商量希望以和平的方式解決這一件案子用不着自家弟兄鬧起來就像古人說的煮豆燃豆箕彼此相煎的那般故事了尤其是現在的中國國難當頭外侮愈亟的時候我們五大民族快要拋除前嫌共同團結一致禦侮所以藏兵怎樣來欺侮我們我們總是以和平爲前提認清他不是我們的敵人所以派馬宣慰使去宣慰勸他並且喚了醒來和我們合作去禦外侮呀我們是這樣想着藏方以爲我們怕他他不但和平並且遣

兵提將在玉樹鬧的越利害了本部負的責任是保境安民決不許在我青海有人擾亂治安因為藏兵始終頑抗逼不得已就命馬旅長等便宜行事並且調遣喇團長平福馬旅長祿等先後趕赴玉樹應援以全力保全玉樹二十五族的身家性命青海南部的邊區治安大家要知道玉樹是青海的咽喉西北屏障尤其是西通藏印之要道關係於西北國防者至重且大我們青海省城西甯離玉樹有十八馬站因為交通不便沿途荒涼瘴氣厲害山川修阻平常旅行就感着十二分不快況且用兵的時候運彈械運喫食以及軍用上的一切一切大家想想多麼困難呀藏兵犯玉樹的當初我們說駐玉的軍隊也不過二三百人槍械呢多半是鉛槍大砲沒有一架籽彈呢將夠一二次作戰的供給尤其是沒有郵電消息不靈並且離我們省城這麼遠接濟來不及到後來我們的喇團馬旅雖然到了玉樹總是軍力單薄器械不精何以當得起藏兵二三萬和某國造的鋼槍大砲呢況且藏人到玉樹來走不上幾天運輸糧秣非常便利調派軍隊不算一回事看看藏軍的器械這麼樣利害軍隊這麼樣多軍需上這麼樣充足爲什麼他們團結古不下佔地方不住勝不了我們在玉少數軍隊呢大家要知道這個當中我們不是說藏兵懦弱我軍奮勇的話因爲我軍知道在這四面楚歌當中不戰不成惟有忍着痛苦憑着正氣合起大家力量來和藏軍拚命以盡我守土責任並報答國家的付託所以藏軍失敗了我方勝利了大家要知道這次的勝利純粹是我軍團結和氣的工夫所謂和氣致祥是也在此應當要知道和氣的關係如此之大我們雖是勝利了最要明白達到勝利的還有兩個遠近的緣因爲我軍很守紀律到了什麼地方不但不欺侮百姓並且時加愛護所以引起了玉樹二十五族全體民衆的歡迎不論到那裏他們百姓拿着吃的提着喝的歡迎我們並且作戰的時候種種方面幫助不少這個自然是百姓擁護我們愛護政府的忠誠當然可欽佩要不是我軍將士聯絡有方嚴明軍紀萬萬得不到玉樹人民的同情在此我們應當要知道軍紀嚴明軍民合作的要緊了我們這次勝利其所以得到百姓擁護而發生歡心的原因呢因爲先主席座鎮青海近二十年在這二十年的當中慈愛全青的老百姓如父母之愛子女尤其是對於蒙藏同胞格外愛護大家不見去年先主席過世的時候麼蒙藏同胞均各稽首蹙額如喪父母所以這次玉樹事件引起了他們愛先主席之心以擁護諸將士所以軍民合作上沾了不少的便宜這不

是我自己吹自己人皆共知共見的呀我們在此要知到愛護了百姓總是福利嚟自從這件案子發生以後引起了全國人士之注意尤其是我們的中央政府非常關心常常來電問訊消息並且指示不少的方略還發給了槍彈電機增厚我們的實力去和受人挑撥殘害同類者奮鬥中央聽得戰事利了失地恢復了馬上來電報嘉獎我們全軍並且全國人士非常歡欣鼓舞回想我們的軍隊當初開赴玉樹的時候拿着三斤炒麵冒着大風暴雨受着嚴霜冷雪誰也沒聽見說一個苦字人生的公例是先苦後甜我們受了這一回苦纔有現在勝利的榮譽現在是已經勝利了失地完全恢復了我們全軍必定很高欣在高欣當中我們要注意第一免除驕氣精益求精大凡人遇着得意事必定是最高欣的但是高欣的過度了就要發生一種自己能幹自己厲害瞧不起人的態度這種態度叫驕傲驕傲的反面是謙和書經上說滿招損謙受益人總是謙和比驕傲好的多尤其是我們當軍人的更要注意最要緊是不犯這一件毛病我們這次雖然勝利不過是我們盡軍人應有的天職嗣後應當於勝利當中比從前還要謹慎才能永遠保持勝利的榮譽請大家注意第二注意訓練以防將來這回藏兵雖是敗了靠不住不捲土重來所以大家對於軍事上的一切比從前還要努力用心不要因為此次勝了放鬆訓練上的工夫第三精誠團結共禦外侮大家要知道這一次的戰事不過是自家夥子裏的一場糾紛因為藏人不是我們的敵人我們是維持地方的治安才有這一種行動現在我希望還要和平解決勸藏方明白大獨和我們團結起來共同鞏固西北的國防一致抵禦欺侮我中華民族的帝國主義者上面的話大家都知道了請大家一心一德愈加努力這是本部最後希望的一點

1 參謀本部電

急青海馬代主席馬司令助鑒東電悉康藏事件本為不祥之內爭宜早行解決實現統一之局面前中央已決以和平方法與達賴開誠相商一掃地方之宿怨而永解其糾紛已由蒙藏委員會電達賴勸其即日停止軍事行動以昭誠信然後再開會議磋商一切至我川青兩省出征部隊似應在現地擇要扼守勿再前進以和平之決心並靜觀局勢之推移再作計議如何之處望即電覆參謀本部皓

2 致馬炳臣指揮等電

急德格鄧指揮轉馬宜慰使良臣馬指揮炳臣馬旅長祿均鑒寒電悉頃奉參謀本部皓電節開中央已決以和平方法與達賴開誠相商已由蒙藏委員會電達賴即日停止軍事行動然後再開會議磋商一切至我川青出征部隊似應在現地擇要扼守勿再前進等因務希台端乘中央息事甯人之意旨暫行停戰在現地擇要扼守勿再進攻昌都秣馬礪兵養精蓄銳聽候中央之處理靜觀局勢之推移再作計議爲盼馬步芳叩

3 上參謀本部電

南京參謀本部參謀總長蔣鈞鑒電計蒙垂察前經疊電飛飭海南部屬即日停止軍事行動擇要扼守俟明年春融靜候中央命令辦理頃據馬彪旅長馬訓宜慰使篠電稱篠電奉悉青藏和議鄧指揮從中調停職彪於十月十九日由德格回駐海南原防旅長馬祿退駐當頭哈岔一帶青康邊界之處與川軍互相聯絡以防意外而海南地方以昂謙爲最要遴選喇平福團長駐紮以資扼守第三營駐紮結古及拉秀一帶職彪在昂謙等處小駐數日即回結古整頓糧秣以備冬防事宜特此電報等語謹此奉聞祇頌鈞安青海省政府代理主席馬麟青海南部邊區警備司令馬步芳叩儉印

4 致馬宜慰使等電

德格無線電台請轉青海馬旅長炳臣馬宜慰使良臣均鑒巧電悉康藏和議已成想係暫時雙方停戰之議至於康藏界綫恐非中央與達賴兩面會商不能確定也川軍既已議和青藏和議亦可請鄧指揮代爲主持此間另無派專員之必要至於議和條件(一)青海玉樹二十五族地方藏兵以後絲毫不得侵入(二)青兵現駐春科一帶係西康地面青海止能交還川軍不能交與藏人川軍如不接收暫時仍應歸青海軍隊駐紮(三)雙方俘虜生命川藏和議如何辦法青藏亦可一律照辦以上三條應由馬旅長馬宜慰使與鄧指揮妥商辦理如尙有未盡事宜仍可隨時電知如三王千布直接派員來與我軍商洽亦可由該旅長宣慰使開誠布公和平接洽也如

何辦理情形務即隨時電告馬麟馬步芳漾印

5 致德格鄧指揮電

德格電台請轉鄧指揮助鑒藏兵自海南退却後疊奉參謀本部電命着暫時停戰俟明年春融靜候中央命令辦理當經飛飭海南部隊一體遵照結束軍事行動頃據敵部馬旅長彪馬宣慰使馴巧電所稱知康藏和議已成中央自有具體辦法川青應取一致態度而敵軍尤以我兄馬首是瞻所有青藏進行和議辦法亦乞代爲主持自能因時因地用制其宜惟此次和議想係雙方停戰之議至於康藏界線根本解決之方策中央與達賴誠懇磋商後當始能確定愚見對青藏刻下和議之條件（一）青海玉樹二十五族地方藏兵以後絲毫不得侵入（二）青兵現駐春科一帶係西康地面青海止能交還川軍不能交與藏人在藏兵未自動退出西康境內以前川青同盟保障和約春科一帶暫歸青海軍隊駐紮和衷共濟便於策應（三）雙方俘虜生命川藏和議如何辦法青藏亦可一律照辦以上三條除電馬旅長宣慰使就近與我兄妥商辦理外所有未盡事宜一併請兄切實指導趨於一致早弭兵端促進康藏問題整個之解決無任盼禱之至馬麟馬步芳叩漾印

6 上蔣委員長電

軍急漢口蔣總長鈞鑒奉讀迴電謬荷嘉獎愧感交縈職以藏方原屬國家五族之一誼切袍澤侵犯玉境之初職卽不欲以兵戎從事勸其退兵修睦無須同室操戈袁豆燃箕竟拒不見納益行進攻結古被圍數月玉樹已瀕危殆迫於萬不得已始行反攻實非職之本意竊幸驅其出境正擬協同川軍進攻昌都乃迭奉鈞座電令以達賴屢表求和傾誠內向請求罷兵修好飭職前防將士一律停攻靜候中央處置各等因奉電之下遵卽飭令一律謹守原地不得再行推進據電遵照辦理早將多數軍隊退守蘇莽昂謙等地一帶駐紮而川軍亦未渡越金沙江但恐藏兵多詐仍卽遵令嚴加戒備以防萬一將停攻並部隊駐紮地點情形電呈在案諒邀垂青一面仍與議和各守疆界勿再侵犯乃達賴代表貢仲尼以會同川軍進攻昌都電陳鈞座該代表係屬飾詞實未足信職迭據馬彪電稱以現已

停攻宜速與議和爲善是再無進攻昌都等情惟頃據住昌都密探報告達賴將留英藏籍陸軍學生調回重整軍備並將學飛機十二人亦調回架機助戰將來恐有大舉請亟注意等語查藏方即有如此動作職方仍以嚴守停進統聽中央命令解決爲唯一之宗旨仰副我鈞座用和平處理維持邊局之至意謹將戰軍早經停攻並藏方設備情形肅電奉聞敬請鈞安職馬步芳叩世印十三一

馬驃玉樹旅行日記

民國二十一年十月十日

早六時由西甯出發同行中二十七人係奉師長令往玉樹犒軍餘七人係大河壩駐兵公畢歸營者行三十里至陰山堂已八時馬公安局長德菴備早餐少頃師長派張參謀長世丞馬機要處長繩武副官長壽山等來送行遂各道珍重握別而西已十時半矣經鎮海堡一時至扎馬隆過湟水入扎馬隆峽內居民甚稀北山頗乾燥南山滋潤多樹半屬樺木峽有水曰嚮河流入湟水因久雨路滑難行長約三十餘里路皆崎嶇出峽行不一里抵湟源縣已下午五時城北倚小山南臨湟水向以繁榮稱居民多經商近年頗見消沉蓋自十六年遭匪蹂躪尙未復原此城係西甯至玉樹要道本日計行九十六里

十月十一日由湟源至沙拉庫沱

早六時半由湟源啓行因終夜大雨曉日初升大霧密佈城郭山川均在隱中行里許渡湟水又西南十餘里入藥水峽藥水河出峽入湟水峽內居民七八家皆業農田畝無多林皆白楊雪後大地銀裝直深冬景象也再西南行二十里抵藥水塘居民十餘戶滿田多雪壟近視之則所刈秋禾爲雪所壓者據土人云往年收穫之時約在秋分前後今歲多雨遲至寒露地係近年開墾者祇能播種青禾大豆菜子燕麥等類再西行過藥水溝三十里至沙拉庫沱有小城係清乾隆五年所築清置守備居民約四十餘家有初級小學一處學生約三十餘名由此處略東南行可至塔爾寺西南即赴玉樹大道余等至沙拉庫沱已下午二時是日天氣頗暖積雪溶化路頗難行

因宿焉據云由遼源至此祇六十里路實則七八十里尙不止也

十月十二日由沙拉庫沱至東壩

早四時即起床西行約五里至日月山積雪尺許寒風襲人相傳唐以公主和番至此見荒渺無人烟泣不生往番王謂如能以金質日月贖則放歸公主乃遣人入告備言詳情唐遣使者持金日月一對往贖使者易以瓦質公主見其父重金輕女遂將瓦日月棄於此從番王去故名日月山云言雖荒謬姑誌之以待考證越山有一小川曰倒淌河以西向流入青海故名渡河後即安置行灶早餐開始過蒙番生活食酥油炒麵矣餐畢已十一時半行未十里至一灘此灘東西長約百餘里南北約十餘里延至海岸灘內居民皆藏族逐水草業畜牧牛羊甚多越一小嶺入耕稍溝據云當玉樹未設縣以前旅客過此常患匪劫現已不復聞矣溝長約十餘里怪石崢嶸乘馬行不勝顛簸出溝至一灘幅員甚廣居民有千布祇族帳房約千餘幕牲畜甚夥滿灘皆是下午三時始竟其灘渡哈馬隆河至東壩居民約二十餘家田地多係近年墾者農器不甚完備生活亦極窮蹙時已下午三時遂宿焉本日計行約八十餘里

十月十三日由東壩至沙中驛

是日天氣晴和早四時啓行約十餘里至恰卜恰土質肥美據云今春旱魃爲虐是以歉收農民頗焦慮此處有新建營房一處查此處地勢險峻爲西甯玉樹間之要道非常駐軍隊不足以防匪患之侵擾民初甯海鎮守使馬閣臣有鑒於此即創建營房置兵守之十七年導河兵燹波及西甯野番毀之近者馬子香師長秉承父志重新修理今夏已告落成余等至此休息片時復前行至雜宋灘野草豐茂畜牧最佳東西約六十餘里南北逾三百里惟飲水缺乏不能移民殊屬可惜下午一時灘始竟又行約一里許過一沙嶺嶺下有海曰達連海海周約七八里水頗淺水鳥游泳活潑可愛沿海氣候頗暖時值冬初蒼蠅尙能飛舞復越一小沙嶺至沙中驛係共和縣屬居民三十餘戶均係十七年後由西甯化隆等縣移來者農業畜牧尙屬發達至是已下午三時遂宿焉本日行路計約九十里

十月十四日由沙中驛至却吉

天朗氣清月明星稀就道時四點半行沙中約一小時曉日將升頗覺寒冷蓬斷草枯霜晨堪畏俄而出沙窩至一荒灘灘東西約百餘里中貫小河東流入達連海灌溉頗便惜開墾者甚少耳余等就灘中早餐河東約五里處有一小海曰香俄兒錯海內多水鳥八時復前行不十里至却吉灘灘中居民約百餘戶或業農或畜牧土房帳幕各半有郭米千戶在焉余等以其地氣候較佳遂下幕宿焉時已下午二時半矣本日以時計之約行路八十里

十月十五日由却吉至大河壩

昨夜月明風清鳥語雁啼頗慰寂寞余等坐談野景至晚八時始就寢晨四時半整裝就道氣候漸寒行未十里至什吉日隆溝七時出溝至隆哈日屯灘民初開公主席曾設站驛於此雖年久塌毀然舊址尙在此處頗形荒涼盜匪不時出沒劫掠行旅視為畏途又數十里至瘴氣山以是山瘴氣甚大故名行人至此不預帶烟草藥品等類往往危及生命灘內野草暢茂野馬黃羊結隊成羣下午四時抵大河壩亦一大灘周圍約二百餘里以飲料艱難故無居民先是閣臣主席以是地爲甯玉咽喉創建營房置兵防守并設理事員自駐軍及理事去後房舍日頽今歲馬子香師長以地勢險要重興土木數閱月營房落成較前堅固現調九師騎兵旅二團一營駐焉營房之下有一大溝其水南流入黃河夾岸松柏蒼蔚一副天然圖畫也林內野兔山雞頗多獵人來此無不滿載而歸是夜宿營房內營長馬壽山招待殷勤夜談至七時始休息本日行程約計百里

十月十六日由大河壩至小扎索拉

午十一時與馬營長壽山握別由大河壩（卽下大河壩）啓行山路崎嶇形勢極陡長約五里許蜀道不是過也下山度河復登陸山邊山至一灘凸凹難行藏語稱馱水險崖野馬殊多約十餘里灘竟卽至有名之小扎索拉山路皆板石疊成加之烟瘴逼人一步一歇汗透重衣比至頂已下午二時半遂在山麓宿焉此處盜匪出沒無常遂設哨警戒山之西荒墟甚多相傳爲年羹堯征西藏時駐營之所也今日以時計約行五十餘里

十月十七日由小扎索拉至羊腸子溝

晨二時起出帳房見月色暗淡整裝登程越一小嶺復經一大灘向平坦草木乾枯灘竟天微明俄而至一溝黃羊野馬成羣日出烟霧彌漫又入一溝南山有林雖低而茂鹿麋頗多出溝休息未幾霧散天晴稍暖早餐畢衆皆臥晒所溼之衣物但未悉其地何名亦無可詢問者甚不快至下午二時繼續西進路多石疊障礙難行未五里卽至行旅最怖之大扎索拉山山路之險瘴氣之大更甚於小扎索拉山加之水流塞道不勝其滑山高不過十里而力行三小時始達其巔其難行概可想見積雪待消馬腹爲沒余等至此樂娛極矣下山至一灘多小洞徧灘皆是馬行其上時慮陷落已而天色忽變風雪大作墜指裂膚衆皆失路嘈雜之聲震動耳鼓雖常經其地者亦復不辨路綫之所在祇任馬行二營兵士某導之始得衆心乃定而其冷較前益烈下午九時至一溝識者曰是卽羊腸溝也幸未錯路移時雪稍停而人困馬乏前進不得遂在冰天雪窖中下幕休息人雖得炊然草被雪蓋馬無所得食苦矣

十月十八日由羊腸子溝至棉草灣

天將曉整裝前行約十里許野草暢茂余等舉槍擊得黃羊兩隻烹而食之已十二時矣復西南行溝漸深路亦凹凸逾一小嶺約三十里至醉馬灘灘生毒草馬食之卽醉故名灘長約三十里過此卽至玉蒜灘有野蒜等類故得名拔而視之似蒜惟無瓣苗似葱食之與蒜味稍異灘內野馬黃羊熊狼等類頗多若伴侶少時亦甚危險下六時至棉草灣宿焉計約行九十餘里

十月十九日由棉草灣至東格拿隆

早五時起行越一小嶺卽至長石頭溝有一小灘草甚少行約二十里北風怒號雨雪交侵如利鏃之穿骨其痛苦極難忍受據云此處與果洛族接壤多盜行旅恆被劫倘在此駐軍移民則可以保護行旅可以傳達甯玉間消息可以開墾畜牧利莫大焉四時至東格拿隆遂住宿焉本自行約九十餘里

十月二十日由東格拿隆至馬拉驛

昨夜北風怒號寒不可耐拂曉更甚啓行時鐘已五句約十里許出東格拿隆溝入淨皮臉灘此灘雖云廣闊而其水均含毒質人畜稍一不慎食飲後往往斃命云行五十里灘竟過一小嶺至馬拉驛此處野草暢茂河水澄清最宜牧畜遂休息午飯畢風稍息仍前行逾二小嶺氣候甚溫暖再行二十餘里遂宿焉本日約行七十餘里

十月二十一日由馬拉驛至野馬灘

早三時啓行曉日初升即抵黃河沿河寬不過三丈深不過四尺乘馬可涉過河沿東山行數十里多澤湖爲星宿海東際乃黃河源之一部分也水天一色一望無垠古人黃河水從天上來之句至此始得領略查星宿海云者非指一海而言因數百里之間小海如星羅棋布故名海內各種水鳥遊泳飛鳴異常活潑余等即在海岸休息風起波湧碧光接天令人不欲速去沿海西南行越一小嶺入沙灘馬行其上脛爲之沒灘長約二十里許灘竟越一嶺即大野馬灘野草較茂即止宿焉本日共計行六十里

二十二日由野馬灘至野牛溝口

拂曉起行不數里至淤泥河水雖不深然淤泥頗不易渡七時許逾一小嶺入小野馬灘即休息適馬美山先生東來係往亞拉伯朝回教聖地耶路沙冷歸者坐談時許握手言別午後四時至野牛溝宿焉以時計約行七十里許

二十三日由野牛溝口至把顏喀拉山

早二時半起身月色暗淡浮雲遮空行約二十餘里天始曉風雪大作衆皆下馬檢拾牛糞以備午炊時需用蓋過大河壩後薪柴全無若不預拾牛糞則無法舉火矣出野牛溝約二十餘里即至查拉坪過坪行十里打尖雪亦稍停膳畢行已十一時矣下午三時越把顏喀拉山至山之麓馬均疲甚遂宿焉本日以時計約行百里

二十四日由把顏喀拉山至休馬灘

早七時半由把顏喀拉山麓啓行至晚三時抵休馬灘是灘周圍約數百里渺無涯際整行一日尙在灘中直有朝發黃牛暮宿黃牛之

咸十質肥沃灌溉便利墾之可得良田萬頃灘中有河曰碼楚休息時已下四時矣合日計行約八十里

二十五日由窩休至竹節寺

因終夜雨雪故延至六時始啓行雪猶未止余等沿碼楚河而下約十里許遇一石山形勢陡峻山腰係羊腸小道下臨大河行之頗難陰平劍閣尚不是過九時出溝至竹節寺百戶却加及該寺僧衆十餘人鼓樂器來迎余等下馬入僧衆餉酪酥羊肉飯後即行僧侶復鼓樂送之晚六時始抵稱多山北有一寺較竹節寺稍小居民約百餘戶皆住土房該處有百戶二大者曰昂爾小者曰差武昂加農產以青禾爲最據云此處往歲商民頗多今歲因戰事關係商務較爲消沉今日行程共計約八十里

二十六日由稱多至拉卜寺

早七時半由稱多出發沿途居民多住樓房形式類似西式頗美觀行約五十里許即登硬卡山山極險峻馬行不數武即一息至山腰余等皆下馬步行及巔馬汗如洗人氣不接休息片時沿嶺而行羊腸小道甚險似昨日所過之山腰下嶺出溝即拉卜寺該寺建築宏壯積藏頗富活佛爲尖貢據云前身因赴北平覲見光緒至五台山而歿寺僧運其骨葬於寺中現世尖貢活佛身患癩疥赴石渠縣溫泉沐浴未歸余等以未見爲憾本日約計九十里許

二十七日由休馬灘至窩休(在前)

早起飯畢即行十時始越二嶺嶺上野馬甚多每羣結百或數十不等又人一灘亦頗平坦灘之西部及中部居民約千餘家皆帳房牛羊頗夥將出忽遇狼數隻用槍擊之未得下午四時至一溝居民約三百餘戶詢之係竹家百戶屬民頗富今歲青藏發生戰事該族番民援助我軍甚力寺之周有田約數百餘畝多種青禾務農者多女子農器亦甚不備打麥場上番女之歌聲與連架聲相疊成譜亦甚入聽據云清乾隆十年時西甯欽差大臣達爾扎玉樹二十五族令其每百戶三載納銀八兩如不願納銀者可以馬代並令每年元月代皇帝諷經一次民國建元已二十有一年矣而寺僧每年諷經如舊亦甚愚焉該寺僧徒約三百餘人活佛三爲首者即拉卜尖

貢倉項欠丹欠次之今日計行三十五里

二十八日由拉卜寺至土門達

早起天氣清和晨星寥落起身時已五點鐘向西沿拉曲河行沿途村莊甚夥房屋皆西式行不數里即至通天河岸就岸稍事休息即渡河河寬約八丈有奇水勢倘平河之右岸有一小山山麓一洞俗傳爲唐二藏赴西天取經時之宿地左岸有塔唐三藏取經歸渡河經被水掩撈出列曝於此云語雖荒謬然番民信之甚篤下午二時抵土門達居民約二百餘戶房屋皆用石土砌成多業農馬乏遠息焉并要烏拉（差馬）以備明日早行此處服差役者全係婦人女子面經年不洗骯髒不堪視之令人發嘔彼等則習以爲常今日計行約七十里許

二十九日由土門達至結古

晨六時起行道多巖石未一里轉向西路較平坦然瘴氣甚大連越數大山十二時至結古炳臣司令子高縣長等備茶菓迎於道遙見扎武寺建築宏壯別有天地也十數日之寂寞於今始破矣十一時公舉休息是日計行約五十里許

三十日

早起曉日已升豐漱舉赴縣府早飯見市中婦女或編襪或織褐或紡纜帶無一閒者玉樹雖遠處邊塞一切落後而婦女之手工業尙稱發達如能竭力提倡則工業之進步誠易事也十一時集合住玉官兵告以師長及青海各界慰勞之至意並發給慰勞費官兵均甚欣慰而散

十一月一日

早飯後與炳臣司令至前作戰諸陣地參觀一周查玉樹四面環山中一大道無城郭防守誠不易當藏兵圍攻時兵力約千餘我軍不過四百人所以終能以寡勝衆者實出於調度有方官兵用命我軍陣地周圍用樹及大椽以牛皮串之內實以土鎗彈不能入俗稱曰

梅花樁據云藏兵圍結古歷時四月餘猛攻數十次其所以終未得逞者皆梅花樁之功也

三日由結古至巴塘灘

今日決定前往蘇莽昂謙一帶視查一切並暫慰駐軍晨五時起天半晴行裝早備以公務糾纏故延至十一時始得起身就道蒙馬宜慰使良臣及縣長代表司令部副官等聯轡歡送同沿結古河行竟結古灘遂舉手作別余等一行十八炳臣司令專派安兵十七人護送行未十里道轉崎嶇馬輒踟躕不前蜀道之難諒不是過復前行石礮當道巖巖峻峭余由西甯至結古每嘆路苦然其苦尙不至此馬載輕則僅能通過否則勢必顛覆加之瘴氣瀰漫呼吸緊張精力竭心悸頭昏有如經長途賽跑者又里許始稍平易聞今歲青藏兩軍拒戰於此及後藏兵包圍結古其大部即集中此處一帶山名阿世但復登一山曰夕河口較前小而陡馬輒停蹄不進其瘴氣之烈與前無異抵嶺馬身汗流如洗稍息始行下午五時至山麓入一大灘即著名之巴塘灘也東西極寬遠一望無際據土人云自東至西足百里北南足十里灘極平河流大小四五道較大者爲巴爾曲河水草豐美氣候溫暖以之開墾按二百五十步爲一畝計算此灘至少可闢良田百十頃而且平直如鏡水道便利完全可墾爲水田依附近農產額計算至少有十分收成則此灘完全稼穡每年輸出之糧約可二三千石果能如此尙何患民無食兵無餉哉今以可墾之地任其荒蕪而不知開闢良爲可惜願稍政者注意及之

四日由巴塘至拉休寺

早六時起大雪紛紛滿宇宙環視山川真似銀裝世界惟無風極覺暖和欲行烏拉(差馬)尙未齊備此地山大路險烟瘴甚烈且多石塊極難行者乘馬不服水土每行數十里即疲憊不前甚至受瘴毒而斃故凡軍人來往通報公務者多用民馬民佚以其習慣也此亦與民極不利俟烏拉到齊始就道向南行時已十時半入溝雪止天晴積雪漸消路多石行甚難出溝登山轉向西行山勢亦不甚陡但瘴氣甚烈及山巔已十二時下山因雪消轉覺寒抵一溝轉向南行道尙平有小河自溝出余等沿河而下兩旁山勢平坦左山草尙茂右山乾燥約四十里轉向東南左右石山多柏青羊石羊獐鹿之屬成羣遊食於懸崖之下因番民習俗對於野牲極力保護故獵

人不敢捕擊彼等遂得逍遙遊食入溝山漸峻險柏林更茂至下午六時始抵拉休寺寺面北座南四周多林建築壯麗河流橫門寺僧約七百餘活佛四百戶名拉休以拉得名寺名隆西成立已有一百三十一年之久極富雕刻精緻同行者莫不稱贊旋參觀大經堂金中瓦寺內設備甚簡單大抵因此次戰役將所有珍器古物收而藏之矣寺院空氣不潔遂依河插帳而宿寺僧送燃料火筒來爲余等炊飯餐後休息已七時半今日行程以時計足百里終日未見居民一戶途中僅見支烏拉土屋一二間

五日由拉休寺至郭青寺

今日所換烏拉俟至七時半始來但寥寥無幾馬瘦小不能乘遂仍用巴塘烏拉各給大洋一元以資勉勵乘枴腹馬仍沿隆西曲向東南行未十里雪粒似豆遮空飛降落地卽化未幾衣盡溼至十時至子曲河邊河面頗寬約四丈許初入尙淺將及南岸水及馬腹過河後仍沿岸向南行約十里許登一小嶺此河流入瀾蒼江沿流而進大雪又至山川皆白仰視如戴羅觀天連越數嶺居民不多牛羊亦甚少約二時許登一草山瘴氣甚烈至山巔馬疲不能進少息始下過一小寺建築極簡單寺名哈觀係拉休與囊謙分界處在溝中帳帳房四五座牛羊頗少極現窮狀少頃轉向西行人卡拉哈溝多石沙較前甚難行抵溝中雪消水流馬時停蹄不進及抵哈拉山嶺已午後三時雪漸消散日忽黯忽現沿嶺路如羊腸且泥滑下午六時半始至郭青寺僧侶因受藏兵蹂躪逃避一空但聞犬吠之聲竊思藏民與我海南民族同種同文同教同風俗同習慣乃竟肆意蹂躪甚至尊卑寶貴之宗教寺院亦遭其荼毒其窮凶極惡足見一斑矣越時行五里許遂住宿該小寺周圍十里地皆肥沃平坦有牧民數家張幕爲廬若能墾殖可得良田數百畝今日行程約百里

六日由郭青寺至相達

昨夜雖宿溝中極覺溫適天將曉卽南進日出過一小嶺轉向西南入哈隆哈峽兩邊山勢直立完全係石構成遍山柏林頗茂盛百鳥啾啾鹿獐馬雞及各種野獸成羣結夥覓食懸崖自由之樂人羨其不及也東山一小瀑布高約五尺該地居民言此流與囊謙千戶與衰有關如此水暢流則千戶子孫及每歲收入皆與隆轄民亦有同樣之利益此蓋迷信之論下流海呼爲哈曲注入瀾滄江兩旁山

高數十丈相距約七八尺仰視極峯巖巖可懼柏林塞道巖石疊障極難行峽長約十五里峽口有一村名哈不達居民住處極寒天氣極暖蒼蠅尙成羣嗜種皆青禾若豆麥之屬甚少因番民拘守舊習不知變通飯後行末五里抵河畔乘馬涉過沿崖而下流分四五道水量與通天河髣髴最深者約三尺許刻因天寒故淺小夏日非皮筏不能渡玉樹當局如於此設置船舶一二則便矣哈不達灘流水遍地約占灘之半東西約六十里南北約五六里宜墾之地約占全灘四十分之一南北二山麓有居民五十餘戶住土房皆農業每歲所出只求足食其餘多任荒蕪沿江兩岸及南北兩山之荒灘水漲則沒水小則現若引水歸渠將灘開墾最少亦有數十頃民力不能及者可用兵工政策代墾內地貧民可用公力移殖於此藉資生活則荒地墾爲良田可輕減內地人民之患而常駐較多之軍隊亦能鞏固邊防不至似此次與藏方衝突時我方軍隊三日不得一飽每日只食炒麵一木碗約四兩許以澆水和而充飢即些許酪酥亦苦求不得如此困苦生活行軍大山險道能得勝利者非一日之訓練所能得也目下士兵生活仍不過食炒麵而已即較爲裕如之飲食如麥麵者實難辦到也距營房約五里許駐軍長官乘馬來迎遂握手寒暄仍前行未數武全體部隊奏樂歡迎余等以禮相還俄而灘西羶雲陡起雷聲轟烈雪粒如豆滿天飛降膚爲之裂及至相達營盤時已下午一時營房右隣居民三十餘戶皆住土房瀾蒼江距營二里許左流而過營盤對門又一灘相達河遍流其上寸土未墾殊爲可惜飯後三時集合全部官兵於營門外講述此次戰爭之成績與今後應有之努力官兵均極明悉至晚七時始休息今日行程約六十里許

七日住相達

昨夜雷聲不絕及曉山川皆白遍地冰粒如白珠日將出化溶爲水俄而陰雲密布雷聲又作冰粒紛紛大者如豆此地氣候較結古爲暖與西甯髣髴明日立冬雷聲尙不斷冰粒連夜不止山之較高者積雪高數尺而平地則變爲雹雨氣候之不調如此營房係民國十年馬統領華峯所創建駐步兵二營共房三十間今歲因遭藏方焚燒竟成一片焦土我軍刻因駐居困難乃自行伐木建築現已竣工裝修尙未齊備此地距囊謙約六十餘里惟隔一山極高陡皆石質步行一日始能達其巔乘馬則不能上越山即囊謙寺二十五族之

領袖昂謙千戶在焉附進所屬百戶有六一加茶二阿下三搶保四巴謙五幫酒六昂謙所轄百長有二十四人占玉樹二十五族之半居民多數務農畜牧帳房頗少昂謙千戶坐禪塾居暗室中聞不滿三年絕不出門如有要事或謁見者只令伊子接洽所有財產均係牛馬羊匹頗專制以其封建制度相沿已久故人民有相互鬥爭及控告情事皆向千戶或百戶呈訴而不知有地方行政長官其所用刑律重則劓腿割耳鼻或斷手足取膝或下地牢輕則鞭打居民信仰千戶非常誠篤幾如愚民之信神政府力量鞭長莫及此種現象純係番民無知故毫無革命思想若不從教育下手使一般愚民自行覺悟起而推翻此封建餘孽決不可能如以武力征服恐反惹起民衆之惡感此地盛產藥材有大黃冬虫草知母貝母鹿茸麝香等野產有狐狸豹皮等中以大黃產額爲最多但千戶禁止不准掘採貨棄於地頗爲可惜據云如有居民妄行打獵者則施以割手剝足之刑故鹿獐狐豹等成羣遊食可遠觀而不敢近擊也

八日住相達

今日仍宿相達早餐後步出營門日光暗淡天氣忽陰忽晴向暖而俯視灘中草牙尚綠惟陽山漸現黃色足徵氣候之溫暖此地居民其男子性極懶惰可耕良田任其荒蕪已墾之地亦不過隨意種少許青禾只足一載炒麵之用此外不再多求即此少許青禾亦多賴婦女耕作男子不過稍爲幫助而已山間較遠之村舍蕭條已極附近房屋亦頗荒涼加之番民習俗不潔大小便無定所故通衢門前每爲糞尿塞堵天寒尙可入暑恐臭氣逼人不可耐矣食肉所剩骨骼及一切殘爛之物亦多拋置門巷女人頭髮多小辮垂背部又束爲一已婚者全辮之未婚者額前留髮一束頭齊以示未嫁男子尚係滿頭有結辮者有披髮如巫者甚至有將面部全掩者乍見之令人驚懼其終歲不洗面者十居八九女子至冬季多面塗藏糖以禦風刺秋冬不知洗滌俟春髮時始洗至於身體更難談到沐浴女人甚自由不着褲夏日富者多着繡製成之托地長衫無褲貧者則用褐其質較粗粗亦係羊毛製成秋冬多着皮襖一如前式男子則均着褲赴外當役任工者女子居多男孩多送寺院爲僧家庭所留妻若晨星婚姻制度多係自由未嫁之女相配任其自願家庭父母不加干涉亦有由父母主之者少數而已彼輩女子富於感情尤願隨緣內地人稍相當無不與亦不取聘一切儀式可謂毫無聞或

有者多係千百戶等貴族貧民均不履行手工業頗發達如玉樹各處婦女所製之各種毛編物如毛鞋毛襪手套粗細襪子十錦襪子毛線毛單等物產類頗多除自用外尚多出售者此種好習慣公家如極力提倡則工業之發達不可限量婚姻制度多係一妻多夫制一則因男子多爲僧侶不得娶妻再則不希生育女子方面爲尼姑者亦數見不鮮故人口日漸減少出產寶藏除自然所得外其餘如毛皮大黃及礦產等物凡有寺院之地俱遭寺僧及千百戶之嚴禁無論何人不得開採任其拋置藥材方面如鹿茸麝香其他如狐豹皮熊掌等物凡山林所在每似牛羊結隊遊食但限於寺院之嚴禁番民不得獵擊內地獵人及軍隊逢之可擊者則擊不可擊者忍遭千百戶及佛僧之拒絕并易傷雙方感情至於極微之角麻毛菇等類食品更無人採買喪葬儀式約有五種置尸於河內煮爲水葬焚化爲灰裝於布袋者爲火葬由山巔拋尸入溝中任禽獸啄食者爲天葬將尸置地上築高塔者活佛及大喇嘛多行之割尸成塊以飼鷹隼者僧侶多行之

九日由相達至囊謙

晨七時由相達出發向南行約五里許涉相達河過一小嶺即入灘灘長約四十里極平坦水草豐茂氣候溫暖鴻雁飛翔高鳴不已灘中居民數十戶多住土屋以耕爲業已開墾耕種者佔灘全部十五分之一多種青禾灘竟已十二時雪消路滑馬失足墜入泥中衣服半被泥塗未幾入一石灘轉向西行與前所過砍木達峽頗相似兩岸皆石山林木欠茂一水貫之出峽即登山較陡峻及山巔雪深二尺許時已下午三時山陰極陡如直立路如石梯極難行長約十餘里遙見囊謙千戶及海巖圍長等數十人聯轡來迎遂同行未五里即達寺院僧侶鼓樂歡迎寺院規模尙小極富裕成立於清雍正七年僧侶百餘金塔三座年代甚久經堂中臚列各種珍珠琥珀珍寶品物塔上鑲之珠頗多昂謙千戶居其中其子年約二十許尙精敏昂謙千戶爲玉樹二十五族之首領頭戴紅頂腰繫清代所賜之御帶思標亦甚簡單極專制此處四面皆山寺居其中西南四五里有一小溝林木密茂大者直徑約五六尺高約數十丈多不知數林中野獸成羣以其得寺院之保護故能自由覓食也晚七時遂息

十三日由囊謙返相達

昨夜通曉飛雪頗寒起身時已五點山勢極陡高約二十里山質係石至九時始抵相達營用膳畢即向東南行逾相達河距營二里許全體軍士歡送余等還禮相辭行未三里即涉雜楚河乃瀾滄江上游水分二道流勢頗平清如鏡河床歷歷可見左流深不及三尺寬五丈許馬皆爭涉抵右流初深二尺許抵河中深四尺有餘行李盡溼抵岸水流如雨復順流轉向東行未一里入溝居民頗夥墾田不少荒地亦多居民皆住土屋牆有石片所築屋內極簡單無門窗只一木架上蓋石片亦間有樓氣候溫和草平如茵多種青禾若植麥亦可成熟行未五里遙見半山一寺規模甚小名當兒寺溝內道路石土相等尚不難行至達隆村即息焉已十二時矣溝底居民十餘戶南山約五六戶共二十餘戶逾雜楚河口村莊共有五戶係囊謙阿下百戶轄民牛羊極缺務農爲生習性甚懶髮多剪去罕見長有尺許不辮者峽兩邊山現乾燥山質石土各半馬雞班翅每羣數十百不等飯後余等皆登山捕擊得四五隻色頗麗味鮮美今日由相達至此約行四十餘里

十四日由達隆村至蘇莽

昨夜天氣晴和月明如鏡萬籟俱寂惟聞馬雞覓棲之聲咕咕不絕及成寐已十一時天未曉即起程前行不五里抵一峽東山險陡高約六七十丈西山較平兩山相距約四五丈峽底皆圓石流水淙淙自石岸出行約十里天始明七時半轉向東行路較前難雪深及尺大石橫塞道中馬不能登乘皆下馬步行稍一不慎即失足墜溝中將出溝復登嶺馬氣喘急身如水洗山名雲潤爾山昂謙蘇莽以此爲界山嶺雪厚越尺據番民言此處多豹未二里至支烏拉處居民三戶下山途休息用早膳已十一時飯畢即行又沿嶺而上柏林甚茂道亦狹窄較前尚易行無一居民下嶺見我軍擊斃藏兵尸體有二余因感想達賴以有用之槍械久練之軍隊不思誠心內向團結一致共赴國難而舉兵自向同室操戈真幼稚極矣入溝雲散日出雪消泥滑漸行漸乾河水漸大河中小魚極多溝內居民數戶有耕地俄而蘇莽百戶百長及駐軍長官來送余等下馬寒喧數語仍前行約五六里全體部隊及蘇莽番兵分隊來迎番兵禮頗奇吐舌以

表會敬于后之時抵蘇莽寺規模尙寬宏秀麗則不及拉秀寺建築高而闊樓多三層尙美觀寺之西北居民約六十餘戶係專爲寺中僧侶服務者寺周亦有田西南兩方皆高嶺距寺一里許嶺巔防敵工事尙在茶畢少息遂入寺中咒房參觀內多古兵器甲盔亦陳列其中廢用之大槍約數百支刀箭各百餘皆係屬屍骨過交來者並將擊獵之屬民手足割懸於咒房以示警戒有一僧云某年該寺活佛由藏返寺途遇一蛇長約一丈五六尺直徑粗約八寸殺之取其皮以草實其中懸於樑上今尙在並有各種獸皮懸掛室內不計其數寺院活佛有二蘇莽百戶尙隆哇係活佛之弟僧侶約三百餘百戶所轄居民務農居土房者有五百餘戶居帳房游牧者亦有五百餘戶云

十五日由蘇莽至多隆寺

今日六時起床天朗氣清秋風瑟瑟八時膳畢同駐軍王營長赴小蘇莽行時寺僧擊鼓鳴金以表歡送各隊伍及番兵仍排隊送行行數武過河登一小嶺日光尙烈凍道皆滑泥難行嶺名塞爾馬拉下嶺又登一嶺較前尙小雪未消盡營長王君爲人頗滑稽談笑談諧頗覺熱鬧過嶺入一溝居民甚稀墾地亦少至下午一時見道左有一鹽場頗富美色白味甘惜用土法採取僅供土人用而已若由公家整頓提倡俾能銷售各處則獲利定多居民二十餘戶住土屋西南皆石山西北山林木茂盛南山乾燥墾成之田居半東山松柏暢茂陰蔽天日子曲河距此約十里過河達賴駐軍在焉距此四五十里此地形勢極壯麗因草木缺乏駐步兵最多不能逾三百多則給養困難前與藏方作戰之遺跡尙留山巔現在我軍每夜留宿該處置卡以防意外此地氣候頗暖多種青禾若種麥豆定能豐收動物中猴極多每於日出時大小結隊出行每羣數十或百鹿獐狐豹之類亦多居民飢餓非常男子皆披髮不梳不辦女子裝飾習俗與其他各地同此間係蘇莽百戶轄地今日共計行約五十餘里西康與青省以此爲界亦爲今年我軍同藏方對敵之地形勢非常險要即無事時亦須駐紮重兵以備不時之患其帝國主義對於我國西南尤其是西藏存蠶食鯨吞之野心者非一日矣年來嗾使藏人借題發揮使西康各區淪陷殆盡近又侵佔我海南地土圍攻結古時逾數月非我軍之勇敢用命以少克衆則海南休矣所幸我方軍民

團結一致藏方搏戰數月未得一逞玉樹民衆能免水深火熱之苦者可謂倖矣最可恨者藏方所至姦淫擄掠無所不爲竊思達賴係黃教之主對於宗教應如何發揚光大以博民衆之崇拜信仰乃反焚燒寺院殺害僧侶摧殘宗教不知居心何在在我中央政府若不及早注意速籌邊防之策恐將來之西藏將爲安南緬甸之續矣可憐藏族同胞尙不自悟誠爲痛惜多隆多與藏方軍隊只隔一河上架兩橋係藏軍所建我軍駐多隆多只少數兵力多則地狹不容原有營房只足駐步兵一連欲設重兵以固防地非佔民房不可且兵士給養亦屬一大問題該地生產僅敷步兵一營兩月之食若不駐重兵隨時有意外之患該地居民先遭藏兵蹂躪擄掠一空現在供給軍食其痛苦可知矣距此一站之小蘇莽更爲險要其地寺院遭藏兵焚燬高樓大屋竟成一片焦土數百寺僧及活佛等逃亡一空將來給養接濟如較得利此地亦須駐兵防守與多隆多成犄角之勢氣候極熱盛產猴多山谷惟無林木亦憾事也

十六日由多隆多返蘇莽

今日晨七時登程返蘇莽行至山麓已十一時半轉向東行入拉巴木馬溝小流海海兩邊峻坂多柏林行約十里許溝盡登山山蟲直多石塊崎嶇疊嶂乘馬不能行及巔馬疲不堪遙見尙且寺居於羣山環抱中建築極爲整齊宏闊子曲河環繞寺左右一週僧侶盡逃寺圍山麓皆旱田頗肥美氣候亦適宜寺左河西有居民數十戶玉樹囊謙所轄後經達賴強迫屬藏派遣軍隊藉口保護遂起此次戰役離寺沿子曲河遙永溝西上至午後一時抵蘇莽居民男女老幼蠻歌道迎歌聲雅亮可聽恨余不識藏語不能曉其意義及下榻與洋數元以謝之

十七日由蘇莽至當藏寺

早七時用膳畢卽起身向東南行寺僧登經堂屋頂焚香奏樂藉表歡送部隊及百戶等皆送行出寺約五里沿子曲河西山麓而進道多險境多用石片或細木架成者乘馬不能行及十時涉子曲河抵當藏寺更馬速行溝旁山多松柏最高者可數十丈至甲午轉北行居民與前所過地同多住土屋少帳篷戶數亦甚少村落多嘛呢塔及抵某溝居民稀少畜牛滿山詢之則以其地缺乏穀類卽炒麵亦

無所得養生之需恃牛肉牛乳等而已可爲簡單極矣該地係拉休百戶轄境溝將出氣候轉寒雪深及尺日晒漸消登某山巔雪厚三四尺行人踏成堅塊馬時陷膝及抵當藏寺已晚六時半寺建於南山中段成立約百載有奇其教化合紅黃白黑各教徒俱萃其間僧侶一百有四活佛有三今日計行百五十餘里

(完)

馬君奉命赴玉牯師並視察戰後狀況其日記雖與戰事無關因可藉悉甯玉間路途之險夷及玉樹一切情形故附焉

邊事月刊社附誌

K263.05

1

